


The monthly magazine «North Star»

**ВОЙВЫВ
КОДЗУВ**

КОМИ
ЙОЗЛОН
ЖУРНАЛ

12 ' 96



Россияса да Коми Республикаса народнӧй художник Рем Николаевич Ермолин.

Снимайтис Ю. Осетров.



ВОЙВЫВ КОДЗУВ



БЫД ТӐЛЫССЯ ЛИТЕРАТУРНО-
ХУДОЖЕСТВЕННОЙ
ЖУРНАЛ

12

ДЕКАБРЬ
(ӐШЫМ)

1996

ПЕТӐ 1926 ВОСЯНЬ

■
ЛЭДЗӐНЫ:

КОМИ
ГИЖЫСЬЯСЛӐН
КОТЫР

КОМИ
РЕСПУБЛИКАСА
ПЕЧАТЬ
УПРАВЛЕНИЕ

■
СЫКТЫВКАР

□ □ □

ТАЙӐ НОМЕРЫН:

Александра МИШАРИНА. Виль кывбурьяс.....	3
Алексей ПОПОВ. КимӐститчысьяс. Серамбана повесть.....	5
Алена ЕЛЬЦОВА. Ме олӐм йылысь гижны кӐсий.	
Кывбурьяс.....	34
ПАШ ВАСЬ ӐЛЬӐКСАН. Виль керка. Висьт.....	36
Виталий КУРАТОВ. Зарни чунькытш. Висьт.....	43
Алексей ОДИНЦОВ. Кык висьт.....	48
Егор РОЧЕВ. Мускын изьяс. НьюсерӐн.....	55

■
ЧУЖАН МУ ИСТОРИЯЫСЬ ЛИСТ БОКЪЯС

Георгий ТОРЛОПОВ. И тайӐс колӐ тӐдны.....	58
---	----

■
СӐРНИСӐ НУӐДАМ ВОДЗӐ

Александр ПАНИЮКОВ. «Атаман Суханов» гижӐмсянь 200 восайса лӐмтор.....	65
ЙӐЗКОСТСА МОЙДЪЯС. Гундыр. Седун.....	69
ЙӐзӐдӐма «Войвыв кодзув» журналын 1996 воын.....	78

□ □ □

СЕВЕРНАЯ ЗВЕЗДА



**Ежемесячный
литературно-художественный
журнал**



Учредители:

СОЮЗ ПИСАТЕЛЕЙ РЕСПУБЛИКИ КОМИ

**УПРАВЛЕНИЕ ПЕЧАТИ
РЕСПУБЛИКИ КОМИ**



РЕДАКЦИОННАЯ КОЛЛЕГИЯ:

Главный редактор

Михаил
ЕЛЬКИН

Альберт
ВАНЕЕВ

Ответственный
секретарь

Виктор
НАПАЛКОВ

Алексей
ОДИНЦОВ

Владимир
ТИМИН

Георгий
ТОРЛОПОВ



Александра МИШАРИНА

Выль кывбурьяс



Ошым (декабрь) 16-өг лунö зарниөн гзирдыштіс арлыгыс Александра Мишариналөн. "...Бара воён верстьоджык ме лои, он тай кагтö сувтöг, кут да вигз", — тагзи ачыс шуö мян нималана поэтессаным.

1966 воын вайис сійö "Войвыв кодзув" журналö мевводгза кывбурьяс — "Гожом" да "Сиктса челядьлы". Сэсса — тусь бергö тусь — мыччысialisны выль кывбурьяс, и наыс артмисны шань книгаяс. Таво со петö выль сборник. "Сьолөм дой" — тайö сьолөн квайтöг книга.

Ми, гижысь котыр да "Войвыв кодзув" журналлөн редакция, пöся чолөмалам тэнö, Александра Петровна, югыд паса чужан лунөн! Виччысям тэсянь сьолөм вөрзьöдана выль мича кывбурьяс. Кузь нэм да бур шуг!

МЕДВОДЗА ЛЫМ

Тайö лымыйд,
дерт на, сылас...
Кыдзлөн сарапаныс
вылас.
Вижа-вежаось на
корьяс.
Пужья öтаваа
борьяс.
Сэтөр, öмидз
гылалöны.

Наридзьяс нин
кылалöны.
Кöдзыд зэрыс
няйтсö вöчö.
Вошөм морт моз
арыс жöдзö.
Сідз нин дженьыд
лунсö сөйö.
Еджыд лымсö
няйтö лойö.

АРЫН

Арын пышкай
сур юö.
Катша-рака
пöt.
Руксысь, баксысь,
рөмидзтысь
тшыгъялөм
оз тöд.
Öмидза и сэтөра
пывсяндорса
йөр.

Чөдья-пувья,
тшакьяса
войвыв
парма-вөр.
Утка шыда,
юкваа
бара пызан выв.
Төвлөн
кöдзыд лов шыыс
оз на ёна
кыв.

ЧЕЛЯДЬДЫР

Асылыс пемыд,
асылыс кӧдзыд.
Школаӧ мунны
чеччӧдӧ пӧчыд.

Школаыс ылын,
мӧдар сикт помас.
Абу на регыд
сэтчӧдзтӧ воны.

Медводз, дерт, тэнӧ
жалитӧ мамыд.
"Велӧдчы, — тшӧктӧ, —
лоан бур сяма".

Котӧртӧ ачыс
додявны вӧвсӧ.
Аньяслӧн сёрни
торкӧ нин чӧвсӧ.

Йизьӧм гын кӧма,
гыӧра шалля.
Рытнас ме вылӧ
видзӧдӧ жалья.

Идрасяс, сӧсся
самӧвар пузяс.
Пӧлатын войсӧ
чӧскыда узям.

Югдӧ. Лымъялӧ.

Шы ни тӧв.

Весиг кар вылын
век на чӧв.


Кытчӧ велалан,
сэн и горт.

Чужи сиктын,
а карса морт.

Танӧ ёртгясӧй,
танӧ удж.

Мӧдлапӧлас бӧр
ог нин вудж.

□ □ □



Алексей ПОПОВ

Кимөститчысыяс

СЕРАМБАНА ПОВЕСТЬ

Быд коми сиктын эм морт, кодї шмонитөмөн гажөдө сэтчөс йозлысы олөмсө. Но эмось и сэтшөмъяс, кодъяс вылын нэмсө сераласны. Пыр мыйкө накөд лоөма, пыр кутшөмкө дзугиө шедөмаөсь.

Татшөм морт йывсьыс и көсья висьтыштны.

Оліс-выліс Вөрыб сиктын Митипер Иван. Ичөтик, өнія челядь пөв-стын татшөмъясыс витөд классө котравлөны, туша сертиыс кө Иванкөд өткодявны. Но выныс мужичөйлөн вөлі Егорей вөв кодь дядьө-яслөн мыйта. И сөйөм вылө эз нораслы жө. Мый ки улас веськалө, сійөс и туджас. Чөскыдсө да чөскыдтөмсө эз гөгөрволы. Мед сөмын сөйны позис-а. Азя шыдыс кө кизьөрджык артмывліс, Митипер Иван сэтчө нянь чирыйліс. Паньтө кө сувтөдан — оз, майбыр, пөр. Сук сөян радейтліс.

Ичөт дырйиыс серавлісны, кор сійө ачыс асьсө вугырөн кыйліс. Шеныштис шатиннас — и шедіс. Дзик өд льөбъяс пысасис вугырыд. Көвсө эз путьмы ордны: муно сикт кузя и бөрдө. Кокнас көв вылад тувчас, нөшта гораджыка лимзавны босьтчас...

Сэсса серам выв лэптисны сэк, кор гөтрасис Педөра Сандра вылө. Ачыс Иван ичөтик — гыр кодь да лөнь, а орчөн кузь тушаа ичмонь. Нөшта на зэв ёсь гөлөса да варов. Пинясьнытө сыкөд эз лысьтны весиг кыв вылас медся яр бабаясыс. Буретш та вөсна и өтдортчисны сыыс мукөд зонъясыс. А Иванлы бөрийсьны кадыс эз вөв, да и лачаыс тшөтш жө, мый кодкө мөд, төлкаджык да авъяджык ныв сы вылө ыштас. И босьтис гөтырнас сійөс, кодї коли. И өд зэв здөвөль вөлі первойсө, ок здөвөль. Ачыс абу торъя мича, а гөтырыс... Та вөсна и вежөгтис Ваньө Сандрасө быд гача дөрө. Челядь налөн лоины сьөрсьөн-бөрсьөн. Оз на удит быгтьө Сандра вайны, а кынөмыс бара нин вомөдзыс. Төв и гожөм Иванлөн керкаыс юраліс челядь бөрдөм да сералөм. Кытчө көть сиктас синтө он чөвты, сэни и Зюзевъяслөн нимкодторъясыс ризъялөны. Көть лыддыны босьтчан, он вермы. Котралөны чептысь мынөм понъяс моз. Кодкө сэки и шуис: "Но и керка Иванлөн, быгтьө Китайын олөны". Тайө кадсяньыс мужикөс Китай Ваньтөг эз кутны төдны.

Первойсө гозъя зськө эз торъя лөка овны да. Весиг кажитчис, мый радейтөны өта-мөдсө. Сиктсаяс весиг шмонитны на вылын дугдылісны. Но Китай Вань ачыс воропсө сетіс, медым эз вунөдны на йылысь.

Өгчыд төвнас сиктса мужикъяс мөдөдчисны вөрө кер пөрөдны. Вөрыбсянь вель ылө. И быдса вежонъясөн эз мыччысьлыны сиктын. Сөян-юансө вайліс торъя морт, олісны коркө важөн нин бырөдөм вөрпунктса овны шогмана керкаын. Быд мужиклы сөянсө ыстывлісны гортсяньыс. Быд семья зільліс ыстыны семья вердысьлы медся чөскыдсө да пөтөсасө.

Кузь төвсә рыгыяссө коллявлісны картіон ворсөмөн либө өта-мөд
вылас шмонитөмөн. Ёнджыкасө Китай Ваньлы сюрлі. Ачыс жө злясь-
ліс, мый рыгыяснас дыр оз вермы унмовсьны. Сьөкыд мөвпгыяс
юрас бергалөны да. Кыдз нө оз — гөтырыс гортас өтрасөн, ве-
рөстөг, а сиктын мужикъясыс вель на уна колисны.

Өтчыд, кор ставөн водісны узыны, Кузьма Виталей недыр мысти
босьтчис юасьны:

— Иваныс оз на узь?

— Бытгьөкө тай шкоргө нин-а, — вочавидзис кодкө.

— Ті вай некодлы эн висьталөй, а то Ваньыслы кывяс, — ваш-
көдө Виталей сідзи, медым Ваньлы быд кыв кыліс. — Талун сөян ва-
йысьыд меным гусьон висьталіс, мый Сандра дорас Өльөш вош-
йөдчывлө. Войяснас волавылө.

Ставныс уськөдчисны Иванөс жалитны. Со пө кутшөм гөтыръяс
овлөны. Сэсса бисө кусөдісны да унмовсисны топыда.

А Китай Ваньлөн унмыс кытчөкө ылөдз уйкнитіс-пышйис. Ви-
талейлөн висьталөмыс сатшис сьөлөмас жель моз. Сингыяс водзас сувтө
серпас: Өльөш, куим төв вуджан өш кодь ён, да сьлөн Сандраыс,
кутчысьлөны да пөся окасөны.

Виччысьыштіс Китай Вань, кор ставныс унмовсясны, дугдасны
бергавнысө, сувтіс ньөжйөник, и — Вөрыбөдз подөн лыйыштіс. А сэт-
чөдз этша вылө кызь верст. Горт дорас воигөн өтарө нин вөлі лолалө.
Лөкысь босьтчис зөрөдчыны. Сандраыс восьтіс да муртса гатшөн эз
усь. Кытысь нө верөсыс уси.

Китай Вань сійсө вештыштіс да керкаө уйкнитіс. Джоджсө кыкысь
и воськовтіс, быд пельсө юрсө скойліс. Абу, дерт, некутшөм Өльөш.
Ропкөдчыштіс Сандра вылө:

— Мыйла нө няньсө этша мөдөдөмыд?!

— Кыдзи этша? — щөтгясис Сандра. — Челядыдылы со юклө-
мөн сеті. Гортө кольны эг нин убөлит. Ставсө тэныд!

Китай Вань нинөм эз вочавидз. Ветліс залавкалань, кыкис нянь
тупөсь да шөрыштіс зөв вөсныдык шөрөм. Мед дзикөдз челядсьө да
гөтырсө аслас йөйталөмөн не пайкны. Кытшовтіс узысь пиянсө да
нывьяссө, крапкис керка өдзөссө и бөр вөрлань сетчис.

Мужикъяс важөн нин чечөмаөсь и сөйөмаөсь. Вөр пөрөдны мун-
ны петөмаөсь. А Китай Вань сөмын на локтө. Весиг купайкаыс пө-
сысла көтасьөма, ньылөмыс оз жө тай быгйөн лэччы-а.

Мужикъяс куснясьөмөн серавны босьтчисны. Китай Вань чөв олө.
Оз жө тай некод вылө уськөдчы-а. Ылөдлөмсьыс. Гортас локтөдз пыр
тешитчисны сэсса Китай Вань вылын.

Та бөрын Вөрыб сиктын кө кодкө весьшөрө ветлас кытчөкө, то пыр
и шулісны, мый Китай Ваньлөн ветлөм кодьөн артмис.

Бөрынджык Китай Вань да Сандра костын зык-шумыс кутіс пан-
сьывны пыр тшөкыдджыка. Енмыс кө сетөма бабалы ёсь гөлөс, то
оз өд кут сійө тайө добрасө гусьон видзны. Быд рыт Зюзевьяслөн
керкасянь кыліс Сандралөн ёсь гөлөсыс. Дерт, гора гөлөсөн сьыв-
лывлөны, но Сандра татшөмторнас эз ышмы. Ассьыс гөлөссө сійө
видзис лючки пинясьөм вылө.

— Тэ сөмын челядь вөчавны и кужан! — горзывліс сійө. — Сэсса
нинөм вылө сямьд абу! Тусь ни пызь татшөм мужикыд! Мый морла
бара ме тэ сайө петлі-а?! Мөд мужиккөд кө олөмөс йиті, то нэм эськө
красуйтчи.

А Китай Вань чөв оліс. Дерт, гөтыр вылас дузгөдчывліс, но кинас
некор эз вола. Шеныштгас сьысь, да и петас ывла вылө. То пес
тэчны босьтгас, то ва кыскалө. Пыр тай мыйкө ноксьө-а. Гортад
дорысь ывла вылас сылы вөлі кыпыдджык. Сандра өшиньөд видзө-
дыштас, а сэсса ачыс петас верөсыслы отсавны.

Тадзи и олісны. Сандра пиняис, а Китай Вань пыр мыйкө ноксис.
Бөрья кадас сійө босьтчис монтеравны совхозын. Пыр кытчөкө
мунө. Киняулас каньлөн кодь ёсь гыгья көрт дивө топөдөмөн. Челядь

быдмыштісны. Иван пöрысьмыштіс. Ветымын арöс со во-мод сайын вуджис.

Таво тулыс мөвпыштісны Китай Ваньöс ыстыны орчча сиктö би сюръяяс вежлавны, сутугаяс везйöддыны. Ваньö и босьтчис нюргыны: — Челядь туйö век на менö видзöны. Томджыкъяс эмöсь, мед найö и муноны. А ме абу нин зимöгоритысь.

Сандра кыз тай сы вылö уськöдчас:

— Тэныд, дыш рунылы, мед пыр сөмын гортын пукавны. Он и мөвпыштлы челядь йывсьыд! Ниналы платтö колö нёобны. Сашöлы — ботинки.

— Мый нö, тэныд сьöмыс оз тырмы али мый? — видліс дор-йысьны Китай Вань. — Ог тай со мукöд мужикъяс моз ю. Ставсö гортö вая.

— Эстөн, пельöсас, быдса деньга мешök сулалö! Сы мында вайö-мыд. Нöшта öд ошйысьö, — дэльöдіс Сандра. — Вай ветлы! Сэн кöть камандировошной на сетыштасны, век нин водзö!

Гөгөрвоис Иван, мый вензыны гөтырыскöд он вермы. Ковмас мунны. И сійö петіс гортсыс, öдзөссö сьölөмсяньыс крапнитөмөн.

Мöдöдчисны зимöгоритны медся рөспута каднас. Отсөг вылö сетісны Кузьма Виталейлысь Коля писö. Сылы сөмын мед шойдан-никавны. Карын олыштөм бöрын нöшта конкö бокиын ветлөдліс, а сэсся некытөн, тыдалö, эз кутны видзны да гортас воис.

Лунтыръясөн кыпöдалісны найö сьökыд, зэр ванас тукталөм керьяссö. Колялы быттö веськодь. Корсюрö рытъяснас ветлывлö на весиг вöлі. А Ваньö сутшик босьттöдз мудзлывліс. Рытъяснас водлывліс чорыд вольпась вылö, видзöдіс пötөлөкас да думсыс быд ногыс Сандраöс видіс. Пöрысьб-нэмö зимöгоритны мөдöдöмысь. Не кö гөтырыс, эськö пыкxис жö татчö ыстөмсыс. Мөдöс, эськö, мөдöдісны. Лөк мөвпъясөн век и унмовсьлывліс.

Тöлысь чөж зимöгоритісны. Торйөн нин сьökыд вöлі уджавны бөрья лунъяссö. Енэжыс быттö письтіс, а дөмнысö некодды: зэрыс лэччис и лэччис. Туйяс дзикöдз жугалісны, машинаяс дугдісны ветлөдöмысь.

Талун найö помалісны уджсö. Бөрья сюръяяс вылас сутугасö везнитісны. Китай Вань чайтіс, мый некор нин оз помасьлы тайö нокыс. Сы вöсна вель дыр чатөртчөмөн видзöдіс мустөммөм сюръяяс вылö. Сэсся сьöлыштіс да веськөдчис керкалань, кытчö овмөдлісны. Коля со водзынджык нин шапсьöдö. Сылы, майбыр, веськодь. Аски колö гортö вөрзьöдчыны. Думыштіс Китай Вань сы йылысь, кызди кутас пидзөсöдз нйит туйсö лойны, да бөрья юрсиясыс сувтлісны.

Налөн олан керкаыс сулаліс сикт шöрас кымын. Важиник да ичөтик — вöчлөмаөсь шыбитлөм керкаö на кодь жö зимöгоритысьясы юр сюянін местаö. Пачыс лөкысь тшынөдіс, сьод пывсянын кодь олөм вöлі. Эз кö ков косьтысьны, эз эськö и ломтывны.

Китай Вань пыригмозыс бара кытшовтіс синъяснас жырсö: öти öшина, стеныс куш, куим улöс да пөвйысь вöчөм узьланінъяс кындзи дзик нинөм эз и вöv. Он кö мыссян чумансö лыдды. Китай Вань да Коля швачöдыштісны кушенчаяссö стенö, пыркнитісны вывсыныс войталысь васö. Öти пöвста öшиньöд бура кыліс зэр шыыс. Таысь Китай Ваньлөн дзикöдз дількмуніс сьölөмыс.

— Поводдя жö пукxис, — дөзмөппырысь шыасис Коля. — Вежон нин со зэрö.

— Кутшөм вежон. Тöлысь кö нин-а. Локтөмсянь эз на дугдыв да, — улöс вылö бруткысигмоз сөдзөдіс Китай Вань, чөвтліс өрт вылас синсö сідзи, быттö Коля мыжа тайö зэрссыс.

— Тöлысь кö и тöлысь, — эз кут пыксыны мөдыс. — Голя помö вотöдз нин тай лои-а.

Китай Ваньлөн öти шуөмөн сьölөмыс эз на бурмы. Талун сійö лунтыр дузьяліс Коля вылö. Ачыс эз тöд мыйысь. Сы вöсна öни водзö зліс мыйкö прекö шуны:

— Нинѡм, зэр ва улас кѡ коскыд небзяс, бурджыка куснясьны кутас. Кѡтасьѡм баддѡыд тай нюдзджык жѡ-а.

— Куснясьѡ тай, — мудзпырысь пуксис аслас узлан пѡвѡяс вылѡ Коля. — Сэтшѡма коскѡй кынмис, мый быттьѡ зор сѡйѡмаѡсь. Оз со некыдзи веськав. Но мый нин ѡні лѡвтнысѡ. Помасис удж-ным да.

— Ен сыкѡдѡн, эштіс жѡ тай, — здукѡн бурмис сѡлѡмыс Вань-лѡн. — Тэныд эськѡ мый да. Томджык на меысь да. А меным, коньѡрлы, со поводнѡя мѡрччис. Сѡтана пызь! Ог нин ѡд вѡлі кѡйы татчѡ локнысѡ...

— Тэ та йылысь луннас сѡысь дѡжнавлан. Дышѡдїс нин голя помѡ вотѡдз, — прекѡ шуис Коля.

— Сандра мырдѡн ыстіс, — весиг эз кѡлѡвартлы сѡлѡн шуѡмлы Китай Вань да ассьыс нырис водзѡ. — Ыстіс ѡд, Кольѡ, мырдѡн ыстіс.

— Сійѡ бара ыстас. Заводитас тай горзыны да медся пурсьысь понѡясыс бѡжѡяссѡ кокѡяс костас сѡйѡмѡн миян кильчѡ улѡ сай-мортчѡны.

Китай Вань сѡкыда ышловзис, ветліс аслас ноп дорѡ да кыкис сэтсыс тшай пачка. Гумовтіс кѡшѡн ва да кисьтіс стеклѡ банкаѡ. Босьтчис пузѡдны тшай васѡ. Мортыдлѡн бара письтѡма норасян руыс да некыдзи эз вермы дутдыны. Бара на лѡвтны кутчысис:

— Да ѡд первойсѡ, кор гѡтраси, зэв лада ныв вѡлі. Кыв паныд эз шулы.

— Верѡс сайѡ петтѡдзныс найѡ ставныс ладаѡсь, — гогнитїс юр-нас мѡдыс. Сылы нѡ мый, мед сѡмын кутшѡмкѡ сѡрни мунїс-а. Дзик варовиттѡгыд кадыд зэв кузь. Та вѡсна пыр дакайтліс Китай Ваньлы. Мый сэсся вѡчан, кор мѡдыслѡн сэсся некутшѡм сѡрни визь оз ад-дзысь. — Менам вѡвлѡм гѡтырѡй ѡд сэтшѡм жѡ вѡлі... Гижсьытѡдзыс вылас кѡ вѡлі синмѡс чѡвтла, то тушанас сантиметра дас чинлас. А скѡрджыка кѡ видзѡдла — дзикѡдз быттьѡ бырлас. А гѡтрасьѡм бѡрас...

Коля сувтіс, веськѡдыштїс кынмѡм коссѡ да пузьѡм васѡ кисьтіс аслас кружкаѡ, кодї тшайсьыс вѡлі нин сармѡма. Китырнас чѡвтїс сэтчѡ тшай турунсѡ да пѡдлалїс югыд кабаалаѡн. Быттьѡ во дас пукав-лѡм морт, вѡчис аслыс сук тшай. Быдлаын вѡлігад да унакѡд гарт-чигад дзескыдїнад веськавны абу сѡкыд, но сійѡс со Енмыс видзис на. Китай Вань аслыс тшайсѡ вѡчис кизьѡриникѡс. Рѡмыс тай ваыслѡн муртса вежсьыштїс жѡ-а. Но ырскис юанторсѡ Китай Вань сѡлѡм-сяныс. Быттьѡ некѡр нин абу юлѡма. Шѡнѡдчыштѡм бѡрын сійѡ нѡдзласьыштїс да водзѡ нуѡдїс панѡм сѡрнисѡ. Быттьѡ некутшѡм кост эз и вѡв. Быттьѡкѡ ассьыс семья кост олѡмсѡ пыр и юрас кутѡ.

— Тэныд, Коля, лѡсьыд вѡлі торїѡдчынытѡ. Челядьыд эз вѡв да. А меным... Со и сюрѡ меным, коньѡрлы. Тѡдѡ Сандра, мый некытчѡ ме ог воштысь. Сѡкыд олѡм, Коля, ола. Ок сѡкыд.

— Мыйысь нѡ сѡкталїн? Кага вѡчалїгад али мый коскад сѡйис? Кѡкѡямысѡс лѡсьѡдѡмыд да.

Китай Вань думыштыс. Вель дыр мыйкѡ юрас гѡгрѡдліс, чуньяссѡ куснѡдлѡмѡн кутїс артасьны. Коля шензьѡмѡн видзѡдїс сы вылѡ. Мый нѡ тайѡ мужикыскѡд лѡи? Весиг юасьѡмсѡ оз кыв. Сэтшѡма артасьѡ. Кымѡссѡ чукрѡдлѡ, быттьѡ гѡрѡм му артмѡма. Сэсся ве-сѡпѡрѡмѡн быттьѡ лѡк горшѡн авѡстіс:

— Ѳкмыс кѡ-а! Ѳкмыс кѡ челядѡй-а?! Лизаѡс, гашкѡ вунѡдїн?!

Коля тайѡ горѡдѡмсьыс весиг йѡжгыльтчыліс. Оз тѡд, пышїыны али кольчыны.

— Челядѡтѡ али мый татшѡмасѡ лыддїн? — шензьѡмѡн юалїс Коля.

— Лизаѡс, медыджыдсѡ, кѡнкѡ, вунѡдїн?

— Мед эг. Лизатѡ бара ог вунѡд. Ме сы вылѡ, колѡкѡ, жаладдза гѡтрася на, — вашмунїс Коля.

— Сета ме сійѡс тэ сайѡ! Зимѡгор сайѡ! — звирк чеччыштїс

Китай Вань. — Эн сы выло синтö кодзлöдды. Тэныд Лизаос нэмнад не аддзывны.

— Ачыд нö кодi? Со тай тöлысь öтлаын зимöгоритiм, — дузгöдчыштiс весиг Коля. — Да и оз ков меным тэнад Лизаыд! Сандра кодыд, колöкö, лоö. Ме бабаяссыд öнi биысь моз пола нин. На выло кашшасигөн юр нин бергöдчö.

Китай Вань водзöсö тайö сёрниас водзö эз ныргьясь. Бара лантiс да босытчис зэв сёлöмсяныыс кусныöддыны чуньяссö. Öкмыс чунь кусынтöм бöрын вель дыр видзöдiс кияс вылас. Мыйкö вомгорулас ропкöдчис. Сэсся кутчысис гораа лыддöбддыны:

— Васьö, Катьö, Семö... Öкмыс! Збыль öкмыс.

Сы выло видзöдöмөн Коля азыма сералис. Но Китай Вань быттö тайö жыргьяс дзик öтнас и вöли. Эз и видзöдды сы выло.

— Со öд батгыс! Челядыслысь лыдсö нин оз тöд. Абу прöс-тагыс Китай Ваньнад нимтылöмаось. Сэни, дерт, тэ моз жö оз тöдны олысьясыслысь стöч лыдсö.

— Öкмыс тай гортысь мунигөн вöли-а. Öнi кö некод эз чуж? Быттö тай Сандра оз нöбась вöли-а.

Коля сылөн зэв збылысь лыддысьöм выло видзöдöмөн дзикöдз ышмис. Окота лои ышмыштны. Та вöсна и бара дöжныштiс, медым дöсадитны, тешитчыштны вежöгтысь Иван вылын:

— Öти тöлысьнад вайсьынытö эз на удит. Эн кö быттö кöйдыстö колаы.

— Оз, мися, нöбась вöли.

— Регыдья кадөн кага вöчны мян сиктын сöмын öти морт вермö.

— Кодi?

— Öньö. Сылөн, висьталöны, öдйö артмö. Вошйылöм бöрас буретш тöлысь мысти и вайсьöны бабаясыд.

— Кутшöм Öньö?! — быттö пöсь из вылысь звиркнитiс Китай Вань да кутш моз сувтiс Колялы воча.

— Быттö оз тöд. Дасöдысь нин танi олiгөн висьтавлi да. Кирö Öньöсö нин эз кут сэсся тöдны.

— Дугды сөрнытö! — муртса чеччыштлöмөн эз шашаритчы кузь тушаа Колялы морöсас Китай Вань. — Менам Сандра сы выло весиг синсö оз чöвтлы.

Коля мездысис сылөн кабырысь. Скөрмытöг вештыштiс ас дiнсыс ёртсö. Тöдiс мöдыслысь русö, но век жö эз эновтчы шмонитöмысь:

— Код тöдас на. Ме тай, шуа, мыйскөрö на костысь казявлi-а. Синмасьлöмгьяссö. Эз öд, кöнкö, весьшөрö Сандраыд тэнö татчö сюръя-яссö сувтöдавны ысты. Мед мынтöдчывны. Тэ дырйи нö кызди мусу-касясны? Некиды.

Китай Вань скөрмөм пыдди дзикöдз шемöсмис. Лигышмунис весиг. Сыркмунома ставнас. Шлапкысис-пуксис улöс выло. Кöсийö мыйкö шуны паныд, но сöмын льöбьяснас тяпкöдчö. Нинөм шуны оз путьмы. Коркö тай сэсся гөлöсыс письтiс жö:

— Öньököд öд оз жö кут? Сийö эськö гөтыртöм и быдөн да. Бабаяс вылад, висьталöны, лют и...

— Ой лют! — водзö шызьбö Ваньöс мöдыс. — Сиктаным тай ставыс сы кодь чужöма челядь ризьялöны-а.

Китай Вань вель дыр видзöдiс сы выло. Оз тöд, мый и вочавидзны. Сöмын и вермис шуны:

— Эн сөр! Сандра öд Кирö Öньököд оз жö кут?

Коля казялис сылысь дзикöдз нюкыртчöм чужöмсö. Гөгөрвоис, мый водзöсö сэсся öнi ыззьöдны нинöмла. Мед шойччыштас, а сэсся, стрöка кö сюрас, бара на позяс тешитчыны. Зэв вежöгтысь да. Став-торйыслы эскö и. Дивья татшöмтö весьöпөрмöныс йöйтöддыны.

— Эн сэтшöма шогö усь. Сöра öд ме нинөм абусö. А то дзикöдз кельдöдiн. Сёлöмтö кöть видзышт. Потас. Верман на и гортад öнi жö чепöсийны. Сэкся мозыд. Бать öд висьтавлiс, кызди тэ вөр пöрöдiгад

гортад төвзылөмьд. Онї од тэннө арлыдыд нин таялө. Он нин сям-мы сэксэ мозыд комын версттө татшөм нйит туйнас войбыднад вуджны. Сьөлөмьд вомөдыд чечыштас.

— Збыль мөй висьталан? — быттө абу и кылөма сылысь кузь-кодь сёрнисө Китай Вань. Век на ассьыс дөжналө.

— Мый? — гөгөрвотөм улө лэдзчысис Коля. — Нйит туй йывсьыс али мый юасян? Нйит. Збыльысь зэв нйит.

— Эн йөй улө лэдзчысь. Оннө да Сандра костас збыль мөй мый-кө сөтвөрйтчө?

— Шуа тай, сөра, мися, нинөм абусө. Кодкө тэнад Сандра вылө видзөдлас. Сылөн мышкуыс сельполы груз ваялан пыж пасьта да.

Мыйысь он чайт, сы вылө и медся ёна пузьö Китай Вань. Тайö шуөмсьыс сийö чирк моз звиркнитис Колялань. Эз жö тай бара морөсас шашаритчы-а.

— Кызди оз?! Менам Сандраыд од абу шыбитана. Ме од сийөс бура төда!

— Тьпу! Колө жö вөлі меным быд йөйыскөд нинөм абу йывсьыс сёрнисө панны. Йөймис со дзикөдз. Войбыд оз кут узьны. Меным на оз сет и...

— Збыльысь сөрин?

— Сөри, дерт. Пернапасася, көсьян кө?

— Он кө, буди, сөр тэ-а, — эскытөма нурбыльтис Китай Вань.

— Сирасис сэннi. Он кө эскы, то картiөн көть гадаята. Көнкө миян бонзьөм картi вөлі. Гадайтны али мый? Он кө меным эскы.

— Гадайт, — нянь коран пон синмөн Коля вылө видзөдiс Китай Вань. — Тэннө од төдысь рөдысь петөмөн шуөны. Гадайт.

Коля көсийс нин ылөджык ыстыны сийөс. Весиг кыв шутөг бара аслыс тшай ва пуктiс. Но мөдыс вөлі арся шляча кодь жö. Синмад и пырö. Бөрсяныс ветлөддөмөн дзайгысьö.

— Öшйин жö тэ ме вылө. Грек вештөм кодь вөлі төлысь чөжсö тэкөд уджалөмыс. Мөдысь кө тэкөд ыстыны кутасны — йирö пыра, но ог мун. Гадаята. Сөмын эн лөвт. Но прөстаысь ог кут. Кисьтыштан кө — сөмын сэк.

Китай Вань сутш кешлө тшөкмунлiс. Зэв сюся видзөдлiс Коля вылө да ачыс йөй улө зэв öдийö лэдзчысис. Асланьыд тай быдөн мудер:

— Мый кисьтышта?

— Тэ тай, Ваньö, кор аслыд колө, он жö рөйö увт. Роч винатö, шуа тай, кисьтыштан кө, то гадаята.

— Абу менам да.

— Эм. Төда öд. Мудз вывсьыд некымынысь меысь гусьөн тшай пиад войтөдыштлiн. Казявлi öд. Эг нин нинөм шулы-а. Дукыс öд паркiö вөлі.

— Коскөс корсюрö зырыштлывлi да, колөкө, сийөн дукыс кывлiс? — öдийö аддзис воча кывсö Иван.

— Эн, мися, менö стөнö кавшасян йөйөн лыдды. Көсьян кө гадайтчыны — кисьтышт.

Коля стөча нин төдiс, мый Китай Вань кыскас аслас дзедасысь дозсö, да веськөдчис аслас ноплань. Кыскис сзтысь небыд нямөдөдз бонзьөм картi. Сьöлыштiс чунь помьясас да босьтчис разөдны.

Китай Вань артасис на, мый вөчны. Но век жö довгылiс аслас нопланьыс, вель дыр лукйысис сы пытшкын. Сэссия кыскис джынъя-лыштөм доз. Ачыс зэв сьөлөмсяныс шензьыштiс:

— Збыльысь тай вөлөма. Чайтi, мый абу. Вөлөма со.

Сийö виччысис, кор Коля пожьялас стөкансö, да неуна чольк-нитыштiс сэтчö курыдгорсö.

— Аслыд нө он и кисьт, — эз дөзмы этша кисьтөмсьыс Коля.

— Аслым позьö жö, — эз куражитчы мөдыс. Койыштiс стөкан-сьыс тшай пыдөссö да кисьтыштiс. Эз жö Коляысь торъя уна.

— Мыйла нө стөканас кисьтiн? — вашмунiс Коля. — Кос вылад

мед койыштін дай. Шуан тай, мый костө пыр зыралоьмьд.

Модьс быттьо эз кыв. Путкыльтис вомас курыдторсө. Няклялыштіс нянь тор. Тэрмасьтөг бөр пробкаалис дозсө да нуис мешокас. Та бөрын сатшыкыс улөс выло. Ньюжөдіс сьылісө:

— Мудзнымөс веськөдыштөма лои. Сэсся гадайт. Ставсө жө веськыда висьтав-а.

Коля нэмсө эз гадайтчыв. Картінас сьом выло сөмын ворслывліс. Но оні ина чиган моз разөдіс бонзьом картісө. Синьяссө читкыртөмөн, сьөкыда мөвпалөмөн босьтчис видзөдны пызан пасьтала шыблалөм картіяс выло. Вель дыр дзоргис. Быттьо полис аддзөмтор йывсьыс висьтавнысө.

— Со өд мый тэныд картіяс петкөдлө! — шог гөлөсөн босьтчис некор төдлытөм уджө Коля.

— Мый? Сандра да Оньо костсьыс мыйкө мөй аддзин? — өшөдчис картіяс весьтө Китай Вань. Зэв сюся видзөдіс морта и морттөм картіяссө, но нинөм сэтшөмсө эз казьяв. Абу, буракө, сылы Коляы моз сямсө та выло вичмөдлөмаось.

— Ме на дорөдз эг на во. Эн тэрмась. Первой лючки колө водзө лобысь олөм йывсьыд төдмавны. Сэсся сы бөрын ставыс тыдовтчас.

— Мый нө эськө картіяс петкөдлө?

— Окмысдас арөсөдз пө со олан.

— Сы дыра өд, көнкө, ог жө. Менам өд гөгөр нин юкалө-висьө. Сэсся и окмысдаснад выживма нин да сөмын йөзсө дөсадитны кута.

— Он. Збылысь өкмысдасөдз олан. И тыр вежөра лоан. Онія дорсьыс ёна сюсьджык. Со картіяс висьталө.

— Кутшөм карті нө та йылысь вермас висьтавны? Эсійө джынвййө юра валетыс али мый?

— Оз сійө, дзык мөд. Тэ гадайтчынытө он куж да он и казьяв. Сөмын меным тыдалө. Кисьтышт неуна. Висьтала, коді?

Китай Вань пөсьывыссьыд муртса эз сувт да мешок дорас котөртлы. Но ас кадө сайкаліс. Юрсө пөлыньтөмөн видзөдліс төдысь рөдысь петөм морт выло.

— Ме тэныд гадайтчөмсьыд чолькнитышти нин да. Ог сэсся кисьт. Эн и дзайгысь.

— Он кө и эн, — эз дөзмы да бара картіяс босьтчис Коля. Бура дыр бергөдліс куимөс кымын. Оз жө тай исав-а. Сэсся ышловзис:

— Тэ тай зэв горш вөлөмьд. Сорассьөма менам. Ветымын витөдз сөмын и олан.

Тайөс шуөм бөрын Иван кельдөдліс, сэсся лөзөдліс, та бөрын босьтчисны сырмыны льөбьясыс. Лои чери кодь, кодөс лэптисны ваысь. Сійөс тай васьыд кор кыпөдан, босьтчас лөкысь апавны сынөдсө. Сідз жө и оні Китай Ваньлы быттьо тыөдзис сынөдыс эз кут воны. Сэсся тай кызд чилөстас:

— Кыдзи ветымын витөдз?! Меным жө ветымын витыс аски тырас! Вом тыр водка вөсна өд картіяс эз жө комын во чинты?!

— Аски али мый чужан луныд? Сө дивө тай! — зэв сьөлөмсянь шензьыштіс Коля. — Мед эн тшөкты гадайтнысө дай. Со кутшөм лектор төдмалім. Эг өд тайөс ачым думышт. Со, картіяс петкөдліс.

— Сійө, колөкө, мыйсө оз петкөдлы да.

— Сідзкө, ог и гадайт, — бөр чукөртис разөдөм картісө Коля.

— Кыдзи он?! Водкасө гулкнитін, а гадайтны он көсйы. Гадайт!

— Сідзкө, эн и няргы. Ме өд тэ вөсна төждыся. Картіяс кө лектор петкөдлас, мед водзвыв төдін. Колөқө, лөксьыс виччысьны на позьө.

Коля бара разөдіс картісө. Нянь увтан пон моз виччысьмөмөн босьтчис видзөдны Китай Вань выло. Но сійө быттьо эз казьяв корана видзөдлассө. Ассьыс долис:

— Ышнясьө өд нөшта... Юны юис-а.

— Эн лөвт, — надеяяс быри да тапкөдыштіс картіясас Коля. —

Картисö торкан. Тэныд со сийö тшöктö виччысьны еджыд корольысь. Ок ёна виччысь.

Китай Вань бара быттö доналöм из ньылыштис. Вомсö паськө-домон босьтчис апавны гөвкъялысь табак тшына сынöдсö. Сэсся дон изйис быттö исковтис пукалан местаöдыс. Йöткыштчөмон тай чечыштис-а.

— Коді нö сэтшöмыс?! — чилöстис сийö.

— Кыдзи коді? Кирö Öньö. Сийö öд öтнас миян сиктын еджыд юрсиаыс, — нюмсö мырдысьон кутігмоз вочавидзис Коля. Но эз вермы кутчысьнысö да керка тырнас серöктис. Вель дыр куснясьбөмон гизис. Китай Вань синъяссö сувтöдөмон дзоргис ёрт вылас. Некедз эз вермы гөгөрвоны, мыйла Коляыс ваксьö. Сылөн шог вылын али мый?

— Кирö Öньö! Кирö Öньö, — сөмын и петис сылөн вомысь. Дур-поп моз босьтчис гöгравны Коля гөгөр. Тыдалö, корсис, кодар боксян бурджык лöсыштны ёртыслы. Но эз жö тай лысыг-а. Коля со Егорей вөв кодь. Водзöстö кө сизьдыштас — асылöдыс он ов. Пуксис. Видзöддис сералöмсьыс пötөм Коля вылö да сөмын юаліс:

— Збыль мөй сийö?

— Гашкө и абу да. Еджыд йöзыд öд уна тай ветлö. Нимсö час тöдмалам, — вылысь босьтчис ноксьыны картінас Коля. Сийö бара вöчис сясь чужöм. Кутшөм мөвпгяс гöгралісны сылөн юрын — лешакыс тöдö.

— Тöдмав. Гашкө, абу сийö, — ышловзис Китай Вань. Ачыс тотор катша моз гоньяліс разöдөм картіяс вылö. Көть нинөм эз гөгөрво, но кийöдіс, медым мöдыс эз мутлуйт.

А Коля другөн босьтис да чукöртис картіяссö да шыбитис пызан помö. Ачыс сувтис да нөдзласьыштис. Китай Вань нинөм гөгөрвотöт гөгрöддис син аканьяснас.

— Мый нö сувтін? Лөктор али мый картіясыс петкөдлөны?

— Вай мöдысь коркө гадайт. Мыйкө другөн эз ло окота ноксьынысö. Абу öд тайö кокни удж. Став эбöстö нөныштö.

— Картіястö разöдігөн коскад оз на лый! — чилöстис Вань.

— Тэ чайтан, кокни? На, сідзкө ачyd и гадайт, — шыбитис сылань карті чукöрсö Коля.

— Ме, ме ог куж да. Тэ öд тай тöдысь рöдсьыс. Абу ме.

— Колö öд юртö зэвтöмөн тайö уджсö вöчны. Став юр вемöй тай доймö-а. Чорзбöма мөвпалöмсьыс. Кизьöртыштны кө зськө. Кисьтыштан кө нöшта, гашкө, кизьöрмас да бара кутас уджавны.

— Колөкө, абу Öньö да? Мöд морт мыччыяс.

— Колөкө, и абу сийö.

— Абу кө сийö, то мый морла ме тэнö кута юктöднысö?

— Эн сідзкө и юктöд. Ме тэнад горш вылö эг тальчы. Ачyd тай зыныган сэнi.

— Быть öд зыныгы. Сэтшөмтор висьталан да. Сідзкө, он гадайт?

— Ог.

— Он кө и эн, — веськодямоз пуксис крöвать дорыш вылö Китай Вань.

Коля эз жö кут дзайгысьны. Муніс öшинь дорö да кутис дзоргыны пемдөм вьлаö. Тадзи вель дыр чöла олісны. Китай Ваньöс век жö личкөм мөвпгясыс венісны. Первойөн тай гөлөссö лэдзис-а.

— Друг да Öньö? Сийö кө...

— Гашкө, и сийö, — веськодямоз сёрниас кутчысис Коля.

— Сідзкө, вай öдйöджык водзö гадайт.

— Ог вермы, мися. Юрöй оз дзурт ни кийö оз вөр. Кисьтыштан кө...

Китай Вань вель дыр йигрöддис кияснас карті чукöрсö. Видзöдіс сы вылö. Сэсся шлапнитис колодасö пызан вылö, ачыс чушиктыліс мешөкланыс да бара кыскыліс дозсö. Кисьтыштис стöканö юр вем кизьöртан ловгья васö.

— На! Ад горш! Йӱз вина пычкысь!
Коля эз и видзӱдлы сыланьӱ. Китай Вань асьсӱ эз жӱ пайк.
Кисьтӱс да кутӱс виччысьны ӱртсӱ. Мӱдыс важ моз сулалӱс сылы
мышкӱн.

— Мый нӱ ышнясян? Лок. Ю.

— Он куж корнытӱ да. Увтчан сӱмын.

— Мый нӱ эськӱ сӱнӱ кутӱн менсьым винасӱ пычкыны. Йӱз ви-
на вылад ӱд ставыслӱн горшыс паськыд. Сӱмын кисьтӱм и кыйӱ-
данньӱ, — водзӱ ропкӱдчис Иван.

— Менам абу.

— Сӱдзкӱ, он и ю?

— Он куж корнытӱ да.

— Кыдз нӱ сӱсся тӱнӱ корны колӱ? Пидзӱсчань вылӱ уськӱд-
чӱмӱн али мый?

— Поззӱ и пидзӱс вылад ӱтчыдысьтӱ уськӱдчывны.

— Ог морав.

— Поззӱ и сытӱг. Сӱмын эн ад горшӱн нимтчы-а.

Китай Вань юис асьсыс пайсӱ да вель дыр на виччысис Колялыс
матыстчӱмсӱ. Сӱсся, тыдалӱ, дышӱдӱс жӱ, да небыдика нин корис:

— Дугды чыштӱ нюжӱддыны. Лок. Ю.

— Тадзи мед первойсянныс и шуин. А то лӱк горшӱн горзыны
кутӱн, — пызанлань воськовтӱс Коля. Ылӱсян на нюжӱдӱс кисӱ стӱ-
канлань. Буракӱ, курыдторсьыс ӱна нин горшыс пакталӱма. Воськов-
тӱгмозыс тай гулькнитӱс-а. Чышкыштӱс кимӱдзнас вом доръяссӱ да
сӱмын сӱк пуксис.

— Но мый, небзыштӱс юр вемыд? — нянь корысь пон синъясӱн
видзӱдӱс сы вылӱ Китай Вань.

— Небзыштӱс, — картӱясӱ кутчысис Коля. — Гадайтны али мый?
Водзӱсӱ?

— Гадайт. Мый вылӱ нӱ эськӱ вемтӱ кизьӱртӱ.

Коля разӱдӱс картӱяссӱ. Вель дыр ноксис, сӱся видзӱдалӱс быд
картӱ.

— Ок, лӱк морт кодкӱ. Зӱв лӱк!

— Висьтав нин! Кодӱ сӱйӱ мортыс?

— Мый тӱ, Иван, йӱй али мый? Вом тыр водка вылӱ кӱсъян
сӱтшӱм ыджыд гусятор тӱдмавны. Кисьтышт нӱшта да сӱк, гашкӱ...

Китай Вань ӱнӱ эз нин кут зынгыны. Чӱла ветлӱс ноп дорас да
вайлӱс дозсӱ. Кисьтыштӱс кыкнан стӱканас, бӱр саймовтӱс курыдторсӱ.

— Ю. Сӱсся ог кисьт. Висьтав кодӱ?

— Ыджыд пу керкаын сӱйӱ олӱ, — юӱм бӱрас шуис Коля.

Китай Вань буретш вӱлӱ сьӱкыдапырысь ньылыштӱ вежа васӱ да
мурса эз тшӱкмун нимкодъысла. Эз жӱ тай пызан гӱгӱрыс йӱктӱг-
тыр кытшовт-а.

— Сӱдзкӱ, абу Кирӱ ӱнӱ! Сылӱн керкаыс пон чом ыджда.

— Стрӱйтчас ӱд, — эз сы моз кут раддыны Коля. — Кывлӱ,
мый виль керка кыпӱдны лӱсьбӱдчӱ. Зӱв ыджыд коромина пӱ пана.
Саӱдра пӱ уна челядя да кор овнысӱ ме ордӱ вуджас, ичӱтад пӱ ог
кутӱй тӱрны.

— Сы помысь керка стрӱйтны дай! — скӱрмис Китай Вань. —
Дыш зӱв да! Сӱсся и черсӱ киас оз куж кутны. Сямыс абу сы вылӱ.

— Дыш кӱтъ абу. Кыпӱда пӱ тай, шуӱ-а. Шоперыдды тӱн да мен
дорысь кокныдджык. Век нин керсӱ ачыс ваяс.

— Дугды-ы! Вай нимсӱ висьтав. Кодӱ сӱйӱ? Лӱк мортыс?

— Кисьтыштан кӱ нӱшта — тӱдмала, — картӱяссӱ кияснас бара
чукӱртны нюжӱдчис Коля. Но Китай Вань шашаритчис сылӱн киясас,
мед эз удит торкны картӱяссӱ.

— Эн вӱрӱд! Кисьтышта. Он жӱ нин тай тӱсыс, туныс, мын-а.
Зӱв ӱдӱй тӱрликтӱлыс дозӱысла да кисьталӱс.

— Оз, буракӱ, ӱнӱӱн шуны, — юӱм бӱрас нин тӱдмӱдӱс га-
дайтчысь.

— Оз Ёньёон? — вашмуніс Китай Вань.

— Оз. Но лёк морт жё.

— Мый нё нимыс?

— Картіыс со оз висьтав нимсё да.

— Кыдзи оз?!

— Кёсьян, мед ме тэныд нель вом тыр водка вёсна морт лов вузали? Ог. Ог вузав. Ачым кута тёдны дай. Коді тэныд лёксё вёчны кёсьё.

— Кыдзи ачyd? Меным нё мыйла он висьтав? Мый морла нё эськё ме тэно рытывбыдсё юкталі?

— Мед, колёкё, унджык кисьталін дай. А то чунь судта и чольк-нитыштліи. Этшаник винанад картясыс дыша жё и уджалёны. Оз со нимсё петкёдлыны. — Коля бара ёкмьыльтіс картяссё.

— Тыу-у! Дзик нинём эн и висьтав. Прёстаысь лои юкталёма!

— Кыдзи прёстаысь? Висьталіс жё картіыс, мед виччысин еджыд корольысь. А еджыд юрсиаыс миян сиктын ёти — Кирё Ёньё.

— Абу пё Ёньё нимыс да! Ачyd жё картісыс видзёдліи!

— Гашкё и абу, — веськодь чужём вёчём бёрын дзебис карті-яссё Коля. — Вай, Ваньё, узьны водам. Он кё быттё нёшта кисьтышт.

— Эн дзайгысь! Ог кисьт, — юрсё ёшодіс Китай Вань. Ёртыслён вольсасигкості чёла пукаліс. Сэссия ышловзёмён вёзйис. — Кывзы, Коля, колёкё, ёни петам да.

— Эг на ёд дзикёдз йёймы. Видзёдлы ёшиняс. Ош гуын кодь пемыд дай лёкысь зэрё. Вёлок шёрас и помасяс кыкнанымлён олём-ным. Ветымын вит арёстё весиг он тырт. Да и мудзим со. Кокъяс оз нуны.

— Да-а, — ёшиньянль ветлём бёрын вайсян мёс моз ышловзис Китай Вань. — Татшём кадад тудд петны он лысьт.

— Сійёс тай и шуа. Асьтё вины удитам на.

Китай Вань дышпырысь босьгчис вольсасыны. Сэссия вель дыр пась-кёмнас пукалём бёрын полёмпырысь быттё босьгчис водзё тёдмавыны.

— Коля, вай веськыда висьтав.

— Мый висьтала? — йёй улё лэдзчысис Коля.

— Сандра да Ёньё йывсыс.

— Сійён и вой улас кёсьян гортад петны, медым найёс ёти вольпась вылысь суны, — азыма серёктіс Коля.

— Збыль ёмой Ёньёыс мёнам Сандра дінё волевлё, — сылён серам вылё весиг эз кёлёвартлы Китай Вань. Тёдчис, юрас сатш-кысьём мёвгьяссё ёни весиг тоинён он ныр.

Татшём ёти пёлос дольёмсыд весиг Коля кузяён скёрмис. Ачыс эськё и паніс сёрнисё. Но кор тай дыр кежлё крукасысны нинём абуад, весиг серавнытё мудзан. Та вёсна дёзмёмпырысь лои сылён шуёма:

— Тэ нё, Ваньё, збыльысь кежласян али мый? Та дыранад позис нин гёгёрвоны менсым сёрёмёс. Абу кё быттё стенё кавшасян йёй.

— Ёдвакё сёран, — эскытёма видзёдіс Коля вылё мёдыс. — Тё-лысь чёжнас, гашкё, дасёдысь нин тайё сёрнисё панан да.

— Кадсё лотём мogyсь бызги, — дорйысьыштіс Коля. — Зэв ёна вежётган да.

— Кыдз нё он вежётгы. Сандраыд ёд мёнам синмё шыбитчана мича.

— Мича, мича, — дэльёдігмоз сы дор сыніс мёдыс.

Тёлысь чёжтё йёзад бергалігён и Колялы телепит вёлі ёдйёджык бергёдчыны гортас. Мамыс век нин быд асыв пёсь шыд пуас, дёрём-гачтё пёслалас и. Китай Вань тшётш жё нин голя помас вотёдз синсё вежис. Первойяссё любёпырысь шмонитліс сы вылын. Но сэссия вочасён тайё тешитчёмыс вуджис кутшёмкё скёрджык воргаё ли мый ли. Серамыс эськё мукёддырйиыс сёлёмсяныыс жё петывлё. Но

пырджык кутшөмкө скөрлун шымырглө, кор тайо недөкунь кодь дядьбыс асьсө йөйтөддыны аслас вежөгтөмнас лэдзө. Со тай и талун рыгывбыд смекайтчөма лои. Сы вылын кө тадзи босьтчылысны тешитчыны, то здук-мөд мысти эськө кык син костас нин сизьдыштис. А со Китай Ваньлы оз имит. Сылөн сөмын өти мөвп юрас — збыльыс али оз Сандраыс мөд мужиккөд аддзысьлы. Шмонитөмсө оз казав. Тадзи мөвпаліс өні Коля. Унмыс оз лок ни. Китай Вань оз жө на вөд. Мыйкө со мөвпалө. Дерт, аслас нимкодьтор, Сандра йывсьыс. Китай Ваньлөн закодын пукалысьлөн кодь песовтчөм чужөм вылө видзөддөм бөрын Колялы первойыс кызкө жаль лои тайө мортыс. Көть мый эн шу, а төлыс өти пызан сайын сөйисны-юисны. Пызан ветьөкыс эз жө торъя вөв и. Коля өдөбөн сувтис да веськөдчис аслас ноплань. Кыскис сэтыс төрыт рыт нин ньөблөм доз да зымөбтөмөн сувтөдіс сійөс пызан шөрө.

— Лок, Ваньө, пуксы. Водзөстө юктөдышта. Чомөр өд талун. Уджтө помалім. Со тай, ньөби пасйыштнысө.

Китай Ваньөс кыкыс корны эз ков. Сатшкысис улөс вылө да синсө лапниттөг видзөдіс доз вылас. быттө весиг мөвпаліс на: юны али абу.

— Чомөртө, дерт, пасйывлөны, — ружтыштөм бөрын артмис Китай Ваньлөн. — Гашкө, Коля, ог нин сэсся да? Аски сьөкыд муннысө лөө. Абу эськө окота быттө юнысө да. Но лолөй печатайтчө. Со өд Сандраөй менам кутшөм! Зимөгоритны ыстис, а ачыс...

— Да эн тэ сэтшөмасө майшась, — небзьыштөм Коля эз кут сэсся водзөсө тешитчыны Китай Вань вылын. — Найө, бабаясыд, ставныс өткодьсө. Помнитан, вөйдөрлун ме вой шөр бөрас нин локті?

— Вөйдөрлун? — думыштчис Китай Вань.

— Гашкө и эз вөйдөрлун вөв да. Неуна водзджык на, — кись-талігмоз мургис Коля. — На, юышт. Ме өд абу тэ кодь. Ог кут вом тырөн кисьтавыны.

— Збыльыс кодкөлун сөрөн воин, — дыр мөвпалөм бөрын төд вылас уськөдіс Китай Вань да азыма гулькнитис кисьтөмторсө. Эз весиг чуқыртчыв.

— Помнитан, сідзкө. Меным өд сэк пышйыны ковмис, — китш-нитөмөн серөктыштис Коля.

— Пышйыны? Кодыс пышйыны? — шензьыштис Вань.

— Нывбаба дорын ме сэкинад вөлі. И войнас мужикыс суис. Ме буретш вир пасьтөм вөлі. Улөс вылын сулала.

— Мый нө улөс вылас пасьтөгыд кавшасин?

— Лампочкаыс мыйкө лоліс. Кусі тай биыс-а. Ме буретш видзөддыны разя вөлі. И сэк кості верөссө морыс кыскис. Пыригмозыс тай шензыны босьтчис. Гөтырыслыс юасьө: "Тайө нө коді?" А бабаясыдлөн татшөм кадад вежөрныс миян дорыс ок өнаджыка дзуртө. Веськыда и вочавидзис: "Он мөй аддзы. Монтөр." Мужикылөн вомыс паськаваліс, но сэсся бара юасьө: "Мыйла нө эськө пасьтөм?" Гөтырыс та бөрын кутис нин ку письыс чеччыштны, дзикөдз скөрмис верөс вылас нинөм абусө юалөмсьыд: "Бара ме мыжа лои! Кутшөмөс ыстисны!" Ме сэсся налыс сөрнисө эг кут водзө кывзыны. Көлуйөс киняулө шамырті да и петі.

Китай Вань көкпи моз вомсө калькнитөмөн видзөдіс Коля вылө. Эз төд, эскыны али абу.

— Збыльыс? И эз суөд и?

— Ме өд кильчө вылас эг сулав. Татчө зэв өдйө уйкниті.

— Сөран жө эськө да.

— Ме сөра! — весиг скөрмыштис Коля. Ветліс аслас ноп дорө да вель дыр лукйысьөм бөрын кыскис сэтыс ыджыдсьыс-ыджыд нень кутөд. Вайис да нырас босьтчис сүйны сійөс Китай Ваньлы. — Со. Он кө эскы. Аслам паськөмкөд тшөтш босьтсьөма.

Китай Вань вештыштис коран мешөк ыджда дөраторсьыс чужөмсө, а сэсся полігтыр босьтис тайө дивөсө киас. Бура дыр бергөдлөмөн

видздаліс быд вурис. Сэсся шензяна гөлөсөн пычиктіс:

— Татшөмыс жө мөс вөралы весиг ыджыд лоо. Татшөм бабаыс тай меным син улө некор на эз услы. Ни татысь, ни гортись.

— Эски көть эн, — мырдис сылысь нень кутөдсө Коля да өшөдіс косытысьны везгөдөм гез выло. Веськыда Китай Вань весьтө. Мед любуйтчө, аслас кө татшөм бабасө ылөддыны сямыс абу.

Китай Вань пукуыштөм бөрын довкиөдыштис юрнас, а сэсся эз вермы асьсө кутны да выль пөв босьтис киас өшөдөмторсө. Бара виддаліс да весиг ас вылас мерайтис.

— Та ыжда өд абу жө?

— Эг өд ме ачым сійөс вур! Шуа тай, мый сьорысь менам босьтсьөма. Тэрмасигад өд ог кут видавны, мый көлуй чукөр пиас менам, а мый бабаыслөн өтлаө веськалөма.

— Сідз эськө да, — век на эскытөма артмис Китай Ваньлөн. Сылөн шензёмыслы быттьө помыс абу. Весиг тай ва юөм бөрын вөв моз юрсө пыркнитис-а. Сэсся, мед ас саяс воны ли мый ли, нур-былытис:

— Кисьгышт нөшта.

— Вина юан голя розыд воссис али мый? — кисьталігмозыс дэ-льөдыштис Коля, но эз нин лөкысь.

— Төлысь чөжнад вель уна сюръя со лои сувтөдөма. Сутугасө мыйта везйөдлім и., — асьыс дөжналыштис Китай Вань.

— Та вөсна и юам, — точкисьны асьыс стөкансө нюжөдіс Коля.

Та мындатө юөм бөрын вежа ваыс кыкнаныслөн гыркйө вель бура пысасис. Эз тай весиг кезнитлыны. Но сёрнитны бура дыр эз жө вермыны. Гашкө, кыкнанныс мөвпалісны, мый йылысь сэсся и безгыштыны. Быттьө төлысь чөжнад ставсө нин сёрнитөма лои да. Дерт, вывті варов йөзлы, торйөн нин бабаяслы, пыр тай сюрө варовитан слөйыд. Висьтавлөны тай, мый кык баба кутшөмкө ыджыд мыж вөчөмысь кызы вит во өти камераын пукалөмаөсь. Лэдзөм бөрас тюрма забор дорас на час-мөд кезлө варовитны кольччылөмаөсь. Абу на став сёрниыс эштөма да. Сэсся сөмын сы бөрын сяммөмаөсь разөдчынысө.

— Аски югдөм бөрас и гортө вөрзөдчам, — сөмын татшөм сёрни визь и сюри дыр бөрын Китай Ваньлөн. Сійө вель нин өна гажмис. Синъясыс тай кенясьыштисны-а. Син аканьыс оз жө нин торъя зіля вөр и.

Вөрзөдчам, — гогнитис юрнас Коля. — А то эсійө... нывбабаыслөн верөсыс менө корсьө. Колө өдйөджык татысь пышйыны.

Китай Вань сьөкыдапырысь нин сувтис да бара киас босьтис нень кутөдсө.

— Сө дивөыд! Мый ыжда!

— Сідз тай.

— Тэ, Коля, мортыс абу кулитана, — дөрасө бөр өшөдөм мысти мөдыслы вочамоз пуксис Китай Вань. — Мый нө эськө гөтырыдкөд торксин?

— Торксим тай. Сійөн и карсьыс бөр гортө локті. Неважөн сетчылі жө карад. Весиг аддзысьлім на и.

— Абу на верөс сайө петөма?

— Ме сійөс жө юалі. А сійө вочавидзис, мый тэ бөрын пө ме мужик дуксө кө кыла — мөдарө уськөдча пышйыны.

— Нөйтлің али мый?

— Эг эськө да. Но вывті гажа юрнад ме зэв лөк вома. Нинөм абусө безга.

— Тайө, дерт, мисьтөм, — ставсө төдысь да гөгөрвоысь морҕ моз кыв көрталіс быттьө Китай Вань.

— Абу торъя бур, — эз куражитчы Коля. Сійө вөйыштіс здук кезлө кутшөмкө жугыль казытылөмъясө. Но өдйө жө бөр пыркнитис найөс юрсьыс. Көсийс содтөд винанас кылөдны ылөджык казытылөмъяссө. Босьтис дозсө, а винаыслөн нимыс сөмын кольөма. Кушмөма

сулеяыд. — Но-о. Бырõма нин. Сõмын на шонавны куті-а. Тэнад õд коли на. Кисът.

— Огõ нин, — кõtь гажмõма, но асланыыс колысьõн бõр лои Китай Вань. — Колõкõ, аски. Туйõ петтõдзыс...

— Друг да асылõдзыс шузяс.

— Оз шузы.

— Кадсõ кõtь лотнысõ кокныдджык, кор дозйыд син водзад. Сідз õд ог кутõй пукавны. Ог кõ быттõ гораныыс ворсõй.

— Мыйысь?

— Гораныысь, шуа. Тэ кутан дзедсыыны, а ме эсйõн синмõс тупка да кута тэнõ корсыны.

Коля кыпõдчыліс да сингыс вылас шлапкис нён кõртõдсõ. Китай Ваньлы тайõ ворсõмыс гажа юнад кажитчис жõ.

— Вай ворсам и эм.

— Ворсам. Ме кõ тэнõ кута, то водкатõ кисътны ковмас.

И кык верстõ мужик босътчисны челядь моз дурны. Коля пысаліс дõрасõ сингыс вылас, топыда кõрталіс да заводитіс вõтлысыны Китай Вань бõрся. Мõдыс кок чуньяс йылас зіліс пышйыны паськыда шевкнитõм кияссыс. Но жырйыс вõлі сэтшõм ичõt, мый торъя дзедсыыны некытчõ. Эз и дыр кад коль, кыдзи Коля шамыртіс сывгыс мужичõйõс. Мõдыс эськõ вегляситыр кõсйис мездысыны, но эз сяммы.

— Тэ кõ аддзан вõлі менõ-а?! — век жõ чегьясыны кутчысис Китай Вань.

— Ог. На, ачыд юрад суйлы. Аддзан он.

Китай Вань кõртавліс дõрасõ аслыс да зэв õдйõ бõр разис.

— Он тай и вõлõм аддзы. Топыд дõраысь кодлыкõ вурлõмаõсь тайõ дивõсõ.

Сййõ тэрмасьтõг ветліс ноп дорас, жальпырысь перйис дозсõ да би водзас нюждõдõмõн вель дыр видзõдіс коляс вылас. Кытчõдз Коля эз босът сулеясõ да кисътав стõканъясõ вир вежан васõ.

— Юыштам и вольпасьõ уськõдчам. Гажа юнад гылыдджыка узьяс, — такõдіс Коля Китай Ваньõс, кодлы, тыдалõ, жаль вõлі аслас ньõбõмторйис.

— Ме эськõ гажми нин да, — кõtь эськõ õти нылыштõмõн гулькнитіс кисътõмторсõ, но век на асланыыс синіс Китай Вань. — Мудз вывсыд уна оз и ков.

— Со век на шливгõ-зэрõ, — õшиньянль матыстчис Коля. — Кыдз бара аски мунны кутам-а?

— Зэрõ тай... Слабог, аски гортõ мунам, — сы моз эз кут майшасьны Китай Вань.

— Сандрасьыд, тыдалõ, дõбельки гажтõмтчõмыд. Сылõн видõмысь али мый гажыд сэтшõмасõ быри?

— Сййõ менõ некор эз лысылы видны! — пыр жõ и щõtясис Китай Вань. — Ме на ыджыдыс! Семьяõй нэмсõ ме вылын кутчысис!

— Эн сõр, — эз эскы мõдыс. — Одвакõ. Сандраыдлõн тай гõлõсыс век юргõ-а. Тэ сы дорын кывтõм пемõс кодь.

— Ме кывтõм пемõс?! Ме?!

— Ме тон абу. Вай водам сэсса. А то тэ ёна нин гажмõмыд.

— Мед эг!

— Эн кõ и эн, — эз кут водзõсõ пыксыны Коля.

Китай Ваньõс бара кутшõмкõ мõвпгыс песны босътчисны. Вõрзõдчывтõг пукаліс. Сэсса босътчис лёкысь юрсисõ летны. Пызанõ видзõдігмоз. Но морттõ, тыдалõ, мõвпгысыс сэтшõма гудыртісны, мый лёкысь камõбтіс пызан пõвгыс. Стõканъясыс быттõ тайõс и виччысьõмаõсь. Кутісны сизьдыны-йõктыны. Коля весиг шай-паймуналіс.

— Коля! Кылан? Тэ вай некор сэсса эн гõтрась! Некор! — Китай Вань заводитіс лõвтны сингысõ кияснас тупкõмõн да õтарõ-мõдарõ катласигмоз.

— Ог, дерт, — сы дорõ матыстчигмоз шуис Коля. Сййõ тэрыба

саймовтис стоканъяссо, мед модыс эз босытчы найос лясйодлыны джоджас. — Отчыд готрасьлі и тырмас... Абу од йой.

— Эн готрась! Ме тэныд шуа! — кышодчывны кутліс Китай Вань, но пукалан местаыс сэтшөма сьоктөма, мый бөр личкис улос бердас.

— Ог, ог. Мый нө, Ваньö, тэкөд лои?

— Готрасян кө — олом чөжыд кайтчыны кутан! Менö аддзан? Менсьым оломос аддзан? Видзөдлы! — Сийö босытчис кабырнас лөкыс гимодны морөсас. — Ру кодь лои. Весиг ог тыдав. А том дырйиыд ме кутшөм вөли! А! Коля! Пельпомъясой тэысь на паськыдджыкось вөлины. А öни!

Коля, дерт, эз төд, кутшөм пельпомъясыс вөлины томдырся Китай Ваньлөн, но мед мортыс дзикөдз эз пузы, вензыны эз жө кут.

— Эн татшөма, Ваньö, майшась. Вод да узы.

— Менсьым вирөс Сандра юис! — бара сизьдыштіс пызан пөвийö Китай Вань. — Пөрысьö-нэмö со зимөгоритны ыстіс! Камандировочной пө сэни мынтасны. Көсийö, буракö, мед ме тайö сюръяс дорас и лолос пөлышті! Чергөдчи!

Китай Вань кага моз бөрддзис. Коля уськөдчис сийос бурөдны, но эз төд весиг, кыдзи. Нэмтö кага видзтөгыд оз и төд, кыдзи бурөдлөны. Таысь аслыс немкө лои, да сөмын горөдіс:

— Дутды, мися, Ваньö.

— Сылы нө мый?! — эз бурась татшөм шуөмсьыд модыс. — Кула кө — нимкодь на лоö! Менам куломьд сылы — гач кизь орөм кодь!

— Эн сөр, — талы нин некыдзи эз эскы Коля. — Сийö тэнö жалитны на кутас. Кулан кө быттьö. Весиг лимзалас-бөрдас на и.

— Сийö бөрддзас?! — шензьөмөн видзөдліс Коля вылө Китай Вань. — Сандра бөрддзас?! Ме вөсна?!

— Бөрддзас, дерт. Кыдзи нө оз? Бөрддзас бара. Верөс өд.

— Оз! Сийö оз бөрддзы! — ыжалдысь кага моз кутіс джоджас кокнас зымөдны модыс. — Сылысь синва войт он пычкы!

— Сөмын өд видлыны. Вай видзөдлам? Ме думысь, сийö лөк горшөн на кутас бөрдны.

— О-оз! — водзö кокнас зымөдіс Китай Вань. — Сийö оз бөрдзы! Оз!

— Збылысь кө видлыны. Ме öни звөнитла да висьтала, мый тэ эсийö... куломьд. Сьөкыд уджсьыс.

— Миян өд гортын телепоныс абу.

— Суседыдлөн өд эм. Сылы и висьталам, — ыззис Коля.

— Оз бөрддзы! Ме тэныд шуа! Оз! — век на эз эскы Китай Вань.

— Звөнитла. Он кө быттьö меным эскы. Кодлы и звөнитнысьö? Коді тян дорын медматын олө?

— Коді? Коді и олө?

— Кирö Öньö, — шусис Колялөн да весиг серамыс зэв гыльда петіс.

— Бара Кирö Öньö, — чечыштіліс весиг модыс.

— Сылөн телепоныс абу, — гусьөн нюмъялігтыр Коля босьтіс бонзьөм книга, кытчö пасъяломась телепон нумерьяссо. Аддзис асьыс сиктсасö да кутіс сюся видзөдны. — Варук Дарьялы звөнитла. Вот кодлы. Сылөн кокыс тэрыб. Татшөм юөртö төвныр моз лэбөдас.

Коля босытчис бергөдлыны телепон гөгыльсö. Китай Вань шензяна синъясөн дзоргис сы вылө. Коньөрöй весиг эз гөгөрво, мый вөчсьö. Юрнас сөгласа гоҗйөдліс:

— Звөнит. Дарьялысы и звөнит.

— Оз мыйкө шыась да.

— Юөрт. Вот видзөдлам, Сандралөн весиг син доръясыс оз вазывны. Ме Сандратö кызь сайö вонад төдмалі нин.

— Босытчис, тыдалö, кодкө, — шемөса артмис Колялөн. Сийö мыйкө дыра весиг артасис на, висьтавыны абу, но лыбзьөма жө да веськыда и босытчис сёрнитны. — Дарья?! Тэ?! Тайö ме, Кольö. Кутшөм

Кольо юасян? Кузьма Виталейлөн. Ми тöлысь сайын муним сюръяяс сувтöдавны Китай Ванькөд. Тöдин?

— Кутис сэн нинөм абусö сөрны! Висьтав нин менам кулөм йывсьыс.

Китай Вань сьökыдапырысь чеччис да шашаритчис телепон труб-каас. Коля мездысис сысь да вешйыштчөмөн бара горöдис трубкаас:

— Дарья?! Ме тэныд со мый көсья висьтавны! Китай Ваньсö тöдан?

— Бызган сэни нинөм абусö, — кутис, тыдалö, дözмыны Китай Вань. — Менö нö кодi оз тöд? Нöшта юав, кызди менсьым гөтырöс шуöны. Вай меным телепонсö.

— Дарья, менам шогöйла кывйöй оз артмав.

— Сийö бара оз бөрддзы, — бара асьыс дольны босьтчис Китай Вань.

— Кылан, Дарья? — Коля йөткыштис сы гөгөр бергалысь мужичöйс. — Китай Ваньыд öд кувсис. Сийөн и звонита со. Сьökыд сюръяяс лэпталөмсьыс ёна, тыдалö, доймис да. Збыль!

— Мед Сандралы юөртас, — джоджсьыс кышöдчигмоз индöд сетис Китай Вань.

— Часлы. Дарья?! Петав Сандра дiнас.

— Весиг сёрнитнысö он куж. Зырым бедь! Вай меным теле-понсö. Ме велöда, кызди юөртнысö, — Китай Вань кисö водзлань нюжөдöмөн матыстчис Коля дiнö.

— Дугды, — кинас трубкасö тупкис мöдыс. — Ме жö Сандра-ыдлы көсья тэнад кулөм йылысь юөртны. Кызди нö тэ ачыд висьталан? Тэ жö кулөмыд.

— Ме кулi?! Эн сөр! — шензис Китай Вань.

— На! Сидзкö, ачыд и висьтав аслад кулөм йылысь. Поконик! — чургöдис нинөм гөгөрвотөм Ваньлань телепонсö Коля.

— Да-а, — сөмын öни босьтчис мыйкö пöтурайтны Китай Вань. — Меным оз позь. Ме öд кулöма. Ачыд висьтав. Сөмын морт ногөн, а то...

— Дарья, — бара трубкаö шыасис Коля, — петав Сандра дорас да висьтав, мый Ваньыс кувсис. Сэсся мянлы звонит. Телепоныс...

Коля кыйкнитiс, кытысь аддзыны тайö телепоныслысь номерсö. Тайö кадас Китай Ваньлөн бара ставыс юрсьыс петöма нин. Бара тай трубкаас шашаритчис-а.

— Вайлы меным! Ачым висьтала. Мед Сандрасö чукöстас да ськөд сэсся сёрнита. Ме сылы петкөдда Кирö Öньö!

Коля зiлис мырддыны вежөрсö воштöм Китай Ваньлысь теле-понсö. Но мöдыс некызди эз лэдз. Кор Коля кийн лоис трубкаыс, казяiс, мый пессигад проводсö вужнас ордöмаось.

— Тэ тай дзикöдз дурмин! — пинясис Коля. — Эг öд и удит помöдз висьтавнысö. Кызд нö сэсся татчö Дарьяыс звонитас? Кызд нö ми тöдмалам, бөрддзис эз Сандраыд?

— Сандра бөрддзас! — асьыс помасьлытөм сьыланкывсö бара заводитис Китай Вань. — Сийö бара оз!

Коля эз кут сэсся сылысь лөвтөмсö кывзыны. Видлiс йитны ором сутугасö. Но эз сяммы. Сылөн ноксигөн Китай Вань лөкысь камöдiс пизанö да ыджыд гөлөсөн равзис:

— Аддзöмыд кодöс бөрддзöдны?! Сандраос!

Сэсся горзөмсьыс дзикöдз муззис либö юөмторйыс ставнас нин вирас вуджис, Китай Вань сунiс джоджас. Но и сэни на водзö лөвтiс. Коля гоз-мöдысь воськовтiс сы вомөн, кор босьтчис ветлөд-лыны джодж кузяласö и пасьталасö.

— Дзикöдз тай кодззин? — бөръявив век жö копыртчис Китай Ваньлань. — Час водтöда.

— Ме ог на вод! — быттö тайö шуөмсö и виччысьöма мöдыс. — Ме гортö öни жö муна!

— Тэ помысь. Вод да узь. Шойччышт, Ваньö.

Коть быттьо и ичотик Китай Вань, но Колялы вель дыр ковмис ськөд ноксьыны, өдва и кыпөдс вольпасьөдзыс. Недыр мысти ку-сөдс бисө да ачыс паськөмнас и быдөн павкнитчис крөватяс. Но унмыс некыдзи эз шымырт. Бөр ковмис чеччыны да бисө озтыны.

— Коля, кылан? — друг небзыштөм гөлөсөн нин шыасис Китай Вань.

— Кыла.

— Он на узь?

— Ог, дерт. Коді нө эськө тэкөд сёрнитө?

— А менө унзиль личкө.

— Узь. Личкө кө. Тэ шкоргыны кутан, а Сандраыд, көнкө, Оньө-көд өти вольпасьын мусукасьө дай.

— Ме гортө воа да налы пуж петкөдла! — көсийс кыпөдчыны Китай Вань, но сямьс эз нин вөв.

— Узь, узь. Өдвакө татшөм юөр бөрад Сандраыд кодкөдкө кут-чысьлас.

— Ме налысь сьыліяссө пелөдла...

Сэсса ланьтис. Тыдалө, унмыс дзикөдз личкис коньөрөс. А Коля дыр на пукаліс пызан сайын да мөвпаліс. Абу жө эськө колөма налы нинөм абу йывсьыс телепонас сөрны да. Коть эськө Китай Ваньыс ачыс мырдысьөн тшөктис. Йөзсө весьөпөртасны. Аски Китай Ванькөд гортас воасны да паныдасьысьясыс йөймасны. Көнкө, став сиктыс нин төдө. Вот песьтакыд лоө. Ваньөс, дерт, Сандраыс бурпөт видас. Сюрыштас коньөранөйлы. Гапшкө, бара звөнитлыны да збыльсө висьтавны да. Коля босьтчис вөчны телепонсө, но нинөм эз артмы. Аслыс на мөрччас и. Звөнитлөмсьыс. Но да нинөм. Мыйкө өд дор-йысьныс мөвпыштас. Да-а. Эз өд прөстаысь гөтырыс шулы, мый гажа юрнас сійө йөй вежора.

— Лоө коть узыштны, — аскөдыс гораа босьтчис варовитны Коля. — Аски быдса комын верст няйтөд на ковмас вуджны. Сэсса и Сандраыслысь равзөмсө кывзөмыс мый дон сулалө...

Коля водіс. Но вель дыр на эз унмовсь. А тайө кадас налөн сиктын уналаын эз узыны. Быдөн ас ногыс паныдаліс Китай Ваньлөн кулөм йылысь юөрсө...

... Мөд асывнас кык зимөгор узисны вель сөрөдз. Медводдзаён век жө садьмис Китай Вань. Пуксис крөвать вылас да бура дыр мөвпаліс. Тыдалө, төрытьясө син водзас каттис. Сэсса тай кыз зьвиркнитис-чеччыштис Колялань да босьтчис мый вынсьыс сійөс тойлыны.

— Коля! Коля!

— Эн мешайт! — өвадысь моз видліс шеныштчыны сысь Коля. — Коть талун узыштны лэдз.

— Чеччы! — эз өвсьы Китай Вань.

Коля бергөдчис сылань мышнас, но регыд мысти гөгөрвоис, мый Ваньысь он мын. Но сувтны эз жө сувт. Мөвпаліс.

— Коля!

— Мый? Сутш вай нөшта узышта. А сэсса мөдөдчам. Быттьо он кө менө чужан лунтө пасйыны пальөд.

— Сувт мися! Мый йылысь нө төрыт сёрнитім? Мый ми телепон пырыс висьталім?!

Тайө шуөмсьыс и Колялөн унмыс воши. Өдйөджык чеччис.

— Юөртім, мый тэ эсийө... кулөмыд.

Китай Вань весьөпөрөмөн босьтчис ветлөдлыны джоджөдыс.

— Мы-ый?! Мы-ый?! Ме кө водкасьыс гажми да быд нинөм абусө сёрниті, то мый морла тэныд кывзынысө вөлі. Мый морла?!

— Өти дозйысь өд юим. Эг жө тай ырөш гулькйы. Тшөтш гажми, — дорйысис первойсө Коля, но сэсса зэв гыльда серөктис. — Но и Ваньө! Өти лун эн вермы ветымын вит арөс тыртөдзыд овнытө, пенсиятө эн нин вермы виччысьнытө.

— Эн жеръяв! Вай öнi жö звöнитлам да висьталам, мый сöрим.

— Ачыд и висьтав. Ме ог-а.

— Кыдзи он? Тöрыт тай нö звöнитлин!

— Ачыд öд тай мырдысьöн тшöктин.

Китай Вань шемöса матыстчис телепон дорас, полiгтырйи лэптис трубкасö. Вель на дыр эз казьяв орöм проводсö. Казьялöм бöрас дзыкöдз шöйöвоши.

— Орöма проводыс да.

— Тöрыт ачыд нетшыштин.

— Кодлөнкö öд сиктас эм жö телепоныс. Вай ветлам да звöнитлам.

— Мый нö висьтавнысö кутам? — Колялы звöнитлöмыс вöли из кералöмысь сьöкыдджык да быд ногыс кöсйис мынтöдчыны тайö уджсыс.

— Мыйкö öд мöвпыштам. Мунигмозыс. Со öд ускöттьöйд кутшöм!

— Ме некытчö ог мун, — чорыда пыкис Коля. — Мед ачыд эн тшöкты кулöм йывсыд звöнитны дай. Öнi эськö бур сьölöмөн гортланыд нин шавксьöдiм.

— Кыдз он мун? — шензыштити мöдыс. — Ме али мый кута звöнитнысö?

— Тэныд и ковмас. Ме ас пайысь некытчö ог мун-а. Татчö и кольча.

— Гортад весигтö мунны али мый он кöсйи?

— Бурджык тани олыштны. Тэнö Сандраыд виас да гуалöм бöрад локта. Неямын лунсö пасйыны.

— Коля, ло мортөн! Вай ветлам.

— Кутис сэни лöвтны.

Тайö здукас ывла вывсянь кутис кывны машина шы. Кыкнанныс пельяссö чошкöдiсны.

— Петалам, колöкö, миянланыö машинаыс мунö, — уськöдчис öдзöслань Китай Вань.

— Сувтис, тыдалö, да. Миян керка весьтö.

Коля тэрыба матыстчис öшинь дорö, видзöдлiс.

— Кутшöм машина нö? Кодарö ныра?

— Таланыö. Миянласянь, тыдалö, воöма. Нывбаба кутшöмкö кабинасыс петö. Энлы! — Коля весьöпөрöм чужöмөн видзöдлiс Китай Вань вылö. — Дзык Сандраыд кодь!

Мöдыс тай кыдз чечыштас öшинь дорöдзыд. Кутасысьс каньыс на пелькджыка. Но видзöдлынысö пырысьтöм-пыр эз лысьт.

— Абу жö кö сийö-а? — век на надея кутис ас пытшкас Вань. Но сэсся кыдзкö тай смелмöдчис да гусьөнмоз кыйкнитлис ывлаö. Бергöдчис Коляланы дзык нин мöд морт. Гортйö мичаджыкъясöс водтöдлöны. Льöбийыс тiрзьö дзöран кисель моз. Кирган гөлөсөн век жö пычиктис: — Си-и-йö и эм. Сандраой.

— Мый нö кутам вöчны? — ассыс дона юрсö лэбöдöмысь повзис Коля.

— Ог и тöд. Сийö менö пыригмозыс ульөн нылыштас, курччавтöг.

— Гашкö, эсийö... водан да кулöм улö лэдзчысян?

— Мый?

— Кулöм улö, мися, лэдзчысян.

Китай Ваньлы öнi дыр артасыны кадыс эз вöv. Мöдысь кö, эськö, öтарсянныс и мöдарсянныс мурталис, а öнi здук мысти нин шуис:

— Збыльысь водны ковмас. Вода...

— Но öд он кут нэмтö сэсся поконикиөн куйлыны, — нюмдiс весиг Коля. — Бытьөн сэсся гуавны ковмас.

— Гуавны?

— Ловйөннад. Покониктö öд гуавлöны. Аскомысь и бөръя туйö кольбодам.

— Эн жеръяв сэни. Зимöгор. Тэныд серам. Вай збыльысь вода. Мый лоас ло. А то пыригмозыс йирны босыгчас. Бöрас öд кыдзкö-мыйкö...

— Вод, Ёна кө телепит, — шусис Колялөн, кодлы эз жө вөв торъя окота кывзыны Сандралысь лёк горша гөлөссө. Да и Ваньёис жаль жө лои.

— Сёмын эн удты, — мыйлакө таысь майшасьны кутис Китай Вань.

— Кыдз нө ме удта. Абу өд йой.

— Час вода, — уськөдчис пызанлань мөдыс да тэрыба водис кынём вылас.

— Тэ бур ногөн вод, — дөзыштис Коля. — Кыгысь нө адзылин, мед поконикуяс кынём вылас куйлисны.

— Тадзи али мый? — бергөдчис мыш вылас Китай Вань. — Тадзи мөй колө воднысө?

— Тадзи. Час ме кыйкнитла. Оз-ө пыр? — Коля матыстчис өшинь дорө да занавес сайсяныс гусьон чөвтлис видзөдлассө.

— Оз на пыр? — юрсө лэптылис куйлысь.

— Оз на. Лолавтөг али мый дитшвидзны кутан?

— Кута.

— Сидзёнад өд збыльысь кулан. Ныр пырыд көть лолов. Кор матыстчылас — лов шытө кутыштлан дай, — Коля лажынгчылис весиг да юөртис: — Сандраид пырө.

— Киө нинём босьтны оз ков? — пыр на майшасис Китай Вань.

— Куш дозсө кө ог сет. Төрыгыясө.

— Ланьт нин эськө тэ да. А то пыригмозыс кыкнаннымөс нөйтас. Сылөн өд кабырыс ой сьөкыд.

— Ме өд пышъя, — асьсө такөдөм могысь век на шмонитыштны видзөдчис Коля. — Тэныд со оз позья-а.

— Оз тай нө и пыр?

— Гажтөмтчин али мый? Пырө со. Кок шыыс салдатлөн кодь.

Коля вешыис өдзөс дорысь медся пыди пельёсланьыс. Синсө лапниттөг видзөдис пырысь вылө.

Сандра вөли сьөд паськөма. Юрас тшөтш жө сьөд вылын пемыд рөма дзоридзьясөн серпасалөм чышъян. Да и ачыс быттьө неуна роп-мунөма чужөм вылас, жуөдыштөма.

— Көни сийө, шоньянөй менам? — тагөс вылас сулалыштөм бөрын шог гөлөсөн шыасис Коля дорө.

— Со сэни куйлө, — индис горт олысь пызан шөрө павкнитчөм Китай Вань вылө.

Сандра недыр синва тыра синьясөн видзөдыштис верөс вылас, а сэся кызд тай уськөдчас сылань! Коля весиг мөд пельёсө зэв өдий вешыштитис. Код төдас, кутшөм мөвпгьяс юрас тайө яр нывбабаыслөн.

— Ванюкөй дай, сө зөлөтушкай! Кодлы нө тэ мянөс энөвтин?!

— Кирө Оньюлы, — вомгорулас артмис Колялөн.

— А? Мый шуин? Эг велав, — сылань бергөдчылис Сандра. Көть вомгорулас Коля шуөма, но кылөма на тай.

— Нинём эг. Шогөйла тай мыйкө артмис. Ог нин весиг төд, мый вөча. Сэтшөма нерничайтөма лои да.

— Радейтам өд тэнө ставөн! — водзө Китай Ваньлы лөвтис гө-тырыс. — Челядыд ырзөмөн бөрдан гортө долины. Гулюөй тэ менам! Куйлан со...

— Оз пө бөрдзы, шуө. Со кызди сыркьялө да, — йөйыдлөн гораа артмис Колялөн. Но Сандра бара на абу велалөма шудыд вылө. Бара тай бергөдчылөмөн юалис-а:

— Мый шуин? Эг кыв.

— Шогыд, мяся, кутшөм, — мый кыв вылас воис, сийөс и брөль-снитис мөдыс.

— Кыдз нө лоис тайө шог-маетаыс? Кыдзи, мяся, сийө, коньё-рушкай, кувсис?

— Сюръяясыс сьөкыдөсь вөлины да, гашкө, сийөн, — эз кут мөмляйтны Коля. Сийө зэв бура помнитис, кутшөм помка төрыт вись-талисны Дарьялы.

— Куйлан со, Ванюкөй! — Сандралы тайө помкаыс, тыдалө, вөли

тырмымөн, да бара топодчис куйлысь верос дорас. — Куйлан. Дзик ловъя кодъ. Абу и тшыкомыд на.

— Тэнö аддзис да со весиг вирсермунис. Нимкодъ, тыдалö, лолыслы лоис...

— Со öд, — сöмын и артмис ышлолалысь Сандралөн.

— Кодкөд нö, Сандра, локтін? Туйыс лөк да.

— Совхозлысь медся вына машинасö дзайги-кори. Мися, вайлöй покони́к верöсла ветлыны. Слабог, пырысьтөм-пыр сетісны. Нэмсö öд Ванюкөй совхозын мырсис да.

— Катöдны али мый кутан? — нинөм абусö лои юалöма Колялөн.

— Татчö öд ог коль. Гортсянь дзебам. Став сиктөн, морт ногөн.

— Кыдз нö татшөм лөк туйнас локтінныд? Вель кузя да ёна зэрис да.

— Эг кө öд вермөй — абу танөсь, — пырөмсяныыс первойысь на ярскөб гөлөсыс пысьтліс Сандралөн.

— Менö вай тшөтш катöдөй.

— Тэнö, дерт, татчö ог кольөй. Гуранъяссö вуджигөн көть покони́ксö кутыштан, — Сандра сюся видзöдліс верос вылас, мыйкө вашкөдыштис вомгорулас. Коля весиг сырмыны кутліс, друг да казяліс. Но мöдыс вешйыштис Китай Вань дорысь да видзöдліс ывла ывлö. — Час ме петала. Пыртны мыйсюрö колö.

Сандра петіс. Коля кывзысьыштис сылөн кок шыясö. Сэссия матыстчис öшиньяльн, видзöдліс ывлаö. Сöмын сэтысь Сандраöс казялөм бöрын лысьтис гораа шуны:

— Ваньö, шойччышт. Сандраыд петіс.

Китай Вань первой полігыр восьтис öти синсö, сэссия мöдсö. Та бöрын лэптыштис юрсö, видзöдліс гөгөрбок. И сöмын та бöрын пуксис. Горасыыс гораа ышловзис:

— Сьökыд жö, вөлөм, вөрзьöдчывтöгыд куйлынытö. Кыдз бара покони́къясыс куим лунсö куйлöны-а?

— Налы öд абу нин тэны кодъ, — китшнитис-серөктис Коля.

— Но и олөм, — бара сьökыда ышловзис Китай Вань. — Бара, йöйыд, юрöс дзугйö сюйи. Видлы öні сэссия мездысьны...

Коля эз суйсыы сылөн лөвтан сёрниö. Мунис öшинь дорö, видзöдліс да весиг лажынытчыліс. Та бöрын паськыда вашмунөм чужөмөн бергөдчис пукалысьлань.

— Сё дивöйд!

— Мый нö сэні жеръялан?

— Тöдан, коді Сандратö вайöма? Шоперыс коді?

— Коді нö?

— Кирö Öньö. Гы-гы-гы!

— Кирö Öньö öд абу жö?! — чеччыштис пызан ывысь Китай Вань.

— Колөкө, öтлаын узисны да та вöсна и регыдөн машинаыд сюрöма Сандраыды.

— Ме налы петкөдла öтлаын узьöм, — ырыштчис öшиньяльн матыстчыны мöдыс, но Коля туй костас кутіс.

— Тэ жö кулөмыд, — сійö кыпöдөмөн бөр пызанланьыс нуны босьтчис Китай Ваньöс. — Кыдз нö тэ налы пужсö петкөдлан?

— Петкөдла! — пессис Вань.

— Вод, вод, — личкис сійöс Коля. — Бөррдзис на тай Сандраыд. А тэ вöлі шуан, мый оз весиг чукуртчыв.

— Нимкодъысла, гашкө... Мый меысь мьніс, — лөкысь бөр пуксис Китай Вань.

Сё мокасьгыд! Другөн воссис керка öдзöсыс. Колялөн пидзöс кысыньясыс личалисны. Китай Ваньöс быттö паралич вартіс. Виччысисны Сандралысь мыччысьöмсö. Но керкаö воськовтис мужичöй — Кирö Öньö, коді и вайöдіс покони́к верос дорас гөтырсö. Сійö воськов бöрын джөм сувтис да чашкалөм синъясөн видзöдіс первой Коля, а

сэсса Китай Вань выло. Вель дыр вомсö паськөдліс, кöсйис, тыдалö, мыйкö шуны. Медбöрын артмис жö шуöмыс:

— Китай Вань пö кулöма! А сійö со тытвидзö-пукалö.

Китай Вань эз бара уськөдчы дорйысьны. Мый юрас кутіс, сійöс и шуис:

— Муртса сьолöм эз пот. Чайті, мый Сандра пырö. Эн горзы! Гöтыр кылас.

— Тэ збыльысь ловъя али мый? — сы дорö полігтыр матыстчис Кирö Öньö.

— Кулöма, — сöмын и серöктыштіс Коля. — Тэныд каститчö.

— Ланьт, — сөдзöдіс пинь пырыс Китай Вань. — Ловъя, дерт. Он мöй аддзы. А тэ кулөмөн нин чайтін. Нимкодъыдла гач пиад он төр.

— Сöтана пызьяс! — другөн юрас воём мөвпсьыс горөдсис Кирö Öньөлөн. — Дыш, буракö, подöннад кайнытö лоöма да ылөдлөмныд! Мед поконибла машина сетасны.

— Эн горзы, — ырыштчис сы вылö Коля.

— Сійö со лөкысла горзö. Аддзис, мый ме абу на кулöма да, — кодзнитіс синъяснас пырысьлань Вань.

— Нöшта öд гөвчитöны, — кабыръяссö чабраліс Öньö. — Думайтанныд, ёна нимкодътор вöлі татшөм лөк туйнас татчөдз воөдчынысö? Став машинаыс киссис.

— Ме тиянлы пуж петкөдла. Кадыс воас да, — эз и көлөвартлы сьлөн броткөм вылö Китай Вань.

Коля жö öдйөдзык гөгөрвоис, мый Кирö Öньö кö öні вомсö паськөдас, то кыкнаннысы пом воас. Та вöсна юмола вашъялігтыр матыстчис шопер дінö.

— Кывзы. Вай бурөн сёрнитчам. Збыльысь öд налькйö шедім, — шуис сійö, но ачыс оз жö вунөд Сандра йылысь. Пыр жö и бөр уськөдчис öшиньö видзөдлыны. — Сандраыд пырны лөсьөдчö.

— Мый нö Китай Ваньыс ме вылö нöшта на и гыбалö, — сьөлөмыс, буракö, небзыштны кутöма Кирö Öньөлөн, коды нö нимкодъ поконикöс гортөдзыс вайны. — Мый нö эськö тешитчанныд.

— Бöрас висъталам, — öвтыштчис кузь сёрниысь Коля.

— Часлы. Часлы, — ассьыс долис Китай Вань.

— Ланьтлы, — личкис пызан вылö сійöс Коля. Да Öньөкөд босьтчис сёрнитчыны. — Тэ вай эн удты.

— Менам кадыс волас на, — бөр кыпөдчис Вань.

— Тэ нö мыйла бөр пуксин, — ырыштчис сьлань Коля.

— Водны али мый колö? — пыр жö усьмиритчис мөдыс.

— Сандраыд, мися, пырö. Көсьян кö — пукав.

— Сідзкö, водыштла, — бурджыка водны лөсьөдчигмоз нурбыльтіс Вань. Но эз терпит да кыпөдліс на кабыръяссö Кирö Öньөлань. — А тэкөд...

— Кимөститчанныд сэні. Сэсса дыр на думайтанныд тешитчынысö?

— Сöмын вомтö эн паськөдлы. Бöрас кызкө-мыйкö ставсö ладитам.

Бара воссис öдзөс да пырис Сандра. Аскөдыс пыртіс вель ыджыд вольпась.

— Кытчö и öшөдлыны, мед косьмыштас? А то асывнас зэрис да неуна кötасьыштöма.

— Öшөд кытчөкө дай, — бара коньөр гөлөсөн босьтчис сёрнитны Коля да уськөдчис отсыштны нывбабалы пыртөмторсö öшөдны. Сöмын нюжөдөм гез вылö меститөм бöрын юалис: — Мыйла нö вольпасьсö вайин?

— Туйыс öд зөркыд, Медым, шонъянөйлы, небыдджык вöлі гортас кайнысö.

— Дыр на кутам тані овны? — гөлөссö сетіс Кирö Öньö.

— Кытчö тэрмасын? Пуксы да шойччышт, — сы вылö дөзмөмпырысь видзөдліс Коля.

— Мыйта ковмас, сы мында и олам, — вомаліс тшотш тэр-
масысь шоперос Сандра. — Тэнэ покони́кла нарадитісны. Уджон
таысь мынтасны. Сідзкэ, эн и тэрмась. Котасьом вольпасяс од, ко-
ньорушкоос, ог водгэд.

Кирэ Оньэ эськэ косьис нин мыйкэ шуны, но Колялысь скөр ви-
дзодлассэ кыйом бөрын ланьтис. А Сандралы, тыдалэ, бара дум вылас
уси куйлысь верөсыс, да матыстчис сы дорэ.

— Оз тусь вом доръясэй тэ менам! — лыддьодлыны босьтчис
верос весьтас сійө. — Куйлан со, мусукөй менам.

— Куйлас, дерт. Мый сэссия сылы вөчны, — эз вермы кутчысь-
нысэ да шусис Кирэ Оньөлөн.

— Эн тшетшкы! — пыр жэ и вомаліс Сандра.

— Пырин кө, пукав. Эн суйсысь, — нывбаба дор өдйө сувтис
Коля.

— Пукала тай со, — дорйысигмоз нурбыльтис шопер.

— Пукавны татчэ эн на лок, — ярскөба шуис Сандра. — Лок
петалам. Пыртам.

— Эн кесйөдлы, — щөтысис Оньө.

— Тэнэ нө мыйла ытисны? Отсасны. Лок, лок, петалам, — вув-
зыысис сы вылэ нывбаба. Мөдыс весиг йөжгыльтчыштис, и медым
водзэ не кывзыны видчөмсө, первойөн и петис. Сандра броткөд-
читгыр вөтчис сы бөрся.

— Ваньэ, шойччышт, — өшиньялань матыстчөм да ывла вылэ
кыйкнитлөм бөрын шуис Коля.

— Бара петис, — син пөвсө восьтис Китай Вань. — Оньөыс нө
тшотш жэ?

— Петис. Водзыылас кывзысысь пон моз тирликтис.

— Мый морла? — пуксис мөдыс да казяліс өшөдөм вольпасьсө.
— Тайэ нө мый? Дзик миянлөн кодь вольпасысь.

— Тян и эм да. Сандраыд вайис.

— Мый морла нө сійө выль вольпасьсө кыскалэ?

— Тэ вөсна төждысьсө. Мед пө покони́к мортлы небыдджык
кайнысө вөлі. Тэнэ сы вылэ водгөдам. Ме вылад пукся, и катөдам,
— өшиньэ кыйкъялігмоз сераліс Коля. — Бөр вод, Пырөны.

— Аددзылін, кызди Кирэ Оньөыс вылын камандуйтө, — водөм
бөрас броткөдчис Иван. — Быттьө верос нин сылы. Со весиг мый
морла кө ывла вылас отлаын петисны.

— Ланьт. Пырөны.

Сандра да Кирэ Оньэ таджьясьөмөн пыртисны ыджыдысь-ыджыд
чоботан. Код төдас кутшөм зимөгорлы татшөмсө вөчлөмаөсь. Став
овмөсыд бура төрас сы пытшкө. Пыртисны джодж шөрөдзис.

— Менэ тшотш уджөдан, — пыр на броткөдчис Кирэ Оньө.

— Эн няргы, — вомаліс Коля да шыасис Сандра дорэ. — Ме
тшук кежлэ петавны жэ көсья. А то покони́ксө өтнассө кольны эг
лысьт да асывбыд на терпиті.

— Петав, — эз паныд ло нывбаба.

Коля нөшта өтчыдысь зумыша видзөдліс Оньө вылэ да тэрыба
петис. Ёна, тыдалэ, топөдөма. Повзёмысла ли мый.

— А тэ эн кын мыр моз сулав, — уськөдчис Оньө вылэ Сандра.
— Кадыс торьясө абу жэ. На!

Сандра кыськэ кыкис чоботан ключсө да чургөдіс мужичөйлы.
Мөдыс кыв шутөг босьтис да кутис видавны сетөмторсө.

— Мый нө колэ вөчны?

— Быттьө первойысь на аддзөмыд. Суй. Мый сэссия тайөн
вөчлөны.

Кирэ Оньэ ключсө босьтчис суйны чоботан розяс. Но некызди эз
пыр. Ружтгитгыр то өти ногөн босьтчылас, то мөд ногөн. Оз артмы и
ставыс. Сьоласьө и пөлясьө, ымзэ и ружтө.

— Оз пыр да.

— Верстыё мужик шусян. Оз пыр пö. Тэ лöсьыда, тэрмасътö суй, — сы весьтö копыртчöмөн велöдiс Сандра.

— Оз тöр да, — чöвтiс Öньö.

— Тэ легöдыштöмөн. Суй нин. Кадыс абу.

— Отсышт ачыд. Тэнад öд.

Налөн сёрнитгөн да нокситгөн Китай Вань весиг вөрзбöдчыштiс, бур, мый джодж шöрын мошкоритчысыяс сылы мышкөн вöлины. Сэсса юрсö лэптыштöмөн видлiс видзöддыны, но эз лысыт да бөр зэв öдйö лэдзис юрсö, лöсьöдiс пызан пöv вылас.

— Нинöм вылö тэнад сямыд абу, — скöра ропкöдчис Сандра. — Эн, мися, тэрмась.

— Оз пыр да. Дзескыд.

— Мед абу дзескыд. Быд пöрийö на пырлiс да. Ваньöлөн тай вöли зэв öдйö артмывлö.

— Сылөн, гашкö, и артмö. Менам тай оз-а.

— Тадзи кымын и суй. Легöдыштöмөн, мися.

Коля ассыс могсö вель дыр вöчöм бöрын убöлитiс жö бөр пырны. Пыригмозыс юалiс ноксысысыслыс:

— Оз артмы али мый?

— Та помысь. Весиг та вылö сямыс абу. Нöшта öд гач пасьталöма. Кыскы, Öньö, ачым суйа.

Ноксьöны, а чоботаныс некыдзи оз воссы. Мый вöччис та дырйи Китай Вань вежöрын да сьöлöмын — код тöдас.

— Гашкö, ме видла? Öньö кö оз сяммы, — отсавны лöсьöдчис Коля.

— Мун. Тэ помысь, — öвтыштчис Сандра. — Час ме петала. Кутшöмкö көртөн песовтыштам дай.

Сандра петiс. Мужикьяс сылөн вошöм бöрын эз жö кутны ноксынысö. Кирö Öньö воськовтiс öдзöслань.

— Оз öд сылы нинöм сюр. Машинасыс кутшöмкö часть нешыштас нöшта.

— Петав, видзöдлы ачыд, — велöдiс Коля. Көть эськö мöдыс сы могысь нин и петö вöли да.

— Шойччышт, Ваньö, петiсны, — шоперлөн мыш саймовтчöм бöрын жалитыштiс зимöгоритан ёртсö Коля.

Иванлы мöдысь тшöктöм эз ков. Пöсь из вылысь быттьö чеччыштiс. Уськöдчис джодж шöрланьыс да кутiс гөгöрбок видзöдавны.

— Мый нö танi Сандраыс да Кирö Öньöыс вöчöны вöли?

— Эг адззыв. Ме öд ывла вылö котöртлi.

— Мыйкö зэв ёна гримöдчисны. Кашкигтырйи. Сандра, кылö, мыйкö легöдöмөн суйны тшöктiс.

— Сöмын найöс син увсыд лэдзлы... — гөгöрвоис, мый думыштöма Ваньö, да вашмунiс Коля. — Ме, йöйыд, петалi жö дай. Ме дырйи, колöкö, эз лысытны эськö...

— Ёнакодь ымзiс Öньöыс. Час ме петала да налысь ачым юала.

— Эн, — петысь Китай Ваньлы сояс кутчысис Коля. — Найö со тайö чоботансö вöли восьтöны. Тэ йöйыдла верман и петны. Тэ нö мый чайтiн?

— Нинöм эг, — сьмиритчис Вань. — Мун, сувтлы öшинь дорас. Кыйöдчышт.

— Мыйла? — мунигмозыс нин юалiс Коля.

— Көнöсь найö?

— Кабинааас тай юръясныс тыдалöны-а, — видзöдлöм бöрын вочавидзис Коля.

Китай Вань копыртчылис чоботан дорас. Мыйкö зэв öдйö нокыштiс. Чоботаныс воссис. Эз кут весиг видзöдавны, мый лöдöмаось пытшкас, бөр локтiс пызан дорас да водiс. Тыдалö, куйлынысö абу на дышбöдма.

— Нöшта жугöдасны чоботансö, — сöмын броткöдчыштiс сийö лöсьыдджыка павкнитчигмозыс.

Киас көрт торйөн пырис Кирö Öньö. Китай Вань öдзöс шыяс на

зэв öдйö кунис сингыссö. Öнi эз лысыт восьтынысö.

— Oz ков. Китай Вань восьтiс нин, — öлöдiс чоботан дорö копыртчысь шоперöс Коля. Сэссия шыасис куйлысь дорö: — Ваньö, эз на Сандраыд пыр. Мыйкö машина дорас на сийö ноксьö.

— Мый нö чоботанас вайинныд? — пуксигмозыс жö босытчис юасыны Иван Кирö пылысь.

— Костюм тай аддзылi-а. Мед пö оз кöтась. Сэссия мый нöшта пуктiс — ог и тöд. Дерт, кöнкö, паськöм.

— Улыс гач да мый да... — вашмунiс Коля.

— Мый морла нö костюмсö вайöма? Кытысь? Менам öд некутшöм костюм абу.

— Тэнö пасьтöдны, — бара суйсис Коля.

— Сандраыд войбыд суседьясыдлысь сьöм уджалöма. Асьядорыс лавкасö мырдөн восьтöдiс и... — вочавидзис Иванлөн юалöм вылö Öньö.

— Кутшöм сьöм? Мыйла лавкасö восьтöдiс?

— Нöшта öд юасьö. Кутшöм сьöм пö? Тэнö гуавны, выль костюмөн.

— Эн шогсьы, Ваньö. Öнi кутан шнич выль костюмөн сиктöд тапикасьны. Эн кö кувлы, колöкö, öнiя донгысөн нэмсö выль костюмтö эн аддзыв. А öнi...

— Мыйла нин нö ветлö-удждысьö, — сылань весиг эз бергöдчыв Китай Вань. — Меным жö öд бöрас ковмас вештысьнысö.

— Ловйөн кö быттö колян... — водзö тшетшкис Коля. Первой нырас повзылыс сийö, а öнi ставыс разалöма. Сöмын серамыс петö, да окота лои Иван вылын нöшта неуна лёксö песьштны. Татшöм налькйö суйöмысь. — Со, Сандраыд пырö. Вод.

— Мышкöй нин куйлöмысла дубавны кутiс, — няргыштiс Вань, но водны öдйö водiс. — Вöрзыштны оз позы ни...

Сандра пыригмозыс казялiс, мый чоботан вевтыс калькнитчöма.

— Восьтiнныд жö. Томансö, кöнкö, ёна жугöдiнныд.

— Эгö, — нурбыльтiс Коля.

— Дыр на кутанныд кимöститчыны? — другөн Коля вылö скöрмис мыйыськö Кирö Öньö. — Вай тэрмасьштöй. Абу öд песьтак танi.

— Мыйта ковмас, сы дыра и овны кутам. Эн чепсась.

— Да, да. Мыйта ковмас, сы дыра и виччысян, — сюртчис сёрниас и Сандра.

Кирö Öньö сөся видзöдлiс сы вылö. Весиг юрас вирдыштлис мöвп, мый сёрнитчöмаось кö нин Китай Вань гозьяыс-а. Öтвылысь ставнысö ййöтöдлöны. Весиг вомгорулас броткыны тайö дум вöснаыс кутiс. Таысь Сандрасянь бара на сюри.

— Мый нö сэни ныр улад назган? Нинöм ог велав.

— Шойччышт, шуа, — скöракодь бара чöвтiс шоперлы Коля. — И быдлаö ныртö эн суй, а то... топöдасны.

Сандра босытчис кыскавны чоботанас сöвтöм кöлуйсö. Мыйыс сöмын сэни эз вöв.

— Няйт дөрöм-гачнас öд ог катöдöй! Мыськалам на, гашкö, покониксö танi-а. Тянлы, мужикъяслы, ковмас мыськавнысö.

— Мыськалам, дерт, — муртса гораа эз серöкты Коля.

— Менö сэссия дугды кесйöдлынысö-а, — тöдчöдiс Кирö Öньö.

— Тэ нэмсö татшöм вöлiн, — ропкöдчыштiс сы вылö Сандра да шага видзöдлiс верöс вылас. — Со öд маетаыс на мыйта. Зэв лючкиладөн олим да окота жö морт ногөн гуавны. Ванюкöй öд эз вöв кулитана. Некор шум-зык миян керкаысь эз кывлы ни...

— Бура, шуан, олинныд, — вом пельöснас вашмунлис Коля.

— Бура. Зык ни шум, шуа тай, миян костын некор эз вöвлы. Эт мукöд гозья моз быд нинöм абусыс пурсылöй.

— Кодi нö эськö тянын век горзö? — водзö дэльöдiгмоз юасис Коля.

— Некод эз горзыв. Гашкө, радиоыс кылө. Зэв гораа век восьтам да, — эз казав сылысь шмоньсө да зэв збыльсы шуалис Сандра. Сійө матыстчис верөс дорас да шлюпкиштіс на весиг. — Но, Ванюк, вай пасытасям да сэсся гортө модөдчам. Бөръяысь тайө вөлөксө вуджан.

— Бур паськөмсө өд он жө кышав? — эз вермы кутчысьны да бара суйсис Кирө Өньө.

— Аслыд вылө кольны көсьян али мый? — Китай Ваньлы моз шуис Коля. Сөмын поліс жө, мый вывті дэльбөдөмсьыс сійө вермас ёрччыштны. Но модыслөн весиг чужөм кучикыс эз вөрзыйшт. — Выльсө, дерт, пасьтөдам. Мыйла нө огөй?

— Няйтыс кузолөдзис резө да.

— Лёк паськөмнас ог катөдөй. Сөмын выльнас, — паныд сувтіс Коля.

— Коля өд няйтөн резөмсьыс сійөс вевтгышталас, — петан туйсө аддзис Сандра.

— Сэсся нө мыськавны өні ковмас? Ваньөсө, шуа? — дөжныштіс Коля.

— Ог моралөй! — пыр жө паныд сувтіс Кирө Өньө.

— Тэнсьыд эськө ог и юав. Мый тшөкта, сійөс и ковмас вөчнытө. Тэнө меным отсөг вылө ыстисны, — вомалис Сандра. — Но тани, видзөда да, некытөн паськөдчынысө. Ме эськө майтөг да ки чышкөд и быдөн сьорысь вайи да. Гортын нин...

— Мыськөм бөрас майтөг торйыс кө кольө — эн шыбит.

— Мыйла? — окота лои төдны Кирө пилы.

— Поконикөс мыськан майтөгсө пө тышкасьны радейтысь мортлы сетөны, мед пө сэсся киясыс косясьнысө оз кут лудны.

— Кодлы нө көсьяныд сетнысө? — төдавны окота лои Сандралы.

— Некодлы ог. Гортад видз. Згөдитчас, — Коля зілис не нюмдыны. — Ваньөтө кө өд, Сандра, мыськавны кутам, тэныд, баба мортлы, петавны ковмас.

— Мыйла, — эз гөгөрво модыс. — Ме өд сійөс гуг и бан төда. Ваньөыс өд меным абу бөкөвөй.

— Мужикөс пө нывбаба дырйи оз пасьтөдлыны.

— Гашкө и, сідзи да. Тэ өд төдысь рөдысь петөм морт.

— Өтнад, сідзкө, и пасьтөд, — ропкөдчыны бара телепит лои Өньөлы.

— Тэ нө бара кутін?.. — торкис сійөс нывбаба. — Петавла, сідзкө. Кильчө вылас пукушта. Сөмын бура пасьтөдөй. Сылөн өд ки-кокыс көдзыд да оз куснясь. Быттьө эськө өнтай видлі да эз сэтшөм көдзыд кажитчы. Абу на вирыс, тыдалө, удитөма дзикөдз кынмыны.

— Абу на, — мед сөмын бара эз видлы Китай Ваньлысь кикөксө, өдйө шуыштіс Коля.

Сандра видзөдліс куйлысь верөс вылас. Синъясас вирдыштісны кутшөмкө мөвгъяс, и найө тырины синваөн. Нывбаба тэрмасьтөг бергөдчис да петіс.

— Ті нө, сюра сөтанаяс, дыр на кутанныд дурны? Помыс эз кут воны, — лёкысь нин кутіс ропкыны Кирө Өньө. Сылөн терпенньө мешөкыс, тыдалө, чукйөн жө кутіс тырны.

— Миянлы, думайтан, Ваньөыскөд ёна лөсьыд? Абу жө торъя нимкодь. Колөма жө первойсяныс висывавны веськыда. Видыштіс да эськө важөн нин помасис. Кывнад он на доймы. Ваньө, тырмас жмут-видзнытө. Пуксы.

— Дыр на ме тэнө ас дорын терпитны кута, — синсө восьтігмоз Кирө Өньө вылө вувзысис Китай Вань. — Оз нин кадыс воны. Эськө пужсө петкөдла да!

— Мый нө тэ ме вылө синъястө сувтөдөмөн пыр на катгысин? — весиг вешйыштіс ярмөм Вань дорысь шопер.

— Ачыд төдан, мыйысь. Нинөм абусыс тон ог кут. Эм мыйысь.

— Ваньө, лөнышт вай. А то кыв-ворыд дыр сёрниттөгыд вос-

сьома, — ырыштчыліс сылань Коля. — Бӱрас кызкӱ-мыйкӱ сёр-нитанныд.

— Бӱрас, дерт. Сёрниным лоӱ чорыд, — рамджыка нин шуис Китай Вань. — Мый нӱ, пасьтӱдны менӱ Сандраыс тшӱктис али мый нин?

— Нинӱм абусыс ме вылӱ катгысыӱм дорсыд, бурджык, ас йывсыд мӱвпышт, кызди ловзынысӱ бӱр кутан, — ассыс долис Кирӱ Ӗньӱ.

— Ловзяс, — эскӱдӱс Коля. — Талун ӱд сылӱн чужан лун.

— Збыльысь? — эз эскы Ӗньӱ.

— Збыльысь, дерт, — дзикӱдз раммис Ваньӱ. — Ветымын вит во сайын менам вӱльнӱй сьвет вылас мыгчыссылӱма.

— Ӗнӱ мӱд пӱв мыгчысян дай.

— Дзик тай тэ йӱй, — кӱритны босьгчис верстьӱ мужикӱс шопер. — Нимлунтӱ тадзи пасьян. Пызан шӱрын куйлӱмӱн.

— Ваньӱ, гашкӱ, збыльысь Сандраыдлы висьталам да? Чужан лун радыд прӱститас.

— Мед оз, — пыксис Китай Вань. — Сийӱ весиг менсьым чужан лунӱс оз помнит.

— Оз, тӱдӱмысь, — сы дор сувтис Ӗньӱ. — Эз тай весиг кывйӱн гарышт-а.

— Висьталам вай Сандраыдлы, — ассыс долис Коля.

— Вай бара эн! — повзис Вань. — Сийӱ ӱд менӱ вильӱдас.

— Пӱрысыда яйыд чорыд нин, — дэльӱдыштис Кирӱ Ӗньӱ. — Вильӱднысӱ тэӱ сьӱкыд лоӱ да бӱр сьӱлыштас.

— Томыс аддзысьӱма! — пыр жӱ и ӱзйис мӱдыс. — Посйысьӱ сэнӱ... Часлы...

— Ланьт, мися. Гашкӱ, висьтасям? — век на корис Коля.

— Вай ог на. Бӱрынджык кӱ неуна, буди-а...

— Но, сӱдзкӱ, пасьтась.

— Колӱкӱ, виччысьӱ, кор ми сийӱс пасьтӱдны кутам да. Кажитчис мортыслы блажитнысӱ, — водзӱс мынтис шуасьӱмсыс Ӗньӱ.

— Тэтӱг нин кызкӱ... Ачым пасьтася. А то костюмсӱ чукрӱдланьд.

Китай Вань тэрмасьтӱг босьгчис пасьтасьны. Ставсӱ вылісьыс вежис. Сулаліс керка шӱрын дзик виль мортӱн.

— Тэнлы кодьӱс и ньӱбӱма, — ошкыштис Коля. — Тадзнад позьӱ сесся и чужан лунтӱ пасйыны пуксьывны.

— Ӗнӱ тэӱ кӱть выльысь гӱтрав, — серамыс петис и шоперлӱн. — Сэсса эн и пӱрчывыв костюмтӱ. Тайӱн и ветлӱдлы.

— Тэ вомтӱ эн паськӱдлы. Эн менсьым выльысь гӱтрасьӱмӱс кыйӱд. Ышты кутшӱм! Сандралысь прӱстмӱм виччысьӱ.

— Колантор кодлыкӱ тэнад Сандраыд!

— Дугдӱй! — ковмис сьуйсыны Колялы. — Збыльысь ӱд, Ваньӱ, лӱсялӱ тэныд костюмыс.

— Сандра тӱдмалас да костюмсӱ кучиккӱд тшӱтш куляс, — пуксис пызан вылас Китай Вань. — Ойя да ойя жӱ эськӱ да...

Китай Вань эз удит весиг водны, кызди ӱдзӱсыс воссис да пырис Сандра.

— Мый нӱ сы дыра кутӱнныд ноксыны! Быдса час нин коли, а он чукустӱй...

Танӱ сийӱ джӱмдӱс. Синьясыс нывбабалӱн босьгчисны паськавны и паськавны, лӱбӱбьясыс сырмисны, чужӱмыс быгаліс. Вомсӱ калькнитис, кӱсйис мыйкӱ шуны, но гӱлӱсыс некызди эз письт. Медбӱрын чилӱстӱмӱн артмис жӱ:

— Ваньӱ! Тэ нӱ мый?!

— Мый нӱ горзан? — сӱмын и артмис Китай Ваньлӱн.

Коля вешйыштис Китай Вань дорысь. Сандраыс кӱ уськӱдчас, то вермас и сылы инмыны. Видзӱдліс кывтӱм пемӱс моз пукалысь Вань вылӱ:

— Му-уртса сьӱ-ӱлӱм э-эз по-от. Босьгчим пасьтӱдны, гачӱдӱм,

пинджак соссё суюйгөн друг синсё восьтис. Ме муртса ошиньёдыс эг чечышт.

— Мый нё тайё? — Кирё Ёньёлысь нин юасис Сандра.

Мёдыс чёв олыштис. Но мужик вирыс вермис. Дорйыштис жё лэчкё шедёмаясёс:

— Збыль, пасьтёдигас ловзис. Ме ачым муртса эг весьёпөр.

— Ловзи, ловзи. Пасьтёдигас, — көк моз гоньялис став вылас Китай Вань, быттё важён нин некодос абу аддзылёма.

Сандра уськёдчис сы дорё. Ваньё зэв ёдйё сувтис кок йылас да корсис синьяснас, кытчё уйкнитны. Но Сандра тай кыдзи топёдис сывьясас. Кутлё и окалё, окалё и кутлё.

— Ванюк! Сё зёлотаёй! Збыльысь ловъя али мый?!

— Ловзи... Ловъя... — долис верёсыс нинём гёгөрвотёг.

Гётырыс лэдзис сийёс моздорсьыс да кутис видлавны киясё и кохьясё.

— Мый нё, донаёй, тэкёд лоис? Мый нё тэ, Ванюкёй, некор асьтё он видз.

— Сюръя йывсяныс уси, — чепёсийс Китай Ваньлён вомысь. Сийё видзёдлис Коля вылё, көсийс тёмавны, тадзи-ё колё висьтавыны. Мёдыс синьяснас петкёдлис, мый поэё пё и тадзи. — А эсийё, йёй Коляыс, кулёмён чайтёма да татчё кыскёма. Садьёс, тыдалё, зэв топыда воштыльёма. Нинём тай эг кывлы ни эг аддзыв-а.

— Весиг он лолав вёли да. Ме сёлём тпкөмтё и быдён кывзи. Оз вёли нинём кыв, — сы ногён жё босьтчис сынны Коля.

— Ванюк, а кок йылад сулавны верман? — юасё Сандра.

Иван зэв ёдйё пуксис улёс вылё да босьтчис ойзыны. Сэсся лёгёдыштис кокнас.

— Ог. Оз весиг вөр со некыти. Ставыс лыжалёма. Быттё нинём абу аслам. Ог со вермы дзик нинём вёчнысё.

— Кыдз нё он вермы вёрны? — шензьыштис Кирё Ёньё.

— Вермё кө ёд — вёрёдё, — зэв ёдйё суйсис Коля. — Ваньё, гашкё, чегьясис кыткё ёна да?

— Ог тёд. Вермис и чегьясьны. Кийё ни кокёй, видзётгё, оз уджав.

— Сидзкё, эн и сувт, — жалитыштис верёссё Сандра. — Куйлы, он кө вермы. Вод вольпасяд да.

Сийё мырдысьён босьтис кияс вылас Ваньёс, кокниа нуис крё-васьтёдзыс да водтёдис.

— Куйлы, Ванюк. Ми тэнё сэсся машинаёдзыс петкёдам. Гортын пывсян ок ёна дубитам-ломтам. Веськёдчысьёс корам. Корёсялам, зыралам гёгөрбок. Бурдан ёдйё.

— Сэсся нэм чёж али мый сийёс ки вылын кыскавыны? Зэв тай... — броткыштис Ёньё.

— Тэ нё мый? Миянё овны али мый локтан? Ки вылын менё новлёд-лынысё? — сёдзёдис пинь пырыс Вань.

— Тэныд коскад оз на кочки. Машина кузолёдзыс петкёдигён, — шоперёс вомалис Сандра.

— Оз, дерт, — скёрысь жё топёдис вьвти ышнясьны кутысь Кирё Ёньёос Коля.

— Оз эськё да, — Колялысь кокни русё тёд вылас кутёмён торъя паныдсё эз лысьт мунны шопер. — Мый нин сэсся тпнкёд вёчан.

— Ме тайёс петкёда да кузолас вольсала, — вольпасьсё моздорас топёдис Сандра. — Небыдджык лоё муннысё. А тэ, Ёньё, эн ёдйё тёвзы-мун. Он ёд пес катёд — драглёй мортёс.

— Тёвзян, дерт, татшём няйт туйнад! Ог кө сибдёй, то зэв ыджыд аттьё шуёй.

Сандра петём бёрын мужикьяс кокниа ышловзисны. Сёмын тай Кирё Ёньё броткёдчыны кутис-а:

— Тьпу! Грекё тпнкёд вёян! Тэ, Коля, кыдз кужан, а ме ас

пайысь Китай Ваньсö кыскавны ог кут. Абу öд кикимера, быд йöйталысьöс ки вылын кыскавны.

— Ме öд öтнамöнтö ог вермы, — венö пырис мöдыс.

— Тэ, Öнью, эн ёнасö тшöкöлдывайт! Тэ ме водзын нэм кeжлö мыжмин!

— Мыйысь нö мыжми? — эз гөгөрво Ваньсö шопер.

— Эн йöй туйö менö видз. Кывсис öд. Нуанныд ки выланьд. Ме, ас пайысь, сэсса ог вөрзёдчыв-а. Кок вылö кö сувта, Сандра пыр жö и казялас. Сэки меным не овны.

— Тэ нö, Иван, мый ме вылö пыр на катгысин? Ыршасян нинöм абусыс.

Китай Вань кöсийс нин топöдны сийс Сандраыскöд гусьон му-сукасöмысь, но гöтырыс слöймис пырны. Ковмис зэв öдийö коньöр чужöм вöчны.

— Мый нö, Ванюк, кельдöдін? Лёк лои али мый?

— Ой! Ой! — уськöдчис крöватьö Ваньö. — Кутшöма юрö кло-нöбтис.

— Ванюк, гашкö, пельшерс чукöстны да?

— Оз ков, вай öдийджык нин гортö нуй. Сэни, колöкö, кок-ныбдджык лоас, — ымзигтыр велöдис висысь.

— Друг да туй костас нöшта лёкджык лоас, — тöждысис сы вöсна гöтырыс. — Чужöмыд со син водзын вежсис. Гутöдöм пув туис кодь гöрд лоис.

— Оз. Оз лёк ло, — сьöкыдапырысь пуксис Китай Вань. — Вай, мужикъяс, петкöдй нин менö öдийджык. Каям сэсса.

— Петкöда, — кутчысис сы бердö Коля. — Сьöкыд жö эськö тэ да.

— Ванюк, кокöдыд кö босьтам — оз ёна доймы? — верс дорас матыстчис и Сандра.

— Кылö эськö дойыс, но терпита нин. Гырк пытшкöй, тыдалö, ёна вөрзёма.

— А тэ мый сулалан корысь моз? — Кирö Öнью вылö горöдис нывбаба. — Тэнö кытчö нарадитисны? Ваньöла!

— Эн сэни мыр моз сулав, отсав, — корис и Коля.

— Дыш эськö да, — броткис мöдыс.

— Босьт, колöкö, эн грекö вöйт! — чорыда нин шуис Сандра.

Кирö Öнью да Коля босьтисны Китай Ваньсö да кутисны петкöдны керкасыс водзлань кокъясөн. Тайс казялём бöрын на вылö кутш моз уськöдчис Сандра:

— Мый нö тi водзлань кокөн нуанны! Он öд поконикöс петкöдй!

Ковмис бергöдчыны да бура петкöдны. Сьöкыдапырысь кыпö-дисны кузолас. Коля пыралис да кöлуйсö петкöдис. Кирö Öнью кабинаас мыйкö ноксис. Моторыс эргыштас и бөр ланьтö.

— Мый нö он вөрзёдчы? — юалис Коля.

— Оз со заводитчы да, лёк туйсö вуджигас, тыдалö, моторыс мыйкö лома. Ачым ог тöд, мый?

— Век тэнад мыйкö лома! Медся колана кадас машинаыд дудöма! — ропкöдчис Сандра.

— Сэсса нö дыр на виччысьны тэнö? — кузовсян гөлс сетис Китай Вань.

— Вöчны колö. Код тöдас, мыйта кад мунас. Видзöдла, гашкö, абу ёна жугалöма.

— Ванюк, тэныд öд, кöнкö, вель лёк, — верс вöснаыс майшасис Сандра.

— Гырк пытшкöй сотчöмөн сотчö.

— Со öд шогыд на кутшöм! Ог жö кутöй лунтыр тани вишкыны, кор тайö мөмөтыс машинасö вöчас. Висысь мортыскöд. Подөн петны ковмас.

— Подөн? А Ваньсö нö кытчö колям? — кельдöдис Коля.

— Сійос од ог жө кольёй. Аскөд катөдам. Тэныд, мужик мортлы, ковмас сьывъяд босьтөмөн нуны.

— Ас вылын од ог жө кут? — дзикөдз шемөсмис Коля. — Туйыс од кок чөрийөдзыд нйит. Откөннас муннытө он вермы-а.

— Эн гөвчит! Катөдан и ставыс! — эз кут бара шогсьыны Сандра. — Босьт сьывъяд. Ме час керка пытшсө синмөн кытшовта. Эз-ө Ваньөлөн кутшөмкө көлуй коль.

— Збыль мөй машинаыд жугалис? — Сандра пырөм бөрын Оньөлысь юасис Коля.

— Эз эськө да.

— Мый нө сэсса сэни ышнясян.

— Верст вит Ваньөсө сьывъяд кыскан да сэки и суөда, — чөвтис Кирө Оньө.

— Дугды, колөкө!

— Дум абу.

— Сандраыслы од удта.

— Удты. Ме висьтала жө, мый ти ылөдлинныд.

— Висьтав.

— Эн бара-й, — кузовсянъ юрсө өшөдөмөн кевмысис Китай Вань. — Коля, нуышт менө неуна. Сикт кузяыс көть нин. Кытчөдз Сандра оз саяв. Сийө од машинасө виччысьны жө кольччас-а.

— Нуышта. Неунатө, — эз кут пыксьыны Коля. — Сөмын рытнас мед вөлі кык доз пуктөма. Тэнад ловзьөм вөсна.

— Ньөба, ньөба. Сөмын нуышт.

Коля мыйкө көсийс на шуны, но петис Сандра. Киас кутис ыджыд нень көртөдсө:

— Тайө нө коддөн?! Ваньө вольпась улысь тай аддзи-а! Ваньө, коддөн?

Китай Вань йөжгыльтчис. Кирө Оньө гылыда серөктис. Коля уськөдчис Сандралань:

— Менам тайө, менам. Ме вайи өтилаысь.

— Тэнад кө нө, кызди Ваньөлөн вольпась улас веськалис?

— Менам суйсьөма. Сорси да, — кызд вермис, мездысис Коля.

— На, сідзкө. Сет кодыкө, — шыбитис чужөмас дөра торсө Сандра.

Коля өдйө босьтис да саймовтис питшөгас.

— Ти нө век на танөсь!? Мортыс со кельдөдны кутөма. Кольө, босьт Ваньөсө...

Кирө Оньө васьгялгытыр тай отсалис жө лэчөдны Китай Ваньсө-а. Коля босьтис сийос сьывьяс.

— Сьөкыд жө вөлөмыд, Ваньө.

— Ог эськө торъя ёна сөй да, — мыжапырысь дорйысьыштис мөдыс.

— Ковмас нуыштны, — вөрзөдчис Коля.

— Ванюк, абу зөркыд? — дөжныштис Сандра.

— Абу торъясө.

— Мед лөсьыда вөлі нуөма. Эн уськөд! Ме од орччөн лоа.

— Кызди орччөн? — Коля весиг сувтыштис. — Он мөй машина дорас виччысь вөчөмсө?

— Ог. Вай мун нин. Кутін сэни дудөм вөв моз легны.

— Ме вөча да суөда, артмас кө быттьө, — долыда шуалис Кирө Оньө. — Бура кайөй.

Сиктсаяс казаялісны мунысьясөс да сувтөмөн видзөдісны, кутшөм коньорөс нин сьывьяс нуоны. Кодсюрө весиг юасьны босьтчылісны. Но регыд өвсьылісны Сандралөн пинясьөмысь.

— Быд сөтанаясылы би ковмөма! Тян вөсна со верөсөй драглөй лои!

Сиктыс важөн нин саяліс. Коля дзумльыв пөсяліс, Китай Вань синьяссө куньөмөн өшаліс сылөн мыш вылын. Сандра броткөдчис ньөжйөджык вөсьлалысь Коля вылө да лойис нййтсө водзвылас.

— Верст сизим бөрын кымын Кирё Онё збылысь суёдіс найёс. Вель дыр кавшасисны кузолё. Китай Ванёс водгөдісны вольпасьё. Сандра эз жё кабинаас пуксьы. Коляёс сэтчө эз лэдз и. Кутан пö лёк местаясас Ванёос ас бердад жмитыштлыны.

Вель дыр ковмис лёк туй кузяды кыссыны. Со и Вöрыбыс мыч-чысис. Керкаыс Ванёяслөн ылісянь тыдалё, кыр йылö лэптылöма. Казялісны, мый сэтчө йöз чукöртчöмаось. Китай Вань весиг нöшта ичöтджык лои. Купайка пиас дзикöдз пырис. Коля көсийс нин кузовсьыс чеччыштны, но поліс жö. Пукаліс да Китай Вань моз эз лысьт водзöсö видзöдлыны. Со нин тыдовтчисны челядыс, сулалöны, синвасö чышкалöны. Суседъясыс унаөн тшöтш жö вазьом синъясаось. Поконикöс вайём виччысьöны. Китай Ваньлөн голяас кыпöдчис кутшöмкö ёкмыль, эз вермы кутчысьнысö да горöдіс:

— Ловья ме! Ловья!

— Челядь! Ловья батыны! Ловья! — тшöтш горöдіс Сандра.

Машина сувтис йöз весьтö. Öтувийөн лэччöдісны кузолысь Китай Ванёс, и сійöс пыр жö босьтчисны кутлыны челядыс.

Суседъясыс эз на разöдчыны. Кывзисны Сандралысь висьтасьöмсö. А Кирё Онё весиг кабинасьыс эз петав. Китай Вань топöдіс морöс бердас став челядсьö торйөн. Йöзыс видзöдісны тайö серпас вылас, чуймалісны, но эз серавны. Серамыс лоас неуна бöрынджык...



Ме олём йылысь гижны көси...

Вотім жö тай, вотім пелысьсö,
 Быд тусь — вир тусь, биён чусалысь.
 Öктім арсö, зрті келысьсö,
 Быттö сьölөм бисö мусалысь.

Öктім жö тай биа войтъяссö:
 Лысытім небыд коръя вöраысь.
 Чайтім юмовъясөн мойдыассö,
 Сöмын найö... курдов көраось.

* * *

Ягас варов йөлöгаыс семдöма...
 Гашкö, юис лысвасö да код?
 Сöстөм серам-нюмыс тайкö пемдöма,
 Сералö-ö-бөрдö, төдас код.

Ньöжйö воö ар, а гожöм томнасьö,
 Вичкоын моз вöрын лөнъ да чöv.
 Йөлöгалөн кадыс эштö-помасьö,
 Личкö сійöс муö арся төв.

Помавтөм на сёрни эськö вöзйö да,
 Артмö серам — ылöдчысь да куш...
 Мыйкö бөръяпомыс шуны көсийö да,
 Сöмын нинөм висътавны оз куж.

* * *

Мед зэрас помөдз да оз коблы,
 Мед пөтлас васьыс вөр и му.
 Дзор енэж вывтi ветлö-шодлö
 Скөр кымөръяслөн йөрмөм дзу.

И мыйкö вунөдлөмтор быттö,
 Пыр корсьö сьлөн муздöм лов.
 А гожöм ковтөмторйөн лыддьö,
 А сійö гожөмлы оз ков.

Пыр быттö корсьö воштөм лача
 И шöйтö помтөм вой да лун.
 А мед и корсьö, гашкö, аддзас,
 А мед на олас дай, оз мун.

* * *

Ме гижны кывбурöс эг вермы,
 Ме гижны кывбурöс эг куж.
 Ме ньöти овныліс эг тэрмась,
 И лолöс гьöраліс пуж.

Эг адзы нимсö сетны-шуны,
И вошис сійö — нимтöм пи.
А йöзлөн сьөлöмыс эз чунав:
Эз öйи найöс сотысь би.

Ме олөм йылысь гижны көсйи,
А менам кывбурöй эз чуж.
Ме сійöс уна мортлы вöзйи,
Да некод босьтнысö эз куж.

* * *

А юас увлань юрөн — енэжыс...
И гыяса да, тирö дыр.
И гөн кодь кымөр-мөвпыс сэнi жö,
А сувтан — жугалö дзик пыр.

А сувтан — торъяс вылö разалö...
Мöд сэтшöм мичыс сюрас кысь?
Ме пола — дзикöдз бырö-пазалö,
И сувтны сы вылö ог лысьт.

* * *

Виччысигад кадыд кык пöв кузь:
Арся йи моз кынмö-измö öдыс.
Öти здукö во олан дай мöдöс.
Виччысян, а нöйтчысь лов оз узь.

Сöмын кадыс, быттö ньöжмьид вöt,
Вермытöм нин пöль моз öдва чотö.
Чусмöм бинас ньöжйö, ньöжйö сотö.
Мунлас коркö, кольлас-ö, он тöд.

Ветлытöм на кага — кыссьö нэм...
Тэрмöдлам, мед бöрас синва дзeбны.
Колöма тай кадыслы сiдз лэбны!
Томлун — сьөлөмшöрыд — көн и эм?


* * *

Ме ассьым сьөлөм коли бипур дорö,
Код паськöдыштö войлысь пемыдiн.
Став вошöм ловсö сійö кыскö-корö,
И менам сьөлөм аддзис сэтысь ин.

Ме ассьым сьөлөм сетi шöпкысь төвлы,
Код вашкöдiс мен мыйкö мелитор.
Ме шуи сылы: "Виччысьлы вай, чöвлы".
Но лэбис сійö, быттö арся кор.

Ме лэдзи ассьым сьөлөм руньгысь юас,
Мед аддзас сэтысь дой кылöдысь поз.
Мед тувсов ю моз сьөлөм ойдас-туас,
Мед ыдждас-чинас тувсов ытва моз.

Став сьөлөм-мөвпöс вөр-ваыслы сетi,
И ставыс лои муса, ставыс ас.
Көн менам лов — сэсь ачым чужи-петi,
Көн менам лов, сэн муслунöйлөн пас...



ПАШ ВАСЬ ОЛЬОКСАН

Выль керка

ВИСЪТ

Сьод ты помын, медся ляпкыдінас нин, Педөр Ваньлы быть лои чеччыны пыжсыс. Гожьмыс кос вöлі да ваыс прамöя усьöма, векныдык пыж бöжыс помся кутіс сибдавны-джöмдавны ты нюйтас, коть эськö Вань сувтіс да пелыс вылас мыджсьöмөн вель дыр на ружтіс-йöткасис вис вомлань. Сэсся дöзмис сөнсö зэвтны. Аддзö, мый весьшөрö пессьöм-мырсьöмыс лоö да. Клуна-клона пуктіс кык лопта пелыссö пыж пыдöсас, болкысис резина сапöга кокнас тыö. Водзöсö, сыв пасьта туруна вискöдз, коді йитіс Сьод тысö Эжва-юкöд, ботаньяса пыжсö ковмис ас бөрсяыс кыскыны. Посныдык гөгыльяса чеп йылын. Атшавмöныс лои, дөрöмыс гөгйöдзыс котасис.

Вис вомас Педөр Вань ыркöдчытис-лолыштис. Дырсö эз тапикасьсулав, здук-мöд сöмын. Гожьялöм плешсыс дөрöм соснас пöсьсö чышкис, кисö дэбыд ваас больöдыштис-мыськаліс, чужöмсö ыркöдіс-пожьяліс. Кык кокни лои. Пöсьсö да мудзсö ты ваыс быттö ас пытшкас йиджтіс-босьтіс, чунь костьясöдыс тюрöдіс-нуис.

Бівла вылын коть август тöлысь, а шондыс Иван лун дырйи моз пöжö. Водз асывнас тövзылыс эськö, торкис Педөр Ваньлысь кыйсьöмсö. Но öні дзикöдз лөнис, зарни рöма кыз пу корьяссö тövру оз вөрзöд. Енэжыс пыдöстöм, öти помсяныс мöдöдыс лöзсыс-лöz, кымөртор некөн абу. Майбыр, кутшöм лöсьыд татшöм здукьясас морöс вылад! Лөнь да шоньд. Тадзи эськö, шог тöдтөг да мичаа, став нэмтö овны!

Тöрыт Педөр Вань тöдса вискöдыс жö Эжвасянь тыас пырис. Кык ботан и босьталіс аскöдыс, да со тай, ведра чери на шедіс. Сёр рытöдз, сьölöм бурмымöныс, бурскис турунаиньяссö да бадьяиньяссö, а вой помсö нин ты бокас Педөр Миш керкаын суис. Водз асывнас бара на чöвтасьліс. Но регыд мысти тöv ныр кыпöдчис да вöтліс Ваньöс ты вылысь: ковмис лэптавны ботаньяссö. Гортас мöдöдчытöдз öшлыліс найöс кык майöг костö, тölöдіс-косьтіс. Öтнадлытö, бöжалысьтөгыд, зэв деливö тöла лунад черитö кыйны. Ветки пыжтö öтарö-мöдарö бергöдлö, ботаныд пысасьлö, гартчö, сэсся и сыныштны пыр колö, сё матьтö лэдзан-а. Аттö и ведра черисьыс. Сьод тыыслы муöдз копыр. Бара на номсасьыштны лои, юква вылö кельчи-ёкыш, солыштны мича чери вичмас и.

Кор Педөр Вань кыскысис вискöдыс Эжва дорöдз, лун шөр кад нин пуксис. Дыр мöжгыны ю бокин Вань эз нин кут, пуксис пыжас да пелыс помнас йöткыштчис лыа берегсьыс. Ва визулыс небыдїка сывйыштис-топöдіс аслас сывйö кокныдык пыжтö, муртсаөн и сюйис сук моль пöвстö да тэрмасьтөг мöдіс шлывгыны-кылöдны увлань. Эжва-юыс таті, шуйгала боктіыс, джуджыд, крут кыркötша, ваыс арся вой кодь пемыд. А веськыдладорыс мöдарö, кузь лыаа, ляпкыдик. Тöрыт Педөр Вань атшавмöныс катіс Сьод тыö пыран висöдз. Дөрöмыс

брѡд ва жѡ лолі, кѡть чечыв пыжсьыд да пыдзырт. Ваньылыдсѡ, дерт, кывтны сѣ майбыр. Эжваыс ачыс шывгѡ-нуѡ, кѡть эн сынышт. Бѡжав сѡмын, нырсѡ ѡтарѡ-мѡдарѡ бергѡдѡмыс кут.

Но Педѡр Вань абу велалѡма ва визувтѡ кывтны. Тшѡтш и олѡмас. Мукѡд моз кокни удж бѡрся некѡр эз вѡтлысьы. Чорыд-топыд этша, асныра да пыксьыс ээв. Кыдз шуласны, пурт ни чер оз мѡрччы. Мыйкѡ кѡ юрас пырас, мыйкѡ кѡ думыштлас-мѡвпыштас вѡчны, пыридзѡн морттѡ он бергышт. Сюра меж моз асьыс нырны кутас.

Ас вылас таыс эськѡ тшѡтш вирыс пузылѡ да. Но медся нин выль керка понда сѡлѡмыс доймѡ. Со кымынѡд во нин. Сѣки, керка местасѡ бѡрйигѡн, асныраліс жѡ, сѡмын вывѡтджык артмис-а. Мѡдарѡ шыбелитіс. Ѳні, кад кольѡм бѡрын, кор ставыс шыляліс, Педѡр Вань сѡкыда ышлоавлѡ, весит пиньнас герчкылѡ. А мый вѡчан? Олѡмтѡ бѡр он бергѡд, выльыс сійѡс он небѡс гарт. Киссьѡм ватѡ пѡ пожийн оз куравлыны. Тадзи и Педѡр Ваньлѡн артмис. Асныралѡмыд, вѡлѡм, бедь кодь жѡ. Кык пома. Шулѡмаѡсь тай важ йѡз: ышмы пѡ, да садьтѡ тѡд. Сідзи, сідзи, сѣ мокасът! Олѡмыд быдѡнѡс дорын узьыны велѡдас. Но ѡд сѣки Педѡр Вань чань кодь том вѡлі, вирыс визъяліс сѡнъясас, мунигас кокыс печласис. Ѳні, шуам, сійѡ кадас кѡ суныштлыны, дзик мѡд ног Вань вѡчис да, эз кут тѣрмасьны керка лѣптѡмнас. Мѡвпыштіс лючки-бура, сѡдз синмѡн видзѡдліс олѡм вылас да вѡлисти шуис бѡръя кывсѡ. Но эз тай сѣки тадзисѡ артмы... Вєськыда кѡ висьтавын, гѡтырыслѡн мамыс, Васька Пекла, вѡмѡналіс туйсѡ, гудыртіс Ваньлыс олѡм-вылѡмсѡ. Гѡтрасьѡм бѡрас том гѡзъя мѡвпыштісны лѡсьѡдны асьыныс поз — кыпѡдны выль керка. Он ѡд нѣмтѡ тьѡща борд улын бергав. Сійѡс быгтьѡ дзєскѡдан, сѣсся и асьыд деливѡ, кѡть рѡдвуж ордын, а йѡзын олѡм-вылѡм артмѡ. Маша гѡтырыслѡн мамыс, Васька Пекла, тешкодь морт вѡлі. Мыйкѡ кѡ он сы ног вѡч, петук моз юртѡ сангас-кокалас. Кор Педѡр Вань муртса на казытыштіс: вай пѡ выль керкасѡ лѣптам тѣнад йѡрѡ, прѡст муыс со мыйта, Васька Пекла кыккокийв сувтіс. Камѡдіс-клопѡдіс пызанѡ кос кинас: йѡрыс пѡ менам да кувсьылѡм верѡсѡйлѡн. И он лысът татчѡ ныртѡ суйны! Эз кут Педѡр Вань ськѡд зыксьыны, крапкис ѡдзѡнас да петіс. Пѡсьывывсьыд кайис сельсѡветѡ, керка места корны. Вѡзйисны дзик сикт помсьыс, пристань кыр йылысь. Пѡсьывывсьыд жѡ ѡвтыштіс кинас: босьта пѡ, кѡть кыгысь, сѡмын мед тьѡщагысь ылынджык вѡлі. Со и лои панны асьыс выль керкасѡ пристань дорын. Тѡвнас, дерт, тані шуштѡмкодь, йѡзсьыс бокрын быгтьѡ. Зато гѡжѡмнас лолыд сьылѡ. Паськыд ѡта Эжваыс пыр син водзад, лѡз парма шывкнитчѡма енѣж помѡдзыс, югыд шондї ворсѡдчѡ юр весьтад, вильыш тѡвру сьялкѡдчѡ юлѡн ванас...

Выль керка йылысь мѡвпьясѡн и оліс сѣки Педѡр Вань. Гѡтырыскѡд ветлісны местасѡ видзѡдлыны. Машѡыс нѡбасьѡ буретш вѡлі, Вань моз эз нимкодьясь. Дузгѡдчыліс на, бурджык места пѡ абу сюрѡма. Тѡвнас пѡ чизыр тѡв кутас шутьялавын, гѡгѡр толаяс шняпѡдас, пырны ни петны, а пескыд мыйта ковмас пачтѡ ломтыны! Сѡмын Педѡр Вань гѡтырыслысь пойгѡмсѡ эз кывзы. Паськыд плешнас пыкис: сикт помѡ пѡ сетісны керка местасѡ, сикт помас и кыпѡдас выль оланінсѡ. Асьыс керкасѡ, асьыс... Мед нин сѡлѡмыс бурмас тьѡщагыслѡн. Сійѡ кѡ асныралѡ, Педѡр Вань асныра жѡ. Мед кѡть олѡмыс летылѡ-пыркѡдывлѡ, а Ваньѡс, тыдалѡ, он нин веж. Кутшѡмѡн мамыс чужтыліс, сѣтшѡмѡн и кувсяс. Асныраѡн, изки кодь чорыдѡн. И ѡні со моль пѡвстын пєссьѡ, зильѡ мездьсьыны пыжѡ клонгысь керьясысь, пановтны найѡс, мича ва вылѡ петны.

Коркѡ-некоркѡ петіс — нетшыштчис ѡд моль чукѡрсьыс, мустѡм керьяссьыс бѡкѡджык вешйис, сѣсся вынѡн сыныштіс кык-ѡ-куимысь. Кокныдык пыжыд тѣрыба тьувгис увлань. Сѡмын пєлыс лоптас шондї югѡрьяс дзирдыштлісны.

Тѡлыс лѡнис-ланьтис да Эжва вылын ѡти гытор абу. Мотора пыж оз дзужгы-лок, ни катер-баржа оз жбуткы-кай. Шывгы-кывт, майбыр. Дзик ѡтнад ю вылас.

Педор Вань зэв радейтö татшöм здукьяссö, пыр виччысьö найöс. Небыдика сыныштö да сыныштö, телепит, кор чужан сиктыс син водзас сувтас. Джуджыд нöрыс йылын шывкнитчöма — тутвидзö. Регыд нин тыдовтчас, эсийö чукуль сайсьыс. Педор Ваньлөн весиг сьölöмыс тэрыбджыка кутис тiпкыны, нюмыс паськыда петис. Но чукуль сайысь сиктыс талун мыччысис виччысьтöг, көть эськö Вань быттö и дасьтысис тайö здук жежлас. А лои со кызди. Муртса жежлö и копыртлис юрсö, пыж пыдöссö видзöдлис, ваыс вель уна пырöма да, лэптис юрсö, а кыр йылын чужан сиктыс нин куткырвидзö. Еджыд вичко пу керкаяс кытшын сулалö. Сикт шөрö, медся мичаинö сийöс кыпöдлöмаöсь важ йöз. Быдласянь кирпичысь тэчöм вичко медводз синмад шыбитчö. Көть Куломдинсянь лэччы, көть карсянь кай, көть Эжва-ю кузя кывт-кат. Сулалö-зымвидзö сё сайö во нин. Быдторсö тайö каднас аддзылöма. Коркö ёна ковлöма йöзлы, öнi со джынвийö кисьтöм-пузувтöм, эндöм-эновтöм сулалö. Сельполысь склад сэнi лöсьöдiсны, курыд земля да тшай-сакар видзöны. Урöстöмаöсь дзикöдз вичко пытшкöссö, пыралан сэтчö да сьölöмыд топавлö. Кутшöм мича да кыпыд танi коркö вöвлöма! Уна рöма краскаиñ серпасавлöмаöсь Енъясöс, налысь чужöмбаньяссö. Важ шыпасьяс тыдыштöны васöд кирпичьяс вылас. Весиг оз эскыссьы, мый татшöм мичлун коркö вöвлöма на сиктын, мый уна во чöж вичко пытшкö воывлöмаöсь Ваньлөн пöч-пöльыс, налөн на мам-батыс. Ловшысь кутöмөн пыр-равлöмаöсь татчö — кодi сьölöмсö личöдыштны, кодi сись öзтыны-пуктыны кулём рöдвужлы, кодi юрбитыштны, корны Енлысь прöща либö шудлун, кодi чöла сулалыштны öткөн, мöвпыштлыны аския олём-вылём йылысь. И быдөн, дерт, петалис вичкоысь сöстөм сьölöмөн, быттö личавлис морöс пытшкыс сьöкыд дойысь, быттö лолавсис кык кокниа, эскыссис, мый став сьöкыдуныс бöрын нин, көть эськö уна шог на виччысис морттö. Яй сьölöмыд тай оз пот, быдтор терпитö...

Гырысь и посни керкаяс джуджыд кыр йылын сулалöны, еджыд öшиньяснаныс юлань дзоргöны-видзöдöны. Эжва дорсянь медся матыссаыс, öткөн сулалысьыс, Педор Ваньлөн, сы ки-вежөрөн кыпöдлём. Квайт пельöса, пелькиник, гыалысь шипера вевт улын. Югыд шондi водзас керка öшиньясыс вом тырнас нюмъялöны, быттö гаж-тöмтчöмаöсь да нимкодыпырысь виччысьöны сийöс, Педор Ваньöс. Дыр жежлö тай янсавлисны! Сöмын вой узис Сьод ты бокин, но сьölөм бурмымöныс кыйсис, тшак-льöм кöра сынöдсö апыштис-лолыштис, бипур дорын пöсь юква панялис. Öнi тай бөр кывтö, чужан сиктас воö. Пыжсö лэптас, домалас да гортас мөдöдчас. Но виль керкаыс бокö кольб, шуйга ки вылас, а Педор Вань сикт шөрланыс шлассьöдас. Талун нö мыйла тэрмасьнысö? Луныс кузь на, кадыс эм, некод öд Ваньлы бокас оз тойлы: мун пö, котөрөн гортад лэччы. Час, каяс пристань кыр йылöдзыс да жежалас ас керка дорас, видзöдлас, мый сэнi вöчсьö, кызди олö-вылö Педор Ваньлөн быдгасыс. Абу тай ылын муннысö, дзык орччөн сулалö. Бура важөн нин Вань керка дорас эз матыстчыв, гашкö, ва вöссöмсянь да. Гажыс нин бырöма, и сьölöмыс муткыртчö-нормö, кор керка вылö синсö чöвтлас. Быдсяма мөвп юрас кутö шыблассьны-ветлыны. И нимкодь лолö сьölөм вылас, и шогöдлö Ваньöс, и морöссö бара чепöльтö-сотö кутшöмкö пытшкöсса дой, кодi ланьтышталö сöмын кад жежлö, сэсса заводитö бара оравны, йирö Ваньöс уна во нин. Гашкö, та вöсна тшöтш и дзормис водзджык да. Енмыс тöдö. Олöмыд олём и эм, он тöд, мый аски лоö. Джуджыд да пемыд йирьяса сийö. Көть мыйта сунав, пыдöссö он вермы судзöдлыны, абу Эжва-юыд. А кырö-йирö морттö быд ногыс жö, нэмсö чинтö-тшöтшöдö.

Мöвпьяснас бергöдчывлö Педор Вань тöрытгья лунас, ачыс джуджыд чой йылысь синсö оз вештыв, кык лопта целыснас сыныштö да сыныштö. И быд здукөн матысмö пыжын пукалысь юлөн кыргья берегань, ясыда нин тыдалöны пристань дорын йирсьысь мөсьяс да куканьяс. А керкаыс, сы киөн лэптылём-мольöдөм керкаыс кутшöм

лӧсьдӧник! Чача кодъ дзик. Вылі юра, паськыд ӧшиньяса, пельк. Град йӧрыс абу ичӧт и. Гӧгӧр потшӧма, керка бердас гид, неылын пывсян, ӧшинь улас пашкыр льӧм пу быдмӧ. Педӧр Вань ачыс сійӧс пуктыліс, Сьӧд ты дорсян кылӧдліс-вайліс. Дерг, уна вонад лӧз рӧма краскаыс, кодӧн мавтліс керка эжан пӧвъяссӧ, вушійӧма нин, пемдӧма, гылаыс шиперыс со сьӧдӧдӧма жӧ, пач трубаыс быттьӧ вежыншт-чӧма, тӧвсьыс ли мый ли... Кадыд тай рӧдтӧ, тэа-мелысь оз юав, сувтыштлыны либӧ водзӧ мунны. Педӧр Ванькӧд тшӧтш и керкаыс пӧрысьмӧ, котъ эськӧ сійӧ кӧзяинсьыс ӧна на томджык да.

Сьӧлӧмыс Педӧр Ваньлӧн быд пӧрйӧ ӧкнитлӧ, кор сійӧ аддзӧ ас киӧн лӧптылӧм керкасӧ. Торйӧн нин бӧръя кадас. Гашкӧ, пӧрысьладорыд да. Ок и забеднӧ овлӧ Ваньлы татшӧм здукъясас! Дзор юра нин, а синваыс доршасьлӧ, казялас кӧ кодкӧ, гашкӧ, небыд нямӧдӧн шуас. Мед и шуӧ! Морт сьӧлӧмыд тай абу пес чурка, быдгор сійӧ кылӧ, быдгор йиджтӧ ас пытшкас — бурсӧ и лӧксӧ, кольӧм кадсяс и талунъясӧ. Сӧмын тай олӧм дойясыд дыр кылӧны, гашкӧ, нэм помӧдзыд оз бурдны да...

Сикт весьтас Эжава-юыс дзик мегыр кодъ. Шлывгӧ-шлывгӧ веськыда — паськыда, сӧсся виччысьтӧг чегӧ веськыдывыв. А ю шуй-галадорас, бужӧда кыр йылын, Педӧр Ваньлӧн керкаыс тутвидзӧ. Топыд тэчаса, быттьӧ му бердас нэм кежлӧ вужъясьӧма. Сулалӧнумъялӧ ӧшиньяснас, кыскӧ-дзльӧдӧ асланыс Педӧр Ваньӧс. Сын пӧ ӧдйӧджык, пыжтӧ домалан да, кежав ме дорӧ. Гажӧй ӧд бырис.

Буретш керка весьтас и гурснитӧдіс-сувтӧдіс ассьыс пыжсӧ Педӧр Вань. Чеччис галька сора лыа вылӧ да медводз пыжсӧ лӧптіс-кыскыс ва дорсьыс. Думсьыс вылӧджык, мед оз вӧрзӧдны. Быдсяма йӧзыс ӧд ӧні шӧйтӧ-ветлӧ да. Челядь вуграсьӧны и. Корсь сӧсся пыжтӧ, босьтасны кӧ. А пельсӧ Педӧр Вань важ сельпо склад улӧ катӧдіс да саймовтіс-дзевис гуся местаӧ. Быд гожӧм сэтчӧ сайӧдывлӧ. Йӧз синмысь бокӧ. Пыж улас коркӧ кольліс нин, локтіс да местаыс, шепыштӧма кодкӧ. Кузь киа морт, дерг. Нимсӧ тай небось абу кольӧма. Гусялӧм пельыс пелькиник жӧ вӧлі, гӧн кодъ кокни. Мый ӧні вӧчан, сӧ лешак! Мӧдӧс лои лӧсьӧдны. Ачыс жӧ перйис пельиспусӧ, косьтіс, шыльӧдіс-мольӧдіс.

Пельсӧ саймовтӧм бӧрын чери тыра нопсӧ выль пӧв кӧрталіс-злӧдіс, здук кежлӧ пуксьыштліс на лыа пиын жбутвидзысь кер помӧ. Шпуткіс-куриткіс, лолыштіс пельсӧн ноксьӧм-сынӧмысь, кык лунья копыра уджсьыс. Пыжсьыс тай петіс да веськӧдчынысӧ оз вермы. Чукуыла кӧрт тув моз бура дыр сулаліс ва дорын. Коркӧ-некоркӧ веськӧдчыс жӧ, чорыдакодъ зырыштіс кикарнас сюрса лы помсӧ, вӧлисти сӧки кокньӧдыштіс, небзьыштіс коскыс, куснясьны кутіс.

Резина сапӧга кокнас нырыштіс чигарка помсӧ кос лыа пытшкӧ, сӧсся ружӧктӧмӧн лӧптіс пельпом саяс ботан тыра сьӧкыд нопсӧ, видзӧдліс Эжава-юлань.

— Аттьӧ, вӧр-ваӧй, бур кыйдӧссыд. Бара на сьӧлӧмӧс бурмӧдін, бара на номсӧдлін чӧскыд чериӧн, — ловъя лов дорӧ моз шыӧдчыс Педӧр Вань лӧня шлывгысь Эжвалань, енӧж помӧдзыс шевкнитчӧм пармалань. Шуӧм бӧрас копыртліс картуза юрсӧ юлань да тэрмасьтӧг шлапсьӧдіс-муніс кос лыа кузя. Сельпо склад бокті петіс из кодъ чорыд сӧя туй вылӧ, мӧдӧдчыс чой паныд, нӧрыс йылын сулалысь сиктлань. Педӧр Вань керка дорӧдз юсян муртса и кайнысӧ. Но сьӧкыд нопнад да чой паныдтӧ вель дыр на лои пушкыны-кыссьыны. А Вань эз и тэрмась, лабутнӧя вӧсьлаліс. Воськов кызь-комын вӧчас да лолыштас, бергӧдчылас на Эжвалань чужӧмӧн, видзӧдлас коми йӧзӧс вердысь-юкталысь вылӧ. И быд воськолӧн быттьӧ оз ылыстчы юсяныс, а кыпӧдчӧ сы весьтӧ. Пыр вылӧджык и вылӧджык... Эжаваыс Вань син водзын ыджыд да мича чери кодъ дзик, парма пӧвстӧ нюжӧдчӧма, сикт помас, кывтыдланьын, юрыс, катыдас, сьӧд тыланьын, бӧжыс. Синтӧ ӧрысь шонді водзас ззысь рӧмӧн дзирдыштлӧ...

Воис жӧ коркӧ чой йылӧдзыс, дӧрӧмыс яй бердас ляскысьӧма.

Мальштіс ки пыдѡснас вазѡм чужѡмсѡ, водзѡ восьлаліс. Сувтылѡтѡг, тѣрыбджыка нин. Мир туйыс Вичкодѡр сиктлань нуѡдіс, а Педѡр Вань шуйгавыв босьтис, кыр боктыс тѡдса керкаланьыс кежис. Чери кыйны мунигас Педѡр Вань сѡмын ылісянь чѡвтліс синсѡ керка вылас. Ӧти-кѡ, мѡд, матіджык туйѡд лѣччис гортсяньыс Эжва дѡрас, веськыдаліс. Мѡд-кѡ, водз вѡлі, нѣль час асыв. Кыдзкѡ тѣрмасьѡмѡн муномыс лои войдѡр лунѡ. Кѡсийс рытнас мѡдѡдчыны, но виччысьтѡг зѣрмис да шливгис рытывбѣд. Вой шѡрланьыс сѡмын кобис. Лои асывсѡ виччысьны. Ойбыртліс на час-мѡд кежлѡ, а югдігас кок йылын нин вѡлі, телепит мунысѡ да. Тшай гусѡникѡн чурскыштис-юис да и петіс гортсьыс. Нопсѡ да ботангьяссѡ водзвыв дасьтыліс-лѡсьѡдліс, посводзас куйлісны рытсянь. Резина сапѡгсѡ кѡмалѡм бѡрын нин чукѡстис гѡтырсѡ: чеччыв пѡ, игнась, Машѡ. Унзіль гѡтырыс кималасѡн петаліс жѡ посводзѡдз, би ѡзтывтѡг, кильчѡ ѡдзѡс дѡрын юаліс:

— Кобис али эз на?

— Оз нин шливгы, тусьясьѡ муртса, — гусѡник, джын гѡлѡсѡн вочавидзис Педѡр Вань. — Но ме муни.

— Бур туй. Видз ва вылад асьтѡ. Мед Енмыс отсалас, мича чери сетас, — ѡвтыштис кинас Машѡ гѡтырыс да пѡдаліс Вань бѡрся кильчѡ ѡдзѡссѡ, гульс-гольскерис кѡрт каличнас. Вѡдас на, дерт, шоныд вольпасяс. Мед инѡ. Куйлыштас прамѡй югыдѡдз, шойч-чѡдыштас лысьѡмсѡ, зѣв азыма на очсаліс посводзын да. Асья унмыд пѡ медся чѡскыда — ма кодѣ юмов, гѡн кодѣ небѣд. Майбыр, ѡтнас коли. Мѡс лысьтытѡдз да лудѡ лѣдзтѡдз позьѡ и ойбыртыны.

Гѡтыр игнасьѡм бѡрас Педѡр Вань сулыштис на кильчѡ вылас, морѡс тырнас апаліс васѡд сынѡдсѡ. Зѣрыс дзикѡдз дугдѡма вѡлі, сѡмын керка пельѡсас лѣб вывсяньыс тѣльскис войтва. Став ловья ловыс чѡскыда узис, весиг эз кыв лѣбачьяслѡн чипсѡм-чирзѡмыс, зѣр бѡрын бѣдѡн ланьтѡдчѡма-дзѣбсьѡма аслас позьѡ.

Педѡр Вань гѡтыр мозыс жѡ чѡскыда очсыштис да мед кильчѡ поскыс эз дзуртышт, кокныдыка, лов шысѡ кутѡмѡн, лѣччис керка-бердса луд вылѡ. Лысвасѡ ытшкѡм турунсьыс шарскигтыр тѣрыба вуджис град йѡрсѡ, пывсян дѡртыс, дзирья ѡдзѡсѡд петіс мир туй вылѡ. И азыма зѣв мѡдѡдчис Эжвалань. Но эз кытшолѡн лѣччис юланьыс, сиктлѡн улѣ туй кузя, а Саньѡ Мишгьяслѡн керка весьтти кежис шуйгавыв, веськыдаліс. Час джын мысти Педѡр Вань ноксис нин аслас пыж бокын. Тасянь, Эжва дѡрсянь, бура тыдаліс кыр йылын сулалысь керкаыс. Но сѣки, чери кыйны петігѡд да нѡшта тѣрма-сигад, Педѡр Вань сѡмын чѡвтліс синсѡ джуджыд нѡрыслань. Дзик вѡча сулалѡ керкаыс, быттѡ корѡ ас дѡрас, кежав пѡ, Ваньѡ, видды менѡ, пукалышт кильчѡ вылын, казтышт тѡрыгьясѡ. Видзѡдліс да эз ло лѡсьыд морѡс вылас. Сьѡлѡмнас лигышмунис. Быттѡ вузаліс тайѡ здукас ассьыс медбур ѣртсѡ, кодкѡд чужлісны-бѣдмисны ѡти сиктын, пнявлісны ѡти пѡртыгьяс чѡскыд юква. А ѡні тайѡ ѣртсѡ Педѡр Вань ѡневѡтис, позьѡ шуны, дзикѡдз вунѡдіс. "Бѡрсѡ локтѡгѡн бытѣ кежала, видзѡдла керкаѡс", — лѡньѡдіс пытшкѡсса дойсѡ Педѡр Вань да ѡдѡдджык йѡткыштчис, веськѡдіс пыж нырсѡ ва паньыд, Сьѡд тылань. Мый вынсьыс сыныштис. Ѡтчыд дай мѡдысь. Вильыш лун тѡв небыдыка малыштис Ваньыльыс чуқырсѡ чужѡмбансѡ, картуз увсьыс чурвидзысь дзѡр юрси прѡтыссѡ. Посныдык гыторьяс нимкодѣпырысь шлѡ-чѡдчисны пыж бокас, быттѡ гѡжѡдісны сынысьѡс, злісны не-тшыштны-орѡдны сійѡс сьѡкыд мѡвгьяссьыс. А Педѡр Вань нинѡм эз кыв да казѡв. Пиньяссѡ мурчнитѡмѡн сійѡ сыніс-тѡвзис ва паньыд, юрас бергаліс ѡти дум: ѡдѡдджык эськѡ вѡѡдчыны Эжва чукульѡдз, мед сиктыс кѡтѣ саймовтчас, вошѡ син водзсьыс. ...Гѡжся кадѡ сиктад лѡнь, бѣдѡнлѡн уджыд юр выв тыр. Некѡр китѡ кресталѡмѡн пукавнытѡ. Тані, пристань дѡрын, джуджыд нѡрыс йылын, некѡд жѡ эз тыдав. Шыч ни рач.

Педѡр Вань лѣдзис сьѡкыд нопсѡ потшѡс бѡкѡ, турун пѡвстѡ, да небыдыка восьтис дзирья ѡдзѡс. Сійѡ нѡра да кузя дзуртыштис, ныж

пуртөн моз кырыштис Ваньлысь сьолөмсө. Ньөжйөник, полөмпырысь воськовтис төдса йөрө. Водзөсө кокыс эз ну — пудья лои. Вель дыр сулалис, кывзысис чөв-лөняс. Сэсся синнас кытшовтис гөгөр. Быттьö нинөм ёнасö абу вежсьома. Весиг со дзирья öдзöсыс важыс на, сы киён вöчлөм-тувьялөм. Пелькиник öдзöсыс, ляпкыдик, сөмын көрт каличыс сёмөма. Потшöсыс абу жö джуджыд, но топыд, ыж-көза пырөмысь. Öтнас Вань потшсьылис, тулысбыд пессис-мырсис. Потшсö керавны сельпоса шопер, Чипан Миш, нулис. Чукля Шорөдз кайлисны, кык лун лои ваявны налы потшьяссö.

Ас кежсьыс сулалыштөм-мөвпалыштөм бöрын, дзирья öдзöс дорсянь Педөр Вань веськөдчис керка стынлань. И сөмын вит-ö-кwait воськов бöрын казялис — эндөма керка гөгöрыс, дуркмөма быттьö. Тонö öти потшöс прасла пөрөма, тыдалö, майөгьясыс сисьмөмаось. Абу и дивö, кызь вонад, дерт, сисьмасны. Стынладор керьясыс весиг сьöд-дөмаось. Кадыд тай инмö жö керкаыдды, көть эськө коркö зэв мича пуяс Педөр Вань да сьлөн ёртьясыс пөрөдлисны. Сьöд ты дорөдз кайлисны. А мый морла и ветлысьома та ыласö? Мед эндөдөм-эновтөм могысь керка лэптыны? Тильсис кык во чөж асьсö жалиттөг...

Татшөм мөвпгяс йирисны Педөр Ваньöс, кор сийö кытшовтис керка гөгöрыс. Ас киён лэптылөм-мольөдөм керка гөгöрыс. Быд кер öд, быд пөвтор да весиг ув тани төдса Ваньлы. Öшинь куричьяссö ачыс вöчлис и. Эз кужлы некор, но олөмыд тай öдийö велөдис. Зиль мортыд пö уджсьыд некор оз пөтлы. Сидзи и эм. Кильчöсö ачыс жö тотшкөдис. Керка вевтсö вевтис. Сэсся шиперөн эжис. Сэки оз на сюр вöли да Кулөмдинөдз лои кайлыны. А öнi со сэкся ён шиперыд ёна нин потласьома. Гашкö, гөгөр виялö да, шлявгö зэрыс керка пытшкөдзыс. Ок, ок, ок! Керка пытшкас öнi он тай веськав. Игана гөгөр. Öдзöс томаныс, дзирья калич мозыс жö сёмөма дзикөдз. Но пыралан кө керка пытшкас, сэнi унатор жö Вань киён вöчөма-мольөдөма. Весиг пачсö Педөр Вань ачыс тэчлис... Мый öнi казтьывнытö? Кадыс кольбөма, ваыс визувтөма, олөмыс Ваньлөн да Машөлөн пöрыся-нэмö пырис.

Педөр Вань пуксис кильчö пос вылö да куритчан перйис зепсьыс. Öзтис чигаркасö, лэдзис лөз тшын. Татшөм здукьясад зэв лөсялö куричяныд, сьөлөмтö лөньöдö, вежөртö ясыдджыкаөн вөчö. И бара, көт ёнасö быттьö эз кыйы, Педөр Вань сунис мөвпгяснас сийö ыл кадас, кор сийö панис выль керка лэптөмсö...

Кык во чөж Вань ноксис тайö нöрыс йылас. Тайö каднад уна ва кылалис Эжва кузя, олөмас вежсьөмгьяс лоины и. Кувсис Васька Пекла, чужис гозьялөн Öльөксан нима пи, сэсся ныв... Керка вочасөн, Ен отсөгөн да Ваньлөн зильлунөн, кыптис-вежис асьыс чужөмбансö. Педөр Вань шулис аслыс — вуджам пö сөмын сэки, кор ставыс лөö дась, нöшта пывсян, скөтлы гид. Öд Васька Пекла керкаын овны позис на, көть и дзескыд вöли. И коркö арланьыс нин Педөр Вань шуис гөтырыслы:

— Машö, локтан вонас төвйынытö вуджам нин ас керкаö. Шуам, картушель идралөм бöрын. Арся уджьясынймөс кор дзикөдз сигөртам.

Ваньлөн сьөлөмыс нимкодьясла гызыс морөс пытшкас. Шуда здукьясыд тай овлөны жö морт нэмад. Но ставыс бергөдчис дзик мөдарö. Педөр Вань унаысь казявалис нин: Машö гөтырыслы быттьö веськодь верөсыслөн зильөмыс, выль позсö лөсьөдөмыс. Гашкö, Васька Пекла руыс пырөма да? Либö мамыс кувтөдзыс мыйкö шулис нылыслы? А öнi лөня, но чорыда шуис Ваньлы воча:

— Ме выль керкаад ог мун, Ваньö. Ог, ог. Эн сэтчö кыскы вай менö да челядьöс. Көсьян кө зэв, öтнад сэнi ов. Ош моз, пемыд гуад.

Ваньлөн кывйис вошли, синваыс кутис доршасьны. Кутшөм чорыд мортөн вöли, изки кодьөн, но забеднö босьтис мужик морттö. Сэсся керка тырнас чашöбтис-горөдис:

— Вия, он кө вудж. Юртö керышта.

— Керышт и эм. Но мисьтём-шуштём кыр йылад тэ менё эн кыскы. Мен бать-мам керкаын медся гажа.

— Он мун? — бара горёдіс Педёр Вань.

— Ог дай ог! — лёсыштіс воча Машё.

— Сідзкё ме муна! Муна, өтнам кута овны, — камгис чорыд кабырнас пызан помё Вань да звирк петіс керкасыс. Круп-крапён пёдаліс ас бёрсыяс өдзёссё.

Куим лун сэсся юис-кодаліс Педёр Вань. Весиг удж вылас абу пелалёма, ассыс курыд шогсё винаён кисьтёма-коялёмма.

Нельёд лунас локтіс жё, юрсё өшөдёмён, мыжа морт моз. Өдзёс дорсянь на лёня нурбыльтіс:

— Ме, Машё, ог жё мун. Вузалам, сідзкё...

Төв кежлө буретш и вузалісны вьль керкатё. Сельполы. Первойсё сэнї том вузасысыяс олісны. Сельпоса жё. Сэсся восьтісны кампет вочанін, сэсся курыд зеляён вузасян лавка, сэсся видзлісны сельполы ва туйөд вайём сёян-юан, сэсся... Ставсё өмөй юрад кутан. Өні со томана Вань киён лэптылём керкаыс, тыртём, эндөдём. Збыль, овтём керкаыд пё кык пөв өдйөджык пёрысьмё. Сідзи и эм.

Педёр Вань тай өдйө жё пёрысьмис. Пензия нин бесьтё. Нэмсё сельпобын мырсис-уджаліс. Бухгалтераліс, тшөті-молльён гольскис, сьём лыддис-арталіс. Быдсяма отчёт-расчёт вөчаліс. Өти кадө весиг сельпоса юралысьөдз воліс. Водзын Эжва-юыс вердліс и юктавліс сиктса йөзөс. Водз тулыссянь, муртса на йиыс кылалас, ю кузя кузь баржаяс катёны. Ва усьтөдз зильёны сёян-юантё ылі сикт-грездьясөдз вайны. Медводдза баржаясыс пызь, сакар, сов да вина-водка тыраөсь. Сы бёрын нин, гожөмбыднад, мукөдторсё катөдасны — треска чери, кампет-печенньө, быдсяма кансервсё, сэсся ком-паськөм виччысь, мукөд шылльө-мыльёсё. Керка лэптысыяслы мөдөдасны көрт тув, шипер, толь, чер-пила. Водз тулыссянь наридз петтөдз лөө вөлі Эжва дорад куткырвидзны. Лыддыны-артавны, мый ваясны-пыртасны сельпо складьясё. Мед нинөм эз вош и. А ректысысыясыд, сиктса мужикьяс, гажа юрнад быдторсё вермасны вөчны. Еджыд юра дозтё питшөгас сюясны да корсь сэсся мыжатё. Гашкё, баржасаяс локтіганыс дзибыртисны, гашкё, ректысысыяс пажын кад кежлө заптісны. Юрнысё веськөдны. Баржатё ректігөн быдсяма дивөыс овлө. Но сиктса мужикьяскөд Педёр Вань векджык өти кывйө воліс. Бур ног кө шуны, сэки эз кузь киаөсь вөвны найө. Горшныс кө тічкө, веськыда висьталасны. Небзьөдас, дерт, сьөлөмнысё Педёр Вань, но и гөрасны-уджаласны баржатё ректігөн войбыд.

...Чөла пукалө Педёр Вань кильчө пос вылын, куритчө-мөвпалө, Эжвалань видзөдө. Гашкө, час тутвидзис кильчө помын. Став олөмсө вежөр пырыс лэдзис. Асьсө ошкис и матяліс. Коркө чеччис жө. И кызди тай лыяс коскас! Син водзас шондіа луныс пемдыліс быдөн, сюрса лы помас бытгьё биа өгыр сатшкисны. Лолыштны ни водзё мунны. Джөмдіс места вылас, кын мыр моз сулалө. "Керка лэптөмыд тай инмөма, мөрччөма лешаклы, — медводз и воис юрас. — Тулысарнад чери кыйөмыд да Эжва дорад баржаястө виччысьбөмыд". Коркө-некоркө, легөдчыштіс да, бауныён сорөн, вөөдчис жө дзирья өдзөс дорөдз, мыджсис морөснас потшөс праслаө. "Со тай, кык-наннимлөн пёрысьмыссьөма", — курыда нюмгөвтіс Педёр Вань да видзөдліс аслас керкалань. А вьль керка, Ваньлөн керка, сьылөн быдтасыс да кодкө киө вузалөмыс, чөв оліс. Гашкө, шогаліс ас кежсыс, гашкө, лөня атгьөаліс Педёр Ваньөс сы дорө кежалөмысь, гашкө, пиняліс сійөс, лэптысь-стрөитысьсөс. Өд олөмлөн биыс лючки-бура эз и ломзьяв сы пыгшкын. А, гашкө, озьяылас на да. Коркө, кутшөмкө кад мысти. Педёр Ваньлөн вьль важ керкаас...



Виталий КУРАТОВ

Зарни чуныкытш

ВИСЬТ

Пашко пöль матайтчис моньнас, нук гöтырнас, Иринанас. Оз кывзысь дай ставыс. Пыдди оз пукты пöрысь мортöс. Ачыс эськö пыста кодь ичöтик, жебиник, пöлыштöмысь пöрас, а дышыс да горшыс — юр вывтисы. Армияö мунтöдзыс на нукуыс гöтрасис: вайис тэчöм син лыска, öжын кузья гыжъяса, зонка моз шырöм юрсия нылöс, татысь, карсысь жö. Öтка мамлөн пö öтка ныв — чурка.

Пашко пöль гöтыр кулöм бöрас олис öтнас, аслас керкаын Лесозаводын. Пияныс важөн гöтрасьлисны, аслыныс патера лöсьöдисны, кыкнан пиыс олисны торйөн. Сэсся ыджыдзык пиыслөн пиыс, Петяыс, нем думайттөг семьитчис. Том йöзыд эз окотитны бать-мамыскöд öтлаын овны, вöзйисисны пöль ордö. Пöрысь мортлы любö и нимкодь вöли, мый нэм помсö оз öтнас кут дженьдöдны, висигъясад пыр нин стöкан ватö мыгчасны. И корис том гозъятö: местаыс пö тырмö, керка кык жырья, пырöй пö да лючки-ладнö олой. Гөтрасисны Вывь во дырйи, а тулыснас Петяöс нуисны армияö. Гортас колины овны пöрысь да том — пöль да монь.

Ас овмöсад быдторсö колö вöчны: пестö пыртны, пачтö ломтыны, ватö вайны. Пашко пöль кор тшöктас моньсö мыйкö отсыштны, мöдыс зэв дышиника кызккö-мыйккö вöчас жö вöли. Сöмын радпырысь лавкаö котравлис. Мода эз вöв, мед коляс сьöмсö бөр вайны пöлыслы.

Сэсся и казялис Пашко пöль: моньыс пыдi жырьö пöдласьöмөн гусьöник куритчö, ас кодыс жö косиник пöдругаыскöд шпуткöны. Кыкөн пöдласясны да лунысь-лун кывзöны пельтö поткöдана музыка. Пöрысь мортыд дзыкöдз дöзмис шумсыс да и юалис öтчыд:

— Тэ нö, ныланö, он мöй уджав?

— Ме öнi уджтöмалысь, — вочавидзис моньыс. — Уволитисны заводсыс быд коймöд мортöс сьöм абутöм вöсна. Ме тшöтш на пиö веськалi.

— Чöвтисны кö удж вывсьыд, сiдзкö, эн колана морт вöв, — кöритыштис пöль.

— Колöкö, ме ачым эг кöсйы сэнi уджавны, — правдайтчис Ирина.

Петяöс армияö нуöмсянь петук воськов мында кадыс коли, а моньыс дзайгис нин пöльлысь туй вылö сьöм: гажтöмтчи пö, окота пö верöсöс аддзывны. Лышкыд да бур сьöлöма мортыд джын пенсиясö латшкис-сетис моньыслы: ветлы пö, ныланö, аддзöдчыв пö нукойкöд...

Вежон мысти Ирина локтис гортас лöз син дора, чукрасьöм паськöма, пöль водзын правдайтчыны кутис:

— Поездын менö грабитисны, сумка и денъя мырддисны, горзыны кути да нöйтисны весиг.

Пöрысь морт веритис, нöшта жалитис на. Кад кольöм мысти кывсис: моньыс пö карсыс некытчö абу ветлöма, юöма-кодалöма пöдруга ордас.

Коркө, гожомнас, Пашко пөль картопель мудыйны петіс. Пажы- нөдз ноксис му вылас. Локтіс гортас да шемөсмис. О, Господи! Мый вөчсис монь оланінын, пыді жыръяс?! Кузь юрсиа кык том зон да Ириналөн пөдругаыс гындоны-йөктөны трусик кежсыныс. Асьныс кодось. Табак тшыныс гөвкъялө, көть чер өшөд.

— Ноко, ставныд марш татысь, мисьтөм чужөмъяс! — чорыда шуис Пашко пөль, — бардак восьтөмныд!

Моньыс скөрмис, тшөтш муніс гортсыс, сэсся лун кык шляйтчис- ветліс. Коймөд луннас воис гөстя моз, весиг пөль водзас эз извинитчы. Ачыс на дузъяліс, быттьө абу и мыжа. Та бөрын Пашко пөль бара на моньсө жалитіс. Мед пө гажөдчисны кө, сы вылө и томдырыс. Мыйкө дыра кежлө на костын лючки олөм пуксыліс. Моньыс на- рошнө леститчис пөрысь водзын, а мөдыс шыльбө-мыльбө вылад пыр нин мыйтакө съөм вичмөдліс.

Пашко пөль асьыс пенсиясө пыр видзис өти местаын — залав- каын жөч банкаын. Но тайө төлысьө зэв өдйө тыртөммис банкаыс. Пашко пөль жуғліс юрсө, кытчө съөмыс лои, али пө кодікө гусяліс. Вот и шыасис Ирина дорө:

— Тэ, ныланө, эн казялы зонъясыдысь залавкаын гудйысьөмсө?

— Дедуль, мый тэ? Гоша да Саша зэв прамөй йөз.

— Кватитчи талун да деньга банканым куш. Ог төд, мый вылө кутам нянь-сакартө ньөбны. А тэ, ныланө, ачыд эн босьт? Висьтав, нем ог шу.

— Эг, дедуль, — соссис Ирина. — Гашкө, мөдлаө саймовтин да вунөдін.

— Ладнө, кызкө-мыйкө оламө, картошкакыд эм на, — асьсө лөньбөдөм могысь шуис пөль.

Кымынкө лун Ирина гортсыс некытчө эз петав: лун шөрөдз воль- пасьын вальмасьө, рытнас вой шөрөдз телевизор видзөдө. Сэсся вөрын узыльжө мөс моз бара куим войкол кежлө вошлі. Локтіс гортас пыктөм чужөма, киясыс тіралөны, табак тшынсө апалөмла курскө- кызбө. Коньөр кодь моньсө аддзөм бөрын пөльлөн жалыс петіс: өмиза пось чайөн юктөдіс, водөм бөрас пасьясөн шебрөдіс да көсийс врачөс корлыны. Кытчөдз пө он бурд, сэтчөдз и куйлыны кутан.

Участкөвөй врачыд локтіс пажын бөрын. Шөр арлыда нывбаба, сійө төдө вөлі Пашко пөльөс, пыригкостыс и юалис:

— Павел Петрович, төнлун на адзылі — сирөд мыр кодь вөлінныд, а талун висьмид?

— Эг ме. Моньбөй мыйкө нөрпалө, — индіс кинас пыді жырланьбө.

— Бур, онө кө висьбө, а моньтө час видзөдлам.

Врачыд пырис пыді жырйө, а көзяиныс пөдлыштіс өдзөссө, мед пө нывбабаяслысь не кывны гөлөссө.

Мөд вежөсын кыкөн вель дыр сөрнитісны, сэсся петіс врачыд да гусьоникөн висьталіс:

— Ёна юөм бөрын алкогольной синдром. Зэв на том и татшөма юө...

Пашко пөльы яндзим вөлі висьтавны моньыслысь вошласьөмсө, босьтчис дорйысьны:

— Нем вылө юнысө, оз уджав, абу деньгаыс.

— А гортсыд нинөм оз гусявлы? — юасыны пондіс нывбаба.

— Той-пытш абу, нем вузавнысө.

Врачыд пөдлыштіс пыді жырйысь өдзөссө, мед пө оз кыв сөрнисө Иринаыс, да водзө висьталіс:

— Кодкө лунө ме картошка ньөбны рынокө пыралі, адзылі сэтысь моньтө. Хрусталён вөлі төргуйтө, зэв мича румкаясөн.

— Эз жө, пөди, гортысь ну, — чуймис көзяин, сэсся восьтіс за- лавка өдзөссө, шарөдіс кинас өтилаті-мөдлаті, но нинөм эз сюр, да шөйөвошөмөн шуис: — Вошөма! Но, мисьтөм чужөм. Пенсия вылө петігөн удж вывсянь пөдарок сетісны, хрусталь румкаяс, шөйччигад

пö чöскыд вина мöдан сэсь чурскыны. Вот и чурски. Часлы, ме пырала сы дорö.

Но врачыд öлöдiс, эн пö öнi сийöс вид, вермас нöшта омöль лоны, бурдас пö да вöлисти. Пашко пöль сiдзи и вöчис: кок йылö сувтöдз моньыслы лёк кыв эз шу, вердiс-юкталiс, кыдз вермис дöзбöритiс висьысьöс. Нельöд луннас винёв кань моз Ирина бара нин вöли кок йылас, кöть син гуясыс вöйöмны, вир пастöм бан бокъясас черлыыс тöдчö.

Бара на жалыыс петiс Пашко пöльлөн, век жö нукуыслөн гöтыр:

— Тэныд, ныланö, лечитчыны колö, кутшöмкö синдром пö көвъялöмыд. Вай сёрнитчам: юасьтöг гортгысь нинöм сэсья эн ну, ковмас кö мыйкö ньöбны, кор менсьым, но эн гуясыс. Миян рöдын сэтшöм мисьтöмторйыс эз вöвлы. Кывлас кö верöсыд, оз ошкы.

— Ме эг гусяв, а водзöсөн босьтi, — правдайтчис ныв. — Хрустальнас тi он вöдитчöй, Петя локтас да бөр ньöбам.

Пашко пöль кутчысис пузьöмысь, кыдз позьö юасис ньывкыда:

— Деньгасö залавкасыйс тшöтш водзöсалин?

— Долга вöли да удждi.

— Кодлысь удждiн?

— Тэнсьыд.

— Кыдзи менсьым? Юасьтöг босьтöмыд да.

— Петя локтас да бөр сетам.

— О, Господи! Кор на сийö локтас? Чай-сакартö öнi нинöм вылö ньöбны, гөгөрвоан он тэ, мисьтöм чужöм! — бөръя кывъяссö чорыдакод лои пöльлөн шуöма.

— Эн горзы, ме абу тэнад ныв, — ярскöба жö вочавидзис мöдыс.

— Тэныд, тыдалö, бур кывйыс оз мөрччы, ньöрийөн колö ситанад, — эз кöсйы миритчыны пöрысь морт.

— Сöмын видлы, — челядь моз повзис Ирина. — Милицияö пыр и сорита.

— Асьтö мед оз соритны гусясьöмсьыд, мисьтöм чужöм.

Тайö пинясьöм бöрас моньыс эз мöд сёйны пöльысь пуöмсö, аслыс торйён дасьтiс. Шондiа, мича лунъяс пукалiсны, а Пашко керкаын быттьö сьöд вой: некод некодкöд оз сёрнит, дузьялöны, бугжылясьöны öта-мöд вылас. Пöльыд эськö и дась вöли бурасыны, но моньыс мöдарö — öтарö чушгялö. Вежон мысти кымын Ирина бара вошлi некумын вой кезлö. Пöльыд и петiс сэсья терпенньöсыс.

— Тырмас тэд менö грекö вöйтны, мун, кытысь локтiн, ог лэдз гортö.

Мöдыс йöткиштитiс дедсö, пырис аслас жырйö, каличалис öдзöссö. Аскинас гортсыс мунигөн юалис:

— Менö збыль вöтлан?

— Вöтла.

— Вöтлан кö, бöрыннас эн каитчы, — шуис Ирина, и крапкис öдзöссö.

Обедöдз на Пашкоясö пырисны кыкөн — моньыс да томиник милиционер. Погона мортыд кöзьян моз пуксис пызан дорö, вöлисти шыасис:

— Участкöвöй отпускын, ме öнi сы пыдди. Так вот, гражданин... Гражданин, мхы, вунöдi, кутшöмкö порсь памилльöыд эськö да.

— Порсьпелев, — стöчмöдiс Пашко пöль.

— Так вот, гражданин Порсьпелев, — командир сямөн сёрнитiс погона морт, — моньтö пö öбижайтан, жалöба локтiс, так сказать, ачыс висьталiс.

— Ме моньöс öбижайта? Сөрöм, — чуймис пöрысь морт, индiс Ирина вылö: — Мед, колöкö, висьталö, кор ме сийöс öбидитлi.

— Дедö, тэ пыр менö кедзовтан, — збоялiс Ирина.

— Тэ, Ирина, главнöйсö висьтав, — корис милиционер, — кыдзи кöсйис намекайтчыны тэ вылын.

— Ме эг намекайтчы, а выдыштi кузькиасьöмысь. Мед кöть сийö

и монь, нуклөн гөтыр, а вöчны сідзи оз позь, — Пашко пöльлөн тiравны кутіс гөлöсыс.

— Кывзы менö, — корис милиционер, — нукуд муніс рöдина дор-йыны, коліс тiяны видзны ассыс меддонаторсö, том гөтырсö, а тi сы пыдди нывлөн честь вылö... М-да.

Пашко пöль кывзіс милиционерöс и аслас пельяслы эз верит.

— Эн нем абусö байт, мисьтöм чужöм.

Погона морт шурк чеччис пызан дорысь:

— Эн оскорбляйт менö, гражданин свин... порсь... Порсьпелев. Ме официальной лицо, жалöба кузта верма применитны закон, за попытку к изнасилованию эм статья... Вот так.

— М-м-е? Мырдöнавны? — мытшгьялыштіс пöрысь морт. — Абу кö прöсуж тэ-а? — Пашко пöльлөн сёлöмыс ёкнитіс, сэссия мöдысь дай коймöдысь. — Ме, господин-короший, сизимдас во таладор светас ола да гөтырысь öтар, царство сылы небеснö, некод вылö эт ышмыл. То крес, Енмыс тöдö.

— Так вот, кöть тэ и пöрысь нин, преклонной возраста, предупреждайт, гражданин Порсьюрров...

— Порсьпелев ме! — тайкö эз ёрччышт Пашко пöль. — Весасьöй тась кыкнанныд!

Мунöм бöраныс Пашко пöльлы нöшта на деливö лои, ковмис лекарство юны. Недыр жежлö морöсас дойыс лэдзыштліс, сэссия рытнас бара топöдіс. Ковмис весиг "Скорой помощь" корны.

Дас сайö лун куйлöдісны Пашко пöльöс больничаян, укольясөн да таблеткасён бөр сувтöдісны кок йылас. Карысь пияныс видлыны во-лывлісны, а нукуыслөн гөтырыс, Иринаыс, нырсö эз мыччыв.

Пашко пöльöс лэдзисны больничаясь луннас. Гортас эз тыдав моньыс. Пыдi жыръяс пыригөн и казяліс: телевизорыс абу, сідзкö, пöльлөн ньöбöм добрасö бара вузаліс да юис Иринаыс. Нинöм сэссия вошöмасö эз казяв. Петіс сараяс, гунь-гонь чöвтіс сингьяссö öтарö-мöдарö, кöсйис тöдмавны, ставыс-ö ас местаын. Бöрсö петігөн нин син улас усис вон дöраөн саймовтöм горт.

Гөтыр кулöм бöрас Пашко пöль кык горт вöчöдліс, öтинас дзевис муса гөтырсö. Мöд гортсö дасьтіс аслыс, оз пö тай сёйны кор, ковмас кö, дась лоö. Мичаа гöрд краскаөн краситіс гут и бан, аслыс весиг кажитчис: горничаян моз пö кута куйлыны. Тайö здукö бара дум вылас уси моньыс, кодысь, тыдалö, нэмөн нин оз мынылы, пöратöг гортіö водтöдас. А збыль кö öні водлыны, повзбöдны моньсö.

Пашко пöль пыртіс гортсö керкаö, кык улöс вылö лöсьöдіс öшинь водзас. Сиська би öзтіс ен ув пельöсас. Стенын öшалысь зеркалö сьöд чышгьянөн вевтгис, öшиньяссö занавесөн тупкис. Пашко пöль пуксис öшинь дорас, кыйöдны пондіс моньялысь локтöмсö. Регыдөн и ты-довтчис том нывбабалөн керка дорö матыстчöмыс. Пöрысь мортыд воськовтіс гортьяс, нюжöдчис сэтчö, кияссö морöс вылас кресталіс.

Гым-гам кыліс кок шы, гуль-голь воссис кильчö öдзöс. Гортйын куйлысь поконикус аддзöм бöрын Ирина шай-паймуніс повзбöмысла, бөр кöсйис чепöсйыны бывлаас, но мыйкö сійöс кутіс. Сэссия асьсö такöдöм могысь шуис гораа:

— Ог тэысь пов. Мед, колөкө, треснитін, абу жаль. Мыйла öт-надтö энөвтöмны, кöні йöзыс, али больничасаясыс тэнö вайисны? — вомгорулас шуаліс Ирина.

Пöрысь морт кöть и куйліс збыль поконики моз, лов шысö пöдтöмөн, син потасöдыс сійö кыйöдіс моньыс бöрся, кодi лукйысис-корсьысис кöлуй кудйын, шкапын, пинджак да гач зепгьясын. Коланаыс, тыдалö, нинöм эз сюр да лёкысь ёрччыштіс:

— Сöтана! Эм вед пöрысьлөн денгяыс, но кöні дзевасыс? Пиян вотöдзыс колö корсьлыны...

Видлытöмин керкаас эз коль, медбöрын казяліс пöль чуньысь зарни чунькытшсö. Тайö здукö горш мортыдлөн эз вöв полöм ни родöм: уськөдчис поконики дорö чунькытшсö нетшыштны. Но пöльлөн, нэмсö

сөккүд удж вөдитысьлөн, чуныс туптөма чунькытшыс, оз и вөрзы.

Во комын коли сэксянь, кор Пашко пөльос шуисны на Павелон, дай ачыс на вөлі сэк сөкөл-молодеч кодь том да мича. Сэки жө и Көджпомын вичко воссьом бөрас ай-мамыс корисны: гозъя костын кө пө эм радейтчөм, колө венчайтчыны, мед пө челядыд и гирысьось. Венечыс пө кулөм бөрад гозятө оз торйөд, пыр лоанныд өтлаын. Пашко пөль ассыс гөтырсө зарни чунькытшнас и кольбөдис мөдар югыдө, ачыс некор жө чуньсьыс эз пөрччыв.

— Оз-ө көсий менсьым чуньос вундыны, — Пашко пөль повзис монь кийсь кузь воропа пурт аддзөм бөрын.

Мөдыс збыльсь көсийс вөчны мисьтөмтор: вундыны чуньсө да сідзи перйыны зарни чунькытшсө. Ирина муртса на инмөдис лэчыдінсө яй дорас, кызди тай "поконикыд" кльөщион моз тшапкис сылысь килутшсө, бергөдис кимльөсвыв, пуртыс пыр и уси джоджас.

Пашко пөль өні осьса синмөн нин видзөдис монь вылас, кодлөн став вир-яйис повзьөмысла тираліс, чужөмас вир пас эз ло — бледөдис, вомас "О" буква артмыс. Сэссия, тыдалө, куз гадьсьыс мыні каличыс да шольгыны-киссьыны кутис джоджө.


— Мама! Караул!.. — лөкгоршөн горөдис моньыс.

Пашко пөль личөдис кабырсө и нывлөн мыні кийс. Тун-тан сийө уськөдчис ывлаө.

Рытнас Пашко пөльясө чукөрмисны став рөдняыс. Сваттыяс, Ириналөн мамыс, звөниталөма быдөнлы: ныв пө локтис ме дорө йөй нисьө прөсуж, висьтавыныс оз вермы, мыкталө. Пөльос пө больничайсь кулөмөн вайөмны, сэссия пө гортсьыс бөр чеччис да менө пө кутис кватлавыны.

— Сөрөм, — шуис татчө Пашко пөль, — ме ачым аслам кокөн локти и кызди аддзаннуд — дзоньвидза. А вот Ириналы колө лечитчыны, алкогольнөй синдром пө сылөн.

Пөрысь морт сэссия висьталіс моньыслысь кузькиасьөмсө, эз гарышт сөмын гортийын куйлөмсө.



КЫК ВИСЬТ



Мам кодьон вöлі

Адольф Иванович Туркинöс, сылысь
мамсö, Надежда Николаевнаöс,
бурысь казгыштана висьт.

— Аттö дивö, кутшöм олөм пуксис! — гидысь тыртöм пöдöнчаөн,
ырзöмөн бöрдигтырйи, олан жырийö пырис Рая чойö. — Мамыд боль-
ничаын, а со и мөсным ёна висьмөма, кувсьö-ö!

Öдйö лэччи паччöрысь.

— Юктöд чöскыдджык шоныд помойён... Сола няньтор сетыштам
да бурдас... Мый нö лоöма?

— Бок вылас пласьт куйлö, вомсьыс быг петö...

Кыкөн лэччылім гидö. Ме кыза солалөм кыдъя колöб мөслы вомас
сюйи — оз сөй, бөр уськөдiс. Синмыс кылалөма, синваыс тюрö.

— Саньö школасьыс мыйкө дыр эз во, ветврач дiнö эськө ко-
тöртлiс Шожымö,.. — майшасьö чой. — Ачым эськө, но тэ вылö öд
тайöс ог коль?

— Ме, инö, котöртла? Кодöс корнысö?

— Тэ помысь тай! Шуан жö!

— Тэ помысь! Тэ помысь! Збыль кулö мөсным! Висьтав, кодöс
корнысö? Кытчö пыравны? Гөрд плага керкаас?.. Венякöд да Модякöд
некымынысь нин лэччылім Шожымас... Ог вош, вайöдла ветврачсö! —
ызи. — Здукөн и котöртла.

Чой падыялыштiс, но мый нö вöчан, быть öд врачсö колö корлыны.

— Дарья Николаевнаөн шуöны... Помнитан, төвнас тётяыс волiс...
Ветлечебницаыс, плага керкасö тай шуан, сыысь водзынджык, нöшта
вит-квaйт керка кост... Юалан — индасны... Мөс, шу, ёна висьмыс...
Мир туй кырсö прöйдитан, лавкасö, плага керкаыс — сельсöвет...
Водзöджык котöрт да юав, висьталасны... Эн вунöд, Дарья Никола-
евнаөн ветврачсö шуöны...

— Аддза, юала и! — шуи да здук мысти ризöдi-котöрти нин
Шожым сиктö.

Шожым-Айкинасö ме збыльысь кутшöмакö тöдышти нин. Кольөм
гожөмнас Модякöд да Венякöд көрт туй лавкаö няньла кык-куимысь
лэччылiм. Налөн мамыясыс көрт туй вылас уджалiсны да няньсö
налы карточка вылö сзтысь сетлiсны. Ылалöмысь-вошöмысь, сiдзкö,
эг нин пов, көть школаын и эг на велöдчы.

Шожымын öти дядьö пыр и индiс колана керкасö. Ветврачыс пö
сэни и, мунöмсö пö аддзылi, суседка сийö мяян. Сэссия и могöс юалiс.

— Но-о, но-о! Зэв тай ыджыд неминуча лоöма! Менö Дарья
Кольён шуöны, колхозын танi конюкала. Мун öдйö котöртлы, а ме сэк
костi вöv доддыла... Со эстчö, конюшня дiнас и локтöй.

Ветврачлы да конюк Дарья Кольлы, кодi Митерасö тшöтш кайлiс,
сöмын и колiс нин начкыны Сюрукнымöс. Сутуга пö гырк,пытшкас
вөлöма. Дзескыд, турунтöм воад быдсяма көрымнас лои вердöма. Йöv
вылö прессуйтöм турун вежлывлiм и. Сзтысь, дерт, и сюри сутуга
торйыс, писькөдiс сьвсö.

Гожөм кежлö йöвтөг колим. Мам Емдiнын, больничаян куйлiс,
кокыс висис да. Рая чойлы көть дас квaйтыс на эз вöv, колхозын

уджалис. Меным муртса көкъямыс тырис. Со и сетисны детсанаторийё. Некрыд вёлі ог кольччы, бёрда.

— Мый нё бёрдан? — воспитательницаыс, Надежда Николаевна, сетис выйён мавтём еджыд нянь, вайис чай чашка. — Эн бёрд, мян тані уна челядыс, гажаа кутанныд овны... Чача уна, книгагас, патефон эм... Мамыд бурдас да бёр гортад лэдзам, — бурёдо Надежда Николаевна.

Детсанаторийё менё колисны. Чойлысь кутшөмкө бумагагас на корисны.

Көкъямыс арөснас ме грамотной нин вёлі. Матрен баб, кытчөдз ловья вёлі, велөдіс сёөдз бөрөн и водзён лыддыны, букваыс "Букварысь" петкөдліс да шөркост чой отсөгөн и лыддысыны велалі.

Детсанаторийын, гажтөмтча гортысь да, тетрадь сяма блокнотё быд лун пасъяла, дыр-ө нин олі. Артмис дас вит визь. Көть, бөрына нас висьталісны да, вит лун на и овсьөма сөмын. Менам вөлөм луннас куим визь пасйыссьө: асывнас, сөйөм бөрын; өбедайтөм бөрын, шойччыштны водтөдз; да нөшта и рытнас.

Меысь лун-мөдөн водзджык санаторийё вайөдөмаөсь Чукичев Ольөксанөс, ар сизима зонкаөс. Ме моз жө гажтөмаліс, бөрдіс да эз жө радейт лунын узыны.

— Пашө, Пашө, — шөпкөдө меным орчча кровать вывсянь. — Гажтөм тані, көть эськө и бура вердөны... Лунын со узыны водтөдөны... Вай пышъям?

— Кыдзи пышъям? Кытчө?

— Хы, гортө дерт...

— А тэ көні олан? — юала.

— Мир туй кыр йылас керканым, детсад кильчө вывсянь тыдалө...

— Но-о, тэнад матын гортыд да... А менам өд ылын...

— Туйсө он төд? — юалө.

— Төда эськө да... Мөснымөс начкисны, йөвтөмөсь, сөянным чөскыдтөм...

Сөрнитім сідзи орчча кроватьяс вылын куйлігөн, а рытнас и пышйим... Дерт, вольтөм вылө, но мөд лун асывнас бөр вайөдісны... Кыкнаннымос... Ольөксан пуксьөма джджас да чужъясьөмөн бөрдө, оз пөрччысь.

Менам сьөлөм вылын сьөкыд жө, но ог бөрд: гортын сідз-тадз масьтөм рудзөг идзаса, ньыв пу кача няньөн да важ кос тшака шьдөн вердісны. Рушку тыри, а эг и пөтлы. Мөс яйсө колхозө лэччөдөмаөсь. Арнас пө кутшөмкө ялавичөс көсийисны сетны. Яйыс пө гөрысь-көдзысьяслы страдна кадас бур ныас.

Да, кодлыкө ныас, а кодкө көть виньгорт, весиг юр-кокъяссө абу кольөмаөсь.

Надежда Николаевна пышйылөмысь эз вид мянөс.

— Гаж ёна бырис гортысь, төлысь джын өд олім, со и пышйылім, — шуа.

— Но, но, но! Сідзи и төлысь джын? — сералө. — Вит лун на и коли да...

— Кыдзи вит? Менам өд пасъялөма, — юрлөс улысь перйи тетрадьөс. — Со...

— Но и грамотей! Луннас нө кымын черточка пуктан? Куимөс, артмө?

— А, гашкө, и сідз пасъявсис? — гөгөрвои, мый коркө луннас, а коркө и рытнас детсайдын олом лунсө пасйывлі. Верми и сорсьыны. Унджык пасъявсис...

— Ті эськө велосипедөн көсьянный-ө гулайтны? — юалө Надежда Николаевна.

Ольөксанлөн синваыс пыр и косьмис.

— Ме ог төд да? — шуа. — Велосипедсө ме эг на аддзыв... Ог төд, мый сійө сэтшөмыс.

— Ме аддзылі, — ошйысьыштіс Ольөксан. — Анань Геньлөн эм.

Сөмын сійö оз сет... Жугалö пö, кöть ачыс лун-лун ризъялö... Усылас и быдсөн...

Сійö воясас велосипедыд шоча аддзывлантор вöлі. Шожым-Айкинаас, гашкö, кык-куим зонлөн.

— Миян Долялөн эм... Юрик вокыс лун-лун коксö песö. Сылы, Долялы, öнi некор, экзаменъяс школаас сдайталö да... Коймöд класс öд помалö. Исласъйö тшöтш Юриkköд.

Надежда Николаевна сійö жö рытнас төдмöдiс Адольф да Юрий пияныскöд. Адольфыс майöг судта, косньöд, сөнöда зон, а Юрийыс, меысь ичöтджык тушаа, визув зонка. Инас оз öшйив, пыр мыйкö вöчö (мортыс инженерöдз воис, көнкö Уралын уджалö. Адольфыс ыджыд учёнйöдз жö велöдчис. Шань, бур сьöлöма мамыдлөн, кöть и дөвалөн, челядыс мывкыдöсь лоисны. Верöсыс фронт вылын усылöма).

Митерасö сэсса эг пышйивлы. Гожöмнас челядыкöд кайлiм тшак да чöд вотны. Чойяс пыр на кача нянь сөйсисны. Мамöс больничасыс абу на лэдзöмаöсь, кокыс пö оз бурд да... Надежда Николаевна төдö гортсаяслысь дзескыда олöмсö да няньсö уна босьтö, жалиттöг выялас, сакар нопторйö тэчыштас да пöшти ставсö и коляс миянö.

Водзöсö шөркост чой вотöсөн-тшакөн косöдö — тшöтш ветлас вотчыны да. А рытланьыс самöварысь чай юам. Кача нянь быдөн видласны и... Некод, помнита, эз ошкыв. Курьд пö.

Арнас, öкмыс арöс тыртöдз, Надежда Николаевна нуöдiс менö Шожымса школаö, первой классö.

— Тэ, Доля, видзöд, да кор аддзан — кедзөвтöны, дорйышт рам зонкасö, — стрöжитö писö Надежда Николаевна.

— Эн шогсы, мамö, Пашöлөн юрсыс сi оз усы! — сералö Адольф. — Ковмас кö, Женя Окуловкöд ми аддзан справасö вильшасысь-ясыслы.

Татшöм стрöжитöмыс, гашкö, вывтiджык вöлі, но сэтшöм нин вöлі тайö аныс, детсадса зонка-нывкаяслы мам кодь, быдөнлы, а меным кажитчис, Надежда Николаевна торйөн нин ёна лелькуйтiс менö.

Санаторийын ме олi Виль во праздникясöдз, каникул вылö лэдзавтöдз. Козинсö, кампет-преникъяс, Надежда Николаевна ноп тыр тэчис. Гөститöд пö мамтö-чойястö, шуис, да топöдлiс менö морöс бердас.

Сирпи конъяліс

— Пашö-ö! Па-а-ашö!

Öшинь улысь весьöпөрöм ногаа чуксасьöмсö сөйигөн кылi да төкөтö киысь паньöй эз усы. Тöдi сусед Модялысь гөлөссö, восьтi лунвыв бана öшиньöс.

— Мый нö нин, Модьö, лоис? Равзан, быттö понъяс пурöны!

— А этайöс аддзылiн? — петкөдлö лы воропа складнöй пурт.

— Ыхы! Давидлөн... Гусялiн?.. Мися жö сы гөгөр и гартчан вöлі.

Давид фронт высьыс вайöма татшöм складнöй пуртсö. Сэни, ки пыдöс вомлöс кузьта складникас, кык пурт — кузьджык да дженъидик, шыла, винтö гартöм сутуга (штопор пö, но ог төд, мый вылö сійö шогмö), зэв ичөтик ножич да ичөтик жö пань. Аддзывлытöм, дивö кодь пурт. Öнi сійö пуртыс со Модя кыи.

— Гусялiн да ошйысян? — дивитышти Модяöс.

— А вот и эг! Сетiс... Талун ме на пыдди пастукалi. Ачыс мостовикö пырис да оз удит... Пажын пуктылiсны да нöшта и тайö пуртсö сетiс. Вот... А öнi йöрт мöstö... Аски тэныд видзны!

— Тэтöг төда... Йö-öрт! Тшыг со скöтинаыс, куш борсö гольскö-йирö! Мöс видзысь! — Скөрми нин наынасьöмсыс да ошйысьöмсыс, а медсясö, дерт, Давидлысь пуртсö сылөн киысь аддзи да. Татшöм син пöрийгнас и Веня другöс, кодкöд пыр öтлаынöсь, вермас

ме дінысь кэдзодны. А мый? Бадь нёбр вундыны сетлас, мыйкё вёла-лыштны — Веня и лоё Модялён кипод улын?

— Тодан, он тод, а мөстё ошинь улөдзыд вайөді. Аски тэ пөттөдзыс йирөд... Мамлы нарошнө тшөкта водза-водз Гачуньёс лысьтыны да лэдзны. Видз, котрав.

— Лэдзёй көть вой шөрнас, мед ошгъяс наян Гачуньтё косявласны, уйлабс.

— Сюрукнад мынтысян, Ванька Паш кок пөв, Сюрукнад! — наяна серөктіс Модя да котөртіс гортас. Пастукалан лун өд сылөн помассис.

Грездса мөсьясөс видзан лун меным вөлі петшөралөм бөрын висьом кодьон. А вит мөска стадаад татшөм шудтөм луныс төлысьнас квайтысь волө. Шойчгыштны ог удит, а бара нин миян өчередь, и кымын во нин! А сэксян, буди, кор көлысьястөм гачөн куті вет-лөддыны. Сэки, дерт, Рая либө Саня чойкөд, а таво өтнам вылө нин тайө уджсө көвъялісны.

— Аски миян мөсьясөс колө видзны... Санялөн өчередьыс. Таво эз на видзлы, — шуи шөркост чойлы ужнайтөм бөрын.

— Некор меным мөсьяс гөгөр бергавны! Лун-лун котралан, он отсась гортын. Мед видзө! — удгысис мамы да индіс ме вылө Саня чой. — Быдлаө — Саньё! Ёгөсь картофель градгъясным: видзөд-лан — юрид кольмө, сы мында колө юравны, ёг турунсө весавны. Мукөд гортса уджыс өтнамлы жө көвъясьома. Рая оз жө отсась, көрт туй вылын ременнёясө уджалө да...

— Сідзи, меся, өтнад и мудйисян да! — щөтясьышті ме. — Ёг турунсө, быттьө, тэ и нетшкан?

— Ёг турун! Удж аддзөмыд!

— Ачyd уджөн лыддян да! Пөшти медпервойөн со и казгыштін — сідзкө, удж и вөча сійөс ме... Тэ сөмын кокантө и тодан...

— Вөчан, вөчан! Видзөд, киясыд гадылөмаөсь! Пыр пельпом во-мөныд бөрвыв кыйкъялан: оз-ө көнкө зонпосни мачасьны!

Весьшөрө вензьөмөй лои. Мустөм пастукалан удж и сійө пөрийө ме вылө көвъясис, ковмис сетчыны. Асывнас школаө ветлан клеткаа дөра сумкаө пукті вит-квaйт гырысьджык картофель, сы мында жө кыдья картофеля сөчөн, бутылка йөв и лунтыр жежлө ковмис петны гортысь мөсьяслөн бөжъясөн рулитны.

Сідзи гожөмбыд и ковмис сэссия асланым өчередын өтнамлы мөсьясөс видзны! А, господьё! Луныс, луныс кутшөм кузь! Мойдын моз шондісө турун чөвтан лэбынөн быттьө пыкөмаөсь! Картофель печенча пөжавсьома, сөйсьома, йөв сулея — сөстөм, шорын мысь-көма, сөчөнгъяс агсали-изі пиньяс костын, а век на лун шөр: шонді улын вуджөрөй өти воськов кузя. Кор на квaйт час рытыс воас? Кор мына вит лун жежлө пастукалөмсьыс, татчөс гажтөмсьыс?

Ог көсийы норасьны: луннас мөсьяс дінын некодысь ог пов. Ворсыштны вот дзик некодкөд. Мачасьны өтиөн он мачась, мөсьяскөд лаптагысь ни карйөн он ворсышт... А налы мый: варскасны час куйм веж турунсө, водасны да ружтөны-рөмидзтөны, Матвей гөтырлөн зөр куль мешөк джын ыджда вөраа пөрысь Чернуқыс юрсө луд вылас нюжөдөмөн весиг узыштас.

Аклясясны-шойчасны час кымын, чеччасны, юыштасны Степ шорысь либө Нёмыдысь да бара йирсьөны. Найөс гажтөмлуныс, майбыр, оз босьт, кадыс лючки кольө и. Пемөсьясыдлөн өд медтыкө кынөмныс тырис.

Тадзи гожөм пуксигөн, июнын, кор туруныс небыд, чөскыд, шонді жарыс оз на сэтшөма сот, и лөдзьяс эз на петны, оз дөз-мөдчыны... Июльын, август заводитчигас ывлаис жар пач кодь лоө, лөдзьяс петасны — мөс мыш вылысь көть китырнад кутав — вось-сылө жө сэки кок песан кадыс, ок и сюрлө котравны! Мөсьяс сөмын асывводзсө и йирсьыштөны да рытнас, шонді бергөдчөм бөрас. Луннас пөдтө, лөдзьяс өдөлитөны. Йирсьөны, йирсьөны, видзөда, а сэссия Давидлөн йөралөн кузьята кокъяса, вөвлөн кодь зумыд статя-

мыгөра Сюрукыс таг зіб моз лэптас бөжсө, горөдлас лёк ногөн да скачөн уськөдчө грездлань, медым мездьсыны тайё адсьыс өдзөстөм жыръя, эновтөм, вөвлөм колхозса куканьяслөн джынвийё киссьөм сайкыд картаас. Сы бөрся — Модялэн Гачуныс, том на, но лукавнин мөс, а сэсся и мукөдыс, кодй кызд вермө, кырсьёны-пышйёны шыла кодь ныра лөдзьясыс. Весиг муөдзыс блоньялан вөраа Чернуклөн вөссьёлө кутшөмкө дзирьяөд гөгөрвотөм вын, и сийөс суөдны ог вермы, коть ордыисигьясө пыр медводдзаяс лыдын.

Некод кө оз аддзыв, тайё эськө и бур; мынлан недыр кезлө пастукалөмысь, но аддзыласны кө гырысьяс, ёна жө видёны скөтөс "картаын йирөдөмысь", весиг "штрапуйтны" на вермасны — мөд лун дорывы тшөктасны пастукавны.

Арьяывыв мөсьясөс видзны нөшта на сьөкыдджык. Сөрмөм-чорзьөм турунысь мөсьяслөн оз бурмы сьөлөмыс да найё отарө зильёны пырны вөрө. Кватлалыштасны шыранькытш, вөрса клевер, корья турун, и мыйөн пөгыштасны, кутасны вотчыны — гөбьяс корсьялөны. Он кө бөр бергөд, ыласасны тшакас, чөсмаласны да коть и гортад оз локны.

Отчыд Нёмыд ю вомын йирөдй мөсьясөс. Шожымка берегсө колхозса скөт подмөдтөдзыс йирөмаөсь, а Нёмыд ювомса нырд вылас найөс абу лэдзлөмаөсь да шыранькытша-бөбөнья туруныс пидзөсөдз. Виддзыс ыджыд стадаыдлы сөмын кезавны, а вит мөслы коть лунтыр йирсьы. Ок и йирсьыштисны сюрुकьяс. Лөддзыс шөр спас праздник бөрын гым-зэрнас уси нин, а номьяссьыд-өвадсьыд мөсьяслы веськодь. Йирсьёны пемөсьяс, дышиника бөжъяснас өвтчитгыр. Пөтисны, водөдчисны шойччыны. Ме пажнайтй жө да немтор вөчөмысь лэччи Нёмыд вылө. Посни чериясөс повзьөдла. Видзөда: кузькодь, ляпкыдик курьяө весьтөн-джынйөна кымын сир пырөма, шондй югөр улас ноужвидзө.

Берег вылас шытөг кайи, корси вакулач краж, лэччөдй пельпом вылын курья вомө дай и шняпки-томналы сирлысь петанінсө.

И мый сэнй лоис! Тувья сирпиыс кылыс кражлөн усигөн ваыслысь сыркунөмсө да лыыштис петанінас, а сийө и пөдса...

Ок и визьялис-гежмаліс жө курьясө, лэптис пыдөссьыс нуйтсө. Виччыштли, кытчөдз чериыс эз лөнъ, а сэсся и келалөмөн кутасьны мөдй. Ваыс сьөдгөрдөдз нин гудыртчис, сирпи кык-куимысь зутшкысьялыс кокө да кытчөкө нуйтас дзевсис. Ва сөдзыштөмсө виччыси да аддзи эськө, но кутны бара на эз удайтчы. Дыр тадзи өта-мөдкөд шыра-каньясим. А сэсся, тыдалө, дикмис гудыр ваас да удайтчис жө кутны. Нимкодьёйла чеччала. Көтөрөн кайи берег вылө.

Бипурйөй посни шомөдз ваймөма да кусөма, мөсьяс пышйөмаөсь...

"Аминьө, аминьө! Кытчө нө эськө нырьөвтчисны?" — мөвпала. Уськөдчылй Нёмыд берегтй увлань, сэсся кузякодь мунй ва катчөсыс — мөсьяс юсө абу вуджөмаөсь. Дерт, найё вөрас пырисны, вотчыштисны, а сэсся Давидлөн йөра кодь Сюрукыс код төдө кытчө стадасө нуөдйс.

Нинөмла вөлй грездөдз кайлынысө: йөрьясным бур потшөсьяс сайынөсь — непөштө мөс, ыж градьяс да кодза муяс вылө оз вермы пырны. Төда тайөс, но век жө кытшөвтй грездгөгөрсө муяс, кыккнитлй кукукьяслөн важ гидө — некөн абуөсь. Арьяывсө, лөдзьястөм нин да, сэтчө оз и пырав некутшөм пемөс. Төда нин тайөс, но корсьыссьө тай и сэтысь, көнй пөшти надейнө абуөсь.

Друг юрө бытгыө кучкисны:

"А Рөдь нөвина вылө кө мунісны? Водз ытшкылөм видз вылын небыд өтаваыс весьт джуджта нин туөма-быдмөма. Виддзыс көрт туй бокын... Грездө ветлан вөла туйсянь километр да джын сэтчөдз, вөла туй жө катөдө, дзык көрт туй боктыс... Петасны кө көрт туй вылас да тальяссясны?..

Регыд өд Айкинасянь Микуньё пассажирскөй поезд каяс... А поезд улас кө веськаласны? Уна-ө нө вежөр Чернуклөн юрас? И вөсъласыс

— мунё нисё оз, быттьо узё. Таляссяс кё кодлөнкё мёскыс, ёд асланым Сярукён ковмас мынтысьны!" — пёсьо быдсён шыбитліс тайё мёвпсыс.

Лов тырёмён котёрті Рёдь нёвиналян. И удиті ёд поезд прёйдитгёдзис кёрт туй вывсьыс, грездладор боксьыс лыасё котёртігмоз видзёдавны. Мёсьяслён кок туйяс эз тыдавны.

Видзёдытём местаыс, менам чайтём серти, ёти коли — Шожым горувса муяс. Сэні и кёдзаясыс, и капуста да анькытш муяс колхозыслён потштёмось. "Сэнёсь кё ёд мёсьяс да веськаласны кё кодлөнкё син улё, мамлысь гожёмбыдья трудоденьяссё пётравасыс циркасны!

Нинём бурджыкыс оз ло, кодкё кё ас грездса сэтчөс муяс вывсьыс мёсьясөс вётлас да пёпуттьо гортё вайёдас. Ас грездса, дерт, колхозса начальствоылы оз кутны удтысьны, но мёсьясөс мёд лун, кызди штрапниклы, видзны ковмас быть", — майшася-шогся нин водзвыв.

Котёрті Шожымлян, кытшовті мянладор став муяссё — мёсьяслён кок туйясыс абуось. Бөр кайи грездө, вөр пырыс локті кань маз пывсян дорё, а өшинь улын мый вөчсьо! Грездса бабаяс, ставныс кёрт туй вылын уджалёны да гортанысөс нин квайт час рытнас, топёдёмаось чойясөс:

— Мёсьясөс колё лысьтыны, а көнөсь найё? Көні шпана-вокыд? Небось, воштіс скөтсё да дзебсясьо ёні көнкё пёсийла, турун пытш-кад! Корсьлөй!

— Корсьөй, колөкө, пырөй да! — ыджыдджык да, абуджык полысь да, воча щөтитчө Рая чөйөй, но менё, кыла, оз жё дорыы: — Волас сійө талун, тасмаён и кула!

— Кульнысё куль, колөкө, а мёсьяссё корсьөй да вайөдөй! — стрөга тшөктө Модялөн мамыс. — Саньё, мый сэн дуввидзан? Мун вок дінад, төдөмысь, сійө көнкө матын, кывтыд либө катыд пурысь бокрын пукалёмөн мёсьяслысь локтөмсө кыйөдө!..

— Да-а-а! Аддза ме сійөс кыськө? — бөрддзис Саня чөйөй. Пемдыны нин кутіс да, төда, полө сійө вөрланьыс өтнас мунны.

Кыла, быд ногыс менё видёны-вөчөны-ыдждөдлөны, и некод дорьяна кыв оз шу, но мёсьясөс өтвыв корсьём йылысь некодлөн жө дум абу. Мам колхозсьыс пемыдөн нин воывлө, а сійө эськө өтнас көть кытчө мунас: оз пов ни пемыдсьыс, ни шуштём пармасыс. Сыкөд эськө корсим, но он на босьт — өтнамы ковмас.

Кынём вирдалө сямалө, но он на гортё нянь торлаыд пырав, кор өшинь улын татшөм войнаыс мунё. Вөчны немтор, йөзыслы синъяс улас петкөдчывтөг довги катыд йөр помлян вель ылөдз. Биаслі кос росьясө, жариті сирпиөс. Но совтөгыд да няньтөгыд өдва и кылаліс, а бөрнас весиг вукөдны кутіс. Пөтөм пыдди, кажитчө, ёнджыка на кынёмөй кутіс сямавны.

"Нур ни көр абу вөлөма тэнад, а кызди коньялін! — скөрала, быттьо чериыс мыжа.

Дыркодь сулалі кусём бипур дорын: гортё мунны оз позь, а кытысь корсьны мёсьясөс, ог жө вермы вежөртны.

"Вөрын, дерт, ёні оз шөйтны... Мёсьясыд абу каньяс, войнас налы тшакыс оз жө сюрава, — мөвпала ас кежысь. — Узьмөдчисны, көнкө, кутшөмкө дзоляник видзтор вылө... Кытчө нө эськө?.. Кывтыдсө ставсө лои гежмалөма-ветлөдлөма. Сідзкө, катыдлань нырөн кө, Нёмыд вом нырдсяньыс кё сетчисны ю катыдланьыс, кытчөкө грездсянь катыдланьё и узьмөдчисны... Кытчө нө эськө? Гөгөр ёд сук козья вөра парма. Сэні весиг туруныс оз быдмы, а сөмын керка лэптан шепта нитш, пидзөсөдз. Ош нитшкөн мяян сійөс шуёны... Кытчө нө, кытчө нө, вежөртөмьяс, воштысинныд? Гортө кё эськө локтінныд, быдөнлы на помөй ведра лишаліс, а со, узьмөдчинныд вөрын, йөраяс быттьо! Тыпу! Кытысь и корсьны, кытысь и корсьны?.."

Тадзи юрос жугліг-мөвпалігырйи эг и төдды, вөсьлавсьө вөлөм

менам Ванюк туй кузя Шожымкалань. Видзьяс вылөдзыс ылын — сизим километр, и, дерт, сэчөдз мөсьяс эз мунны...

"А Туйвыв йөнөдын кө узьоны?" — воис юрө лача кутан мөвп. — И матын сэтчөдз, кык километр вөла туй кузя... Котөртла! Чайта, сэнөсь!"

Но Туйвыв йөнөдын мөсьяс эз вөвны. Бө-өр ризөді-котөрти гортлань туй джынсө. Синьяс кольча кодьось, туйдорланьысджык быдмысь быд коз понөль, вужля, быд мыр ошкөн чайтсьоны, сырма-пола, а со, рөкыс суис да быть пемыдсө повзьөдлы.

Горув йөнөд весьтө вои. Туруныс сәні пырей сора, но зэв төзьось, некодлөн пө төвнас мөскыс оз сөй. Арбыднас төлөдзыс вөрса видз вылас нөшта на тшыкыштас. Некод тайө видзсө оз и ытшкы. А миян Сюрук сөйө, көть джынсө кок улас лэдзө жө, вольсө вөчө, но сөйө. Ми сөмын тайө куим дзоляник додюла видзсө и пуктылам.

"А Горув йөнөдас кө мөсьясөй? — воис юрө мөвп. — Сөмын сэтысь и коли видзөдлыны, а сәсся, войнад, дзик некытысь корсьны. Быдлаысь өд нин лои гөгөртөма-видзөдлөма... Эз сюрны тай-мөсьяс, эз сюрны... Аски выльысь ковмас пастучитны... А ошьяс кө сөйисны? Сэки мый? А өти сайысь и менө кө сөясны? Овис тай! И колө жө, гожөмнас Модялы шулі: мед, мися, Гачуньтө ош косявлас! А збыль кө косявліс? Тшукис кө кывйөй? Скөрмөдіс да шусис, а вот!.. — дыр сулалі. Тшем вөрас пырны пола и гортын менө нинөм бурыс оз виччысь. Öвтышті киөн. — А-а, помыс, тыдалө, өти..."

Чежи Ванюк туйысь, лэччыны куті Горув йөнөдлань кадья, чукалялысь векни ордым кузя. Воськов дасмуна и джөмда коз пулөн кер кодь вужйө, өкрөметяся кымынь. Чукалялысын и пуө люкасыла — сэтшөма нин пемдіс. А кымынысь өд йөнөдас лэччывлі куртны и зорөд таявны. Төлкыс этша на вөлі, но сэтчөс номьяссө вердлі, туйсө төда...

Коркө вои жө йөнөдө, пыри видз вылас. Неуна и мунышті — сьөкыда ружтыштөм шыяс өтчыд-мөдысь кывлісны...

"Ошьяс?" — воис юрө зэв повзьөдлана мөвп. Джөм сувті. Водзө кокьяс оз воськовтны и бөр гортлань котөртны ог лысьт — вөтөдасны өд! Дыр тадзи сулалі. Кыла, неылын бара ружтыштіс, дівсмуні мыйкө кызөктөм сямөн...

"Да тайө жө Чернук, Матвей гөтырлөн древлөыс! Сійө шойччигас пыр тадзи ышлолалө, кызөктыштавлө и... Кук йөр кодь ыджыд да кодзыд гидас өтнасөн олигас кызөдан висьөм көласьөма, — кывзысьышті нөшта. — Бара дівсмуні-кызөктыштіс. — Чернук! Чернук тайө, Чернук!"

Вынысь опөсті-горөді. Непөштө видз вылыс, матігөгөрса вөрыс шызылыс. Кузь бадь ньөр чеги да варыш моз усыкөдчи мөсьяс вылө. Давидлөн Сярукыслы өтчыд мыш кузяыс сюрлі, кодөскө кыкысь-куимысь ньөрийыс малыштіс. Öдйө тай унзильсьыныс пальөді-чеччөді, веськөді гортлань. Ньөрийөн пуясө швучйөдла, нимкодьөйла горза, вөрсө шызьөда, ошьясөс, думысь, весьөпөрта. Öні сәсся абу нин өтнам, мөсьяскөд, да и радлуной помтөм — некутшөм полөм нин абу. Ванюк туй вылө петім да мөсьясөс гөнечөн мөдөді. Чернук, пак вывтыс сөйөма да, мясянь воськов-мөд ылнаын котөртө, ньөрийыслысь көрсө некымынысь на видліс. А мый, дикйөдлісны-дөзмөдлісны этатчөдз да. Чернукуыс на, төдөмысь, и узьмөдчынысө чуйдіс, гортас локны эбөсыс быри да?

Грездын быд мөскөс гортөдзыс коллялі.

— Мө-ө-өс-тө йөртө-өй! — горза, мед оз чайтны, мый найө асьныс, вайөдтөг локтісны.

Мам гортын нин вөлі, пыр и лэччыліс лысьтысьны. Но мөс вөра йөвсө юышттөм лои. Шоньд паччөрысь чукавнысө абу вермөма...



Мускын изъяс

НЮМСЕРӨН

Веськөдчис Моровоса дачаясө медбөрья автобус. Позьо кө тадзи шуны нюраинө óta-мөд бердас жмитчөм, кыздсюрө пөжалөм керкаторъяссө. Овлө быдсяма тешкодьторыйыс. Шуам, кодкө нуөдас аслас "мича дача" вылө дона гөстьөс. Тшайөн чөсмөдлас. Карса морт свежөй сынөдсө апыштны петалас. Вөчас нем думайттөг бокөджык некымын воськов, и ылалө. Быттө сьөд вөр шөрө вошө. Көть караул горзы, көть мамтө чуксав, пемыд ззра войө либө төвся кадө кө суас татшөм неминуचाыс. Керкаяс и уличыяс өткодьөсь, быттө казеннөй кабала вылын пасьяс. Йөз некод оз тыдав, сөмын паныдасьялөны эновтөм понъяс да каньяс.

Со татшөм пөраө, сёр арын, ме мөдөдчи вылын казьтыштөм местаясө, стөчджыка кө, аслам көдзыд позйө.

Автобусын пөшти некод эз вөв, сідзкөн талун рыт оз кутны төдтөм йөз йиркөдчыны өдзөсө, юасьны воштөм өртныссө. Медводз юрө кучкис тайө нимкодь мөвпыс.

Меститчи автобус шөрас. Ме водзын, вөлөм, нөшта кык дядьө пукалөны. Найөс дзык пырсө эг и казав. Сэсся сюсьджыка видзөдлі на вылө, нем вөчөмысь кывиз варовитөмнысө. Гораа тяпөдчөны. Автобусын пөшти некод абу, да збойөсь.

Өтиыс резинөвөй сапөга, сальзьөм фуфайкаа, сэтшөм жө кепкаа. Ачыс вир-яйнас косіник. Мөдыс ыджыд, ош кодь. Сөстөминик көмпаськөма. Кепкатөм. Гожъялөм юрчукыс ляпмунөма, няр. Кушин сэнї югзьө, быттө войын төлысь югөр веськалө. Сёрни сертиныс позис чайтны, мый найө, буракө, зэв нин важся өртъяс.

Здук найө олыштисны чөв, сэсся пансис вель сёрни.

— Мый нө рытнас кутам керны?— юалис косіникыс.

— Пачтө ломтан да волы. Доз эм.

— Ог. Меным оз позь.

— Век тай нө позьліс.

— Талун больничаө ветлі рентген вылө. Эсійө вель машинанас гөгөр югзьөдісны.

— Но и мый?

— Мускысь изъяс аддзисны.

— Уна?

— Ме тэ моз жө юалі врачыслысь.

— Но и мый врачыс вочавидзис?

— Тырмас пө тэ вылө.

Здук олісны чөв. Сэсся шыасис кызыс, быттө зэв төдчанатор шуис:

— Кысь сійө вермис артмыны?..

— Изъясыс?

— Да... — дөжныштис ош кодь дядьөыс, и бара ыджыд думө уси.

— Чайтан, бур изъяс найө?

— Код төдас, гашкө, изумруд новлөдлан гырк пытшкад!

— Тэ өні шпыннылан, а мыжаыс өд тэ, став тэ коддьом идеёлогыс, — бөрддзана гөлөсөн чилөстис косінікыс.

— Мый тэ? Мый тэкөд, Веня? — өні нин повзис кызыс. — Ме эг лөкыс сідзисө шу, шутка ради шусис.

— Помнитан, кызди тэ измъяснас шыбласин трибуна вывсыньыд... марксизм... ленинизм... коммунизм, сталинизм, троцкизм... тьфу! вомө косьмөма... — ородіс косыс.

— Мыйөн сійө измъясыс тшыкөдісны тэнсыд мустө? Измыс да изыс торъя кывъяс! — кужөмөн вочааліс ыджыдыс.

— Воам на сэтчөдз, эн тэрмась. Сійө измъясыс сэтшөма гудралісны миянлысь вежөръясынымөс да сьөктөдісны оломсө. Сэсся тэ кодь измө трутеныс мөвпыштінныд шинаяс, медым сійө сьөкыдгорсө водзө сөвтны да кыскыны.

— Тэ менө, Веня, инфарктөдз вайөдан. Кутшөм шинаяс йылысь сёрнитан?

— Но! Пыркнитлы өгөссьөм вежөртө... Брежневщина, штурмовщина... но, нөшта содты шинаяссө, менам вунсьөма.

— Кутшөм шинаяс ме тэныд вая. Ме абу шинной завод, — кыз дядьө босьтис рюкзаксө да вешыс мөд пуклос вылө. — Дыш меным тэнсыд йөй сёрнитө кывзыны.

— Яндзим лои! Пышйин? — горзис ёртыс. — А помнитан сплошной химизациясө? Вуграсигөн самолётсыныс сэтшөма брызнитис ме вылө виж дустыс, выль брезентөвой куртка ковмис шыбитны, сідз эз и мын, көть кызди пожьялі. Капуста вылысь лёльбөксө вөлөм вионы, а му дорас тыс и вөлі. Став черыис и көчыс кытчөкө сгинитліс. Мыйта нитратсө да нитритсө панялім картупельнас да мукөдторнас. Сыысь и менам мускө изьясыс өкмисны.

— Менам тай сьөлөм висьө жө, да ог пойгы. А мыйта государствоыс тэнө весьсө вердіс! Вунөдін?

— Кызди весь... нитратнас али мый? — эз өвсыс кос дядьөыс.

— Хрущёв дырйи няньсө столөвөяс дон босьттөг пызан вылас пуктылісны.

— Вөлі өти кадө, вөлі. Сыысь аттьө Хрущёвлы.

— А патератө весь жө сетісны! — ыззис ён дядьө.

— Пенсия вылө петігежлө сөмын өчередыс воис.

— Көть эм коні кувнытө. Он нин пон моз туй бөкө нюжөдчы. Шоныдінын пезьдан! — крукыштіс, кызди сяммис, ёртыс.

— Витөд этаж да быд зэр дырйи виялө, — быттьө депутатлы норасыштіс косыс.

— Вевтсө дзоньтышты аслад сямьд абу?

— Сямма эськөн... Витөд судтаад, вевт вылас, қайнысө ог нин лысьт. Мыйөн ещө укөритан?

— Челядьтө дон босьттөг государствоыс велөдіс, көть некоді специалистөн эз ло. Юны сөмын велалісны.

— Тэнад сюсыджыкөсь? Блат серти жө өд институтас инасисны.

— Ша! Ме вугыртылыны көсья! — чорыда керыштіс кыз дядьө.

Сэсся дыркодь мунім чөла. Медбөрын косінікыс бара шыр варыш моз уськөдчис ёрт дінас:

— Кызди сэсся өні тэнад измъясөн да шинаясөн капиталистическөй рельсыяс вылас вуджны кутам?

— Кызд көсьян... сөмын менө эн вөрөд, — унзіля вочавидзис мөдыс.

Автобус виджнитис тормозьяснас да сувтіс кытчө сылы век урчитөма. Ми, сёрмөм пассажирьяс, веськалім пемыдө да буситысь арся зэр улө. Быдөн довгис-разөдчис аслас позйө.

Ме ломті пач, пузьөді чай, нурьяси мый ки улө веськаліс, да заводити лыддыны медся гажтөм книгасө, медым өдйөджык сибөдчис унзілыс.

Кодкө збоя заводитис нетшкыны ывлавыв өдзөсөс, быттьө аслас гортө воөма. Биалі коридорсө.

— Веня, восьт! — тōді автобуса кыз дядьолысь гōлōссō. — Юрō
воис выль мōвп...

Ме эг тэрмась ōдзōс каличō восьтны.


— Мый, узян нин?.. Сідзкōн, ōдзōс пырыс и шуа, мед ог вунōд.
Тōдан, мыйла ми ас кадō згō вермōй быдōнлы сетны патерасō, кōтъ
сэтшōм могыс вōлі. Ачyd гōгōрвоан, ми сэки лэптīm ōттшōтш кык
ыджыд стрōйба: ōтыис — социализм, а мōдыс — коммунизм. ōтысō
пōшти помалīm, а мōдыслы сōмын фундаментсō пунктīm. Ачyd тōдан:
кор кык кōч бōрся вōтлысян...

— И кыкнаныс лоины недостройōн... — ме восьтī ōдзōсōс.

— Извинит... — вашмуніс гōсть. — Ме ōтнам дозсō джынъялі и
окота лои Венякōд кывбертны. Пемыдас сорсьōма. Ещō извинит...
Тайō кутшōм общество?

— "Ракета"

— А сійō "Космосын". Тасянь, сідзкō, абу и ылын.



И тайӧс колӧ тӧдны

Вит во сайын важ газетъяс виддалігӧн аддзи Сибирса коми морт Михаил Васильевич Никулинлысь кык письмӧ. Ӧтисӧ гижӧма рочӧн, йӧзӧдӧма "Зырянская жизнь" газетын 1920 вося декабрь 1 лунӧ.

Михаил Васильевич гижӧ: "Чолӧм Сибирсянь! Кор меным уси шуд босьтны киӧ "Зырянская жизнь" газет, сьӧлӧмӧй менам кутіс радысла тӧпкыны тэрыба-тэрыба. Тані ми, комияс, морт 2.000 кымын, олам тотараяс пӧвстын. Некутшӧм югыдлун абу. От тӧдӧй весиг, кыззи олӧны миян коми вокъяс ылі войвылын. Ёргъяс, коми уджалысь йӧз! Чолӧм тӧянлы мясянь и Рытыввыв Сибириын олысь комияссянь".

Мӧд письмӧсӧ йӧзӧдӧма "Югыд туй" газет нин 1921 вося август 25 лунӧ. Юрнимыс сьлӧн: "Коми гӧлӧс ылі мусянь". Михаил Васильевич гижӧ:

"Быд праздник рытӧ ме ордӧ локтӧны мужикъяс, бабаяс да челядь, тшӧктӧны лыддыны коми гижӧд. Ме унаысь налы лыддывлі комиӧн "Удж" газетысь¹. Мукӧдторйыс зэв тешкодъ налы кажитчас. Ас кывтъя гижӧдтӧ ставныс зэв сьӧлӧмсянь кывзӧны. Лыддӧм бӧрас мукӧд-дырйыс кодсюрӧ зэв сьӧкыда ышловзясны да шуасны: "Коркӧ эськӧ и ми вӧвлім тшӧтш ӧти семьяысь-да. Миянлы век на муса ас коми кывйыд, эгӧ на сійӧс вунӧдӧй, кӧть ми вӧжӧн нин торйӧдчылім наысь (гашкӧ, сӧ воысь нин унджык) да олам роч да тотара пӧвстын.

Зэв эськӧ коми кывтӧ став коми йӧзыс тані радейтӧны, да сӧмын нинӧм вылысь лыддыныыс: некутшӧм коми книга абу. Талун лыдди налы 1 номер газет "Югыд туй".

Ми тані, коми уджалысь йӧз, кутам вочасӧн ордымасьны — югыд туй вылӧ петны. Миян ыджыд надея: Коми автономия отсалас миянлы тшӧтш югыд туй вылӧ сувтны.

Кӧть тані лёк на — коми кыв рочьяслы серам туйын олӧ — ми ас коми кывйысь огӧ яндысьӧй, ог полӧй!

Мед жӧ олас Коми республика!

Мед лоӧ югыд туй коми уджалысь йӧзы!

Сибирса коми М. В. Никулин.
Ялуторовскӧй уездса Ивановка сикт".

Михаил Васильевичлысь письмӧяссӧ мӧдӧдӧ Тюмень областъяс Ялуторовск карӧ. Сэні письмӧяссӧ пыр жӧ печатайтӧмаӧсь "Ленинский путь" нима районнӧй газетӧ. Регыд и воис коми ногӧн кырымалӧм письмӧ. Вань Миш Ефим Вась (Василий Ефимович Попов) гижис: Ялуторовскӧй районса Ивановка сиктын пӧ Никулинъяс абуӧсь. Ефим Васьыд вӧлӧма Сибирса комияслысь олӧм-вылӧмсӧ туялысь. Сьлӧн весиг петалӧма неыджыд книга (рочӧн, дерт) "Ветераны". Книгасӧ ыстис меным. Сэні унатор висьталӧма. Мыйсюрӧ сэтысь босьтышталі да вайӧда тані.

105 во сайын (книгасӧ лэдзӧма 1990 воын), 1884 вося июль 6 лунӧ комияс пуктісны подув асланыс сиктлы. Сідз шусяна Иван Купала праздник лун кузя (важ стиль серти сійӧс пасйылісны буретш июль 6 лунӧ) и сетісны сиктыслы Ивановка ним.

Тюменьса областнӧй библиотекаын пӧ, юӧртіс Ефим Вась, эм

¹ Газетыслӧн нимыс сэки буретш вежласис: 1921 вося январь 1 лунӧдз петіс "Зырянская жизнь", сәсся июль 15 лунӧдз — "Удж". 1921 вося июль 15 лунсянь лӧи "Югыд туй".

книга, кодї петёма 1911 воын. Нимыс книгаыслөн "Материалы по землевлaдению и экономическому быту оседлых инородцев в Тобольской губернии". Сэні индёма: 1841 вося июлын Вологодской губернияыс воом 424 мортлы сетёма 15 десятинаа норма серти 7.950 десятина бур му да 1.358 десятина¹ кодзны шогмытём му. Öнi сэни Александровской сикт.

Крестьяна мунисны важ олан местаяссыс корсыны бурджык олайн. Кыпöдисны та вылö и Сибириын бур олём йылысь сёрни: сэни пö позьö öдйö озырмыны дай правительство пö отсалö.

Кутшöм вöли сийö местаясас мöдар югыдö кодь мунöмыс да сэни олöмыс, висьталö М. Е. Салтыков-Щедринлөн "Губернскойö очеркъясыс" öти стареч, кодлөн дедыс во сё сайын пышйöма Ыджыд Роч муыс да овмöдчöма Пермской губернияс кöрт вöчан заводын.

"Пышйисны найö сийö кадас сиктъясöн, кодї ыли море дорö, кодї Сибирса муяс вылö. Но кöть и шогмытёмöсь вöлины сийö муясыс, но быттьö Енмыс бур олём налы индiс. Быдтор вöли тырмымөн: и вöрын зверяыс, и быд сикас чериыс, и видз-муыс — некутшöм тырмытёмтор либö дзескыдлун эг тöдлöй. А медся тöдчанаыс — йöз костын волысьöм да дружитём вöли. Ме на помнита сэни райын кодь олöмсö. Эз вöв некутшöм вензьöм ни завидьтём, ни юом; кабак да мукöд сэтшöм заведениеяс лоисны сöмын бөръя воясö. Эз чег мянöс вын ни лөк кыв. А кабак кисьтiс-жугöдiс ставсö — збыль тайö".

Тюменскойö областъса Ивановкаад 1894 - 95 воясын став олысьыс вöлöма 512, а на лыдысь комияс — 480 морт. 90 во мысти, 1986 воын, став олысьыс вöлöма 609, а комиясыс на лыдын — 509 морт. И ещö Василий Ефимович пасйö: "Ивановка сикт шöрын эм памятник, сэтчö пасйöма 70 мортöс, кодъяс усины Великойö Отечественнойö война фронтъяс вылын. Сэни 63 овыс коми".

Гижасьöмыс менам вöли вит во сайын, республикалы 70 во тырём водзвылын. Ме эг сöмын Ефим Васькöд гижась. Пöсь, сьöлöмысь петан кывъяс гижис Евгений Васильевич Волков, кодї 30 во сайын волöма дед-бабыслөн чужан муö. Сийö медводз шыöдчис менам письмö вылö, гижис, кыдзи овмöдчылöмаöсь выль местаын ыли Коми мусянь локтысыяс. Батыс та йылысь кольöма весиг гижöдтор. Первойсö, дерт, сьöкыд вöлöма, а волöмаöсь дедъясыс коркö 150 во сайын. "Менам дедъяс зэв уджач да тöлка йöз вöлöмаöсь. 50 во мырсьöм бöрын прамой озырöсь нин лöмабсь. Волöма первойсö öтнас Михаил Волков, а сэсся и вокъясыс. 1900-öд воясö налөн вöлöма нин кык судта керка, 10 - 12 вöв, 25 мös да кукань, ыжъяс. Гöрисны-кöдзисны, кыскасисны... Миян став котырыс öнi 15 морт — мужичöй рöдыс, верстьöйс — 11". "Гöгөрвоана, эз быд семьялөн овмöсыс татшöм вöв, — содтö Е. Волков. — Армияын служиттöдз и ме олi сиктын, ичöтсянь велалi вöдитчыны черөн и пилаөн, косаөн и плугөн.

Переселениеыд эз сэки заводитчы и эз сэки помась. Сибирад мунöмыд заводитчылис XVI нэмын, кор ыли муяссö öтувтiсны Россия дiнö. И пыр сийö содiс. 1861 - 85 воясö европейскойö юкөнса губернияысыс мунисны Сибирö 300 сюрс морт, 1886 - 1905 воясö нöшта 1.520 сюрс морт. 1906 вося март 10 лунö переселение йылысь индöдъяс йöзöдöм бöрын квайт во чöжөн мунисны Сибирö 2.500 сюрс морт. Кытысь та мында йöзыслы бур муыс, озырмыны позянлуныс? И, гöгөрвоана, 1911 воын бөр воисны гортас 1.500 сюрс рöзöритчöм переселенец. А мыйта йöз бöрсö эз вермыны воны, кулисны висьöмъяс да тшыгыалöм вöсна.

Евгений Васильевич, дерт, эз тöд та йылысь. Эз тöдны и батыс да дядьясыс, кöть и аддзылисны асланыс серти йöзыслысь мöд ногаджык олöмсö. Но да ладнö. Лыдпасьяссö ми вайöдiм сы могысь, мед кöть кутшöмакö тöдны йöз муö мунöмысь да сэни олöмысь кöрсö. Тайöс тöдмалöм бöрын лöб гöгөрвоана унатор. Евгений Васильевичыд

¹ Десятина — важ роч мера, 1,09 гектар.

гижö: менам пö эм некор вунöдытöм мөвп — нöшта öтчыд волены сэтчö, кытысь 156 во сайын мунисны Сибирö дедъяс. Ичöтдырсянь пö помнита коми кывбур:

Шондi петiс, вылö кайис, —
Олö ставнас Коми му.
Сьöд вөр ворсö, сьöд вөр сьылö,
Шывгö лöня кöдж дор ю.

Сьöкыд висьтавны, кытысь тайö. Мыйсюрö уськöдö тöд вылö Нёбдинса Витторлөн "Ныв шог" поэмаысь поэтической серпасъяссö... Гашкö, и сэтысь. Дырнад öд строкаясыс мöд ногаджыкөн вермысны лоны. Код төдас.

Бур, мича кывъяксөн эссся шыасис вöвлöм учительница Надежда Яковлевна Столярик. Сийö радпырысь пасйö: комияс эз вунöдны асшыныс кывсö, олан сямсö, сьланкывъяс. Уна семья миян интернациональной. Но комияслөн гöтыръясыс, кöть кутшöм национальности найö эз вöвны, тöдöны коми кыв, верöсыс кö коми.

1991 восянь Ивановкаса школаын кöсийсны велöдны коми кыв. Судзöдисны коми книгаяс, виччысьöны нин вöли велöдысьöс. Артмис али эз тайö — ог төд. Кольöм вит воис эз выльторъяс лöсьöдан кад вöв, а став бурсö, водзджык лöсьöдöмсö кыстан да бырöдан кад вöли.

Но коркö-некоркö воис письмö и М. В. Никулинлөн племянницаынь — Нина Фёдоровна Подкопаевасынь. Сийö ставсö стöчмöдис. 75 во сайын "Зырянская жизнь" да "Югыд туй" газетъясö письмöяс гижысь Михаил Васильевич олис Староалександровка сиктын, а 1919 - 21 воясö уджалис Ивановкаса волисполкомын. 1991 воын ловъя на вöли М. В. Никулинлөн гöтырыс — 94 арöса Мария Петровна.

Михаил Васильевичлөн вöлöма куим вок — Степан, Александр да Фёдор, и Клавдия чой. Степанöс да Александрöс 1921 воын виисны белогвардеецъяс, асьсö Михаил Васильевичöс 1937 воын пуксьöдисны тюрьмаö да кувсис лагерьясын. Медся ичöt вокыс кувсис 1984 воын. Абу нин ловъя и Клавдия чойныс.

М. В. Никулинлөн пи да ныв — Дмитрий да Клавдия — уджалсны асланыс сиктса колхозын, а сэсся совхозын. Öтиыс шофёр, мöдыс — главной бухгалтер. Некоднаныс нин абу ловъяöсь. Со татшöм коми газетö гижысьлөн судьбаыс. Сийö весиг матö оз сибав Ефим Вась рöдвужлөн судьба динö...

"Ме, Нина Фёдоровна Подкопаева (М. В. Никулин воклөн ныв), — гижö ас йывсьыс племянницаыс. — 56 во вылö петi, пенсия нин сетöны. Пыр уджалi асланым сиктын, дзик некытчö эг ветлы. Бухгалтер-экономист. Ола öтнам, ныв уджалö кöнкö войвылын, а войвылыд миянсянь абу ылын"...

Ассьыс письмöсö Нина Фёдоровна помалö Сибырын олысь комияслөн талунъя да аския олöм да могъяс йылысь пöсь кывъясөн. Вит во сайын письмöтö гижигөн, дерт, виччысис бурджык олöм. "Ми кöсьям тöдны миян рöдвужлөн чужан му йылысь, кывлыны мича коми кывнымöс, тöдмавны нэмвöйся дай выль коми культурасö. Колö эськö ставсö тайöс ловзöдны и танi. Та могысь колöны тöдысь да кужысь йöз, ковмас пуктыны уна вын. А миян олöмаджык йöз ёна кöсийöны, мед кöть кыдзи предмет пыртiсны школаын коми кыв велöдöм".

Ставсö тайöс мича вöтөн позьö шуны. А мича вöтыд некор оз збыльмыв. Оз та вöсна вись юрныс Москваса Кремлын пукалысь правительяслөн да татчöс помтöм уна кабинетъясын ноксьысь "олöм карысьяслөн". Бөръяясыс коми кывтö да коми культуратö сэтчöдз ловзöдисны да озырмöдисны — нель коми газетлөн öтувъя тиражыс лои öти "Выль туйöд" газетлөн коркöя тираж мында. Муртса нин лолалö и "Войвыв кодзув" журналным. Коми книгатö öни вермасны ньöбны сöмын выль буржуйяс, но налы коми книгаыд оз ков, найö коминад оз шпрекайтны-варовитны. Та вöсна и тупкысян выйын Коми книга лэдзаниыд. Коми книга разöдысьсö (Коми книготоргтö) бырöдисны.

Но водзё нуоддэм гортсыныс выльао овны мунысьяс йылысь сёрнинымос. Тайо шогё уськөддис и Коми муын 20 воясьяс веськөддысьясос. Та йылысь гижлісны 1923 - 25 воясө дай сёрөнджык Д. Селиванов, М. Минин, Я. Потапов, тшөтш и Нёбдінса Виттор да унаоң мукөдыяс.

1923 вояся сентябрь 18 луно "Югыд туй" газетын петіс Я. Потаповлөн статья "Дугөдны переселение". Гижөдсө помалөма татшөм кывъясьон: "Быд мортлөн ыджыдысь-ыджыд мог — олодны найос, кодъяс тыр-бура мөвпышттөг лөсьөдчөны мунны чужан муысь. Оз ков думайтны областысь мунөм йылысь, а колө сёрни кыпөдны областё локтысьяслысь лыдсө содтөм йылысь. Миянлы колө чуксавны Коми областё сідз жө, кызди тайос вөчөны Мурманскөй губернияын. Миян областысь тайө торйөн нин колана". Төлысь мысти Я. Потапов бара гижө "Югыд туй" газетө: "Нөшта өтчыд переселение йылысь".

1924 вояся декабрь 24 луно газетын бара передөвөй статья "Быль местаясө овмөдчыны мунөм йылысь". Газет чорыда шуө: "Оз ков тайос вөчны. Колө кыпөдны асьыд овмөс кооперативъяс да товариществояс пыр".

Нёбдінса Виттор некор эз сулав бокин гырысь вопросъяс йылысь сёрни нуөдигөн. Сійө "Югыд туй" газетын йөзөдө неыджыд гижөд: "Коми сикт"* пөръяліс". Виктор Алексеевич пасйө: "Коми сикт" пө абу тыр-бура висьталөма переселенеңъяслы льготаяс йылысь. Абу индөма, кытысь да кытчө позьё мунны. РСФСР-са наркомземлөн план серти Коми областысьяс оз вөлөм пөш мунны".

Мед гөгөрвоны, мыйла сэтшөм ёся сувтіс сэки тайө вопросыс, вайөдам джендөдөмөн С. Коноваловлысь статья "Мыйла Емваса олысьяс мунөны Сибирө?" Статьясө печатайтөма 1928 вояся "Коми му" журналлөн 3 номерын. Статьяяс унатор висьталөма коми йөзлөн сэкся олом-вылом йылысь. Тайос колө төдны, мед коть сійө кадсяныс и коли матө 70 во.

"Емвасянь Сибирө медводдза мунысьясыс лоины 1922 - 23 воясө, — гижө С. Коновалов. — Овмөдчисны найө Минусинскөй крайын (коді өні пырө Красноярскөй крайө. Минусинскыс Енисей ю дорын кар. Тайө местаясө торйөн бура төдөны сэні В. И. Ленинлөн ссылкаын олом серти, — Г.Т.). 1923 воын сэсянь некутшөм юөръяс эз волены, но сиктъясын сёрнияс вөліны. Öтияс висьталісны, выльао мунысьяс пө овмөдчөмаөсь бура, мөдъяс шуасисны — зэв пө лёка олоны. 1924 воын письмөяс и кыкнан сёрниясыс збыльмисны. Збыль, өтияс овмөдчисны бура, налы сетісны му, лөсьөдісны вөвъяс, стрөитісны неыджыд керкаяс и сөйөны нин асьыныс нянь. Сэк жө мукөдыясыс нинөм эз вермыны лөсьөдны. Асьныс уджалісны озыръяслы, а челядыс — корисны.

Но емвасаясөс ышөдісны бур юөръясыс, и 1925 вояся тулысын Вылыс Отла, Куавидз, Кони, Анюша, Кыркөтш да Турья сиктъясысь 30 сайө семья вузалисны эмбурсө да керкаясө и мунісны Сибирө.

Сибирө мунысьяслөн рөдвужыс дай сиктса олысьяс терпитны вермытөма виччысисны юөръяс, кызди овмөдчисны Сибирө мунысьяс. Сетісны юөръясө зэв видзчысьөмөн, абу пө кокни овмөдчыныыд, уна сьөм пө колө. Но сэк жө корисны волены, видзөдыны налысь вель оланінсө. Ветлысьяс вөліны. Сэтчө жө 1926 воын көдзаяс эз вөвны бурөсь, нянь этша воис. Сійө воас и вөрса прөмыс эз вөв бур — уртөм во. Этша медалісны и сортовка лэдзны (шуөны тай: неминучаыд пө оз өткөн ветлы, — Г. Т.). Та вөсна 1927 воын Емва бердса став сиктъясысь нин мунысьяс лоисны — 50 сайө семья.

Гөгөрвоана, быть колө төдмавны талысь помкасө. Виз, Шошка, Онежье да Турья сиктъясын став олысьясыс 6.000 сайө морт. Асланыс олан сямөн емвасаяс нинөмөн оз торъявны Эжва бердса олысьясысь, а уджалан сямыс емвасалөн мөдджык. Эжва пөлөн

* Быд вежон өтчыд "Югыд туй" пыдди вөлі петө "Коми сикт" газет.

олысьяс медясё видз-му уджалёны, сы помысь олёны, а емвасаяс медясё кыйсьёны да вөр дорын уджалёны — сортовка лэдзёны.

Революцияёдз емвасаяс быд во 8 - 9 төлысь уджалісны вөрн да кыйсисны. А өні сійё жё уджыс оз сет колана мында нажёткасё. Мыйла? Босьтам кыйсьёмсянь. Урлён доныс өні 7 - 8 пөв ыджыдджык, но кыйдөсыс пыр чинё. 15 во сайын некутшөм сьёкыдлун эз вөв кыйны 100 ур, весиг вөрас гортсянь ветлігөн. А өні сы мында урсё верман кыйны сөмын 2 - 3 төлысь чөж вөрн келаліг, дай он на быд во 100 уртё вермы кыйны.

Во кызь-комын нин емвасалы колана нажёткасё сетліс вөр лэдзём. Но бөръя кадас и сійё лоис лёк тьёт кодь. Войдөр вөр лэдзысь гождёмсяньыс на тёдїс төвся уджалан местасё, быд керлысь донсё и вермис водзвыс заптыны уджалан местаас вөлыслы турун.

Вөр лэдзысьяс уджалісны вын-эбөс жалиттөг, весиг сьёкыд эскыны, мый өти вөлөн позьё петкөдны төвся төлысьясё 800 кер. А петкөдлісны. Öні став вөр лэдзан уджыс "Северолес" трест кыин и позьё, быттёкө эськө, ставсё ладмөдны водзвыв. Но оз тай сідз артмы. Йөзыс сёр арөдз оз төдны, лоө оз уджыс, лоө кө — көні сійёс кытыртасны. Да и донъясыс вывті ичөтөсь.

Вот и лоө емваса олысьлы босьтчыны видз-му уджө. Но муыс этша. Позьё выль му вөчны, но бура вынсьөдтөг сійё нинөм оз сет. Вынсьөдөм вылө колө куйөд. Та могысь колө видзны скөт, а сылы колө турун, кодї 100, весиг 150 километр сайын...

Ставсё тайөс позьё ладмөдны, босьтчасны кө колана ногөн областъя веськөдлысьяс. Оз кө ло вөчөма тайөс, емваса йөз и водзө кутасны мунны Сибирө да мукөд районъясё-областьясё".

* * *

Со татшөм кыв көрталөмөн помалө статьясё С. Коновалов.

Но 30 воясё да торйөн нин война бөрын тайө проблемаыс эз ло. Воркутаса да интаса из шом, ухтаса, вуктылса да усаса нефть да газ перйөм, республика пасьта пыр унджык вөр лэдзём, туйяс да нефте-газопроводъяс стрөйтөм кыскисны пыр унджык йөзөс. И өні республикаса став олысьяс лыдысь сөмын нельөд юкөныс коми аборигенъяс (абориген, латинскөй кыв вылысь — кутшөмкө местаын көреннөй олысь). Мукөдыс кыськө воөм йөз — став роч му пасьтаысь, сэкся Ленинградсянь Владивостокөдз, Украинаысь и Белоруссияысь, Арменияысь и Азербайджанысь, Татарияысь и Чувашияысь... Коми войтырөс сідз шусяна "ловзьөдан" обществоын эз этша сёрнитлыны бокысь воөм йөзсө, медводз рочьясөс, вөтлөм йылысь. Ме чайта, та могысь өні ыджыд старанньö оз ков. Асьныс мунасны, кодї вермас да коды эм кытчö мунныны. Тайө лоө сэк, кор "демократьяс" пөртасны олөмө ассыныс пеж уджсө — дзикөдз кысътасны став олөмсө. Налы вынъяссө жалиттөг отсасьёны коми войтырөс "ловзьөдысьяс". Джын уджсө, а, гашкө, и унджыксө, вөчөма нин. Мыйө көть он босьтчы, ставыс воддза серти 50, а то и 30 процент. Уджалөй и "ловзьөдөй". Сөмын тай нинөм оз ловззы. Кулысьясыс Россия пасьта кык пөв унджык чужысьяс дорсыс. Юалөй кодысь колө: кымын кага бөръя вит вонас регистрируйтисны Лөзымын либө Нювчимын. Ме ог нин сёрнит кутшөмкө Ула, Ловля либө Поруб йылысь, Конша, Дань либө Пузла йылысь...

Позьё, коды окота, төдмасыны и вөр лэдзысьяслөн олөм-вылөмөн, кор джын вөрпунктыс оз уджав...

* * *

Сибирө овны мунысьяс да сэнї зэв важысянь нин олысьяс йылысь статья вөлі помалөма нин, пунктөма точка. Но кутшөмкө "бур мути" зургис бокө да быттё гусьөнникөн вашкөдіс: видзөдлы пө "Коми му" журналъястө нөшта өтчыд.

Ме кывзыси да регыд и аддзи 1927 вося журналлысь 8 номер. А сэни Сибиринын олысь переселенецъяс йылысь дивч кодъ (рочон шуа: изумительной!) статья. Гижё сійӧс (дерт, рочӧн) профессор И. Н. Шухов. 1927 вося гождӧмын СССР-са Наукаяс академия котыр-тома СССР-ын олысь племеннаяс тӧдмалан комиссия. Сійӧ комиссияыс пӧ тшӧктис тӧдмавны Сибирса Тарской округын олысьяслысь племенной составсӧ.

Тарской округас комияс олӧны Тевриз районын ӧти семья, Знаменскойын 54 овмӧс да Екатеринбургскойын — 20 овмӧс. Тарской округас комияс олӧны рытыввыв Сибирса медся рытыв-лунвыв пельӧсын, Иртышӧ Тара ю усянінын.

А ӧни сэсся сетам кыв профессор И. Н. Шуховлы. Сійӧ бурджыка ставсӧ висъталас:

“Тарской округӧ овмӧдчӧм комияс ставныс вӧлӧмаӧсь Вологодской губернияс Усть-Сысольск уездыс 1880 восянь 1899 воӧдз. Уляшев вокъяслӧн некымын семья овмӧдчылӧма вӧвлӧм Тобольской губернияс (ӧни Тюменской областяс) Ялуторовск карын. Куим во мысти сэтъысь муномаӧсь Нагорно-Ивановской сиктӧ, а сэсся нӧшта 13 во мысти дзикӧдз вылӧ вудждӧмаӧсь Имшагальской посёлӧкӧ. 1898 воын сэтчӧ жӧ воисны Вологодской губернияыс нӧшта нель семья. Сэтчӧ сэсся чукӧртчисны мукӧд сиктъясысь комияс. Имшагальской посёлӧк лои Тарской округын медся ыджыд коми центр. Сэни ӧни комияслӧн 51 овмӧс, белорусъяслӧн — 6 да рочъяслӧн ӧти овмӧс.

Ме и тӧдмалі Имшагальской посёлӧкса комияслысь олӧмсӧ. Олі сэни матӧ тӧлысь.

Комияс воигкежлӧ сэни олӧмыс вӧраӧм-кыйсьӧм боксянь вӧлӧма бурсыс-бур. Гырысь сус пуяса вӧрын вӧлі помтӧм уна низь да мукӧд зверыс. Тайӧ сетліс бур нажӧтка кыйсьысьяслы. А видз-му вӧчӧмӧ колӧ вӧлі пуктыны зэв уна вын. Та вӧсна медводдза воысьясыс первой босътчисны вӧравны, кыйсьыны, а видз-му уджалӧм вӧлі мӧд местаын. Но вӧрса пӧжаръяс да помтӧм уна переселенецъяс бырӧдісны вӧрсӧ. Та вӧсна вӧралӧм лои мӧд местаын. Сотчӧм местаясысь бертисны мырсӧ и лоины кӧдза муяс. А вӧравны ковмис ветлыны не ӧти сӧ верст сайӧ.

Ӧни комияслӧн главной уджыс видз-му овмӧс. Кӧдзӧны медсясӧ рудзӧг да зӧр. Найӧ сетӧны медбур урожай. Кӧдзлісны и ид да шобді, но наысь ковмис энвотчыны, — бур урожай эз сетны. Кӧдзисны и шабді да пыш. Ӧтиыс муно ас кыӧм дӧраысь дӧрӧм-гач вурӧм вылӧ, а мӧдыс гез вылӧ. Мӧд места босътӧ, кызди шуим нин, вӧралӧм, и, медбӧрын, кутшӧмсьурӧ кустарной уджъяс: дьӧгӧдь пуӧм, шабді да пыш кӧйдысысь вый вӧчӧм, а сідзжӧ пуа кӧлуй мастеритӧм.

Имшагалынын олысьяс ӧнӧдз сёрнитӧны комиӧн, кӧть бура тӧдӧны и роч кыв. Челядь да нывбабаяс омӧлджыка гӧгӧрвоӧны роч кывсӧ. Имшагалынын ыджыдалӧ коми кыв, и белорусъяс да рочяс сійӧс бура тӧдӧны. Но оз позь тадзи шуны национальной паськӧм йылысь. Сійӧ дзикӧдз быри, весиг нывбабаяс оз новлыны сійӧс. Весиг пӧрысьяс оз новлыны, сӧмын помнитӧны важ паськӧмсӧ. Том йӧз, торйӧн нин зонъяс, зильӧны пасъгасыны карсяяс моз. Вӧралан кӧм-паськӧм нов-лӧны став олӧма йӧзыс.

Имшагаль посёлӧкын пӧшти став олысьясыс рӧдняяс. Посёлӧкса зонъяс гӧтрасьӧны посёлӧкса нывъяс вылӧ. Сӧмын бӧрря кадӧ белорусъяс босътӧны гӧтыръяссӧ коми нывъяс пӧвстысь. Но бара жӧ сӧмын асланыс посёлӧкыс. Тадзи гӧтрасьӧмыс бурӧ оз вайӧд. Том зонъяс 15 арӧсӧдз ичӧт тушааӧсь дай висълӧсӧсь. Нывъяслӧн дзонь-видзалуныс бурджык: 15 - 16 арӧса ныв верстьӧ нывбаба кодъ. Верӧс сайӧ петӧм 17 арӧса ныв кажитчӧ 25 - 30 арӧса нывбаба кодӧн. Гӧтрасьӧны томӧн — 16 - 17 - 18 арӧса нывъяс петӧны 19-20 - 21 арӧса зонъяс сайӧ. Тшӧкыда на том нывъясӧс сетӧны верӧс сайӧ мырдӧн. Та вылӧ мисътӧма видзӧдӧны пӧрысьяс. Но свадь-

буйтöмьыс бöрынджык, прöстджык кадö век жö лоö, кор и сьöмтор чукöрмыштас.

Грамота омöля тöдöны. 1926 воöдз Имшагаль посёлокын школа эз вöв. Комияс стрöга пасйöны праздникяс, торйөн нин гождя кадö: Прокопей лун, Петыр лун, Кирик и Улита лун, Илля лун... Тайö абу уджалан луньяс. Кötь геждика праздник лунö овлö помöч, а бöрас юöны "ханжа" — рудзöгысь пуöм самöкур.

Висьöмьясысь лечитлисны тöдысь бабаяс пöлялёмөн либö мыйкö вашкөдигтыр висьталёмөн. Некутшöм медицинскöй отсöг эз вöв. Медся матыс медпунктöдыс 622 верст. Ветлывлöны сэтчö сöмын сэк, кор пöрысь баблөн бур кывйыс оз отсав, а висьсысыс кулан выйын. Ме дорö волисны доймöм йöз, ранасö көрталöмаöсь сись пу пызьён, пöймөн, мöс ситөн либö шöнаа рокөн. Вöли и татшöмтор: öти коми нывбабалөн чужис куим кага, куимнаныс дзоньвидзаöсь. Нель баб тильсисны, мед петис кагаяс чужтöм бöрас няйтыс (рочөн: последыс). Но сийö эз пет, и куим кага чужтысьсö нель лун чöж пöжисны сьöд пывсянын. Витöд сутки вылас нывбабаыс садьтöм нин вöли. Сийö жö лунас кагаяссö нуисны 22 верст сайö вичкöй пыртны. Сэни олö и акушерка, но куим кага чужтысь нывбабалөн верöсыс эз лэдз корны акушеркасö.

Имшагаль посёлокса комияс пöшти ставныс шöркодя олысьяс, гöлыс этша, и сэк жö оз шыбитчы синмад кодлөнкö торья озырлун. Став керкаыс öти судта, тшупöма сус пуысь. Öти керка эм жö кык судта. Керкабердса став стрöйбаяссö вевттьöма тьöскөн. Комияслөн керкаясыс торьялöны белорусьяслөн керкаясысь. Комияслөн гөгөр сöстöм, югыд. Тöдчö тöждысьöм да уджачлун.

Ме шуи нин: видз-му уджалöмысь кындзи комилы нажötкасö сетö вöралöм. Кыйöны пötка и зверь, медсясö быд сикас лэчясөн. Кöчьяслы кызд да коз лапьясөн вевттьöм джуджыд гуяс, туланлы, низылы да визяордалы некымын сикас капкан, но сэтшöмьяс, мед эз тшыкöдны зверыслыс кучиксö. Сьöдбöжлы вöчöны пырчеччан. Сьöла кыйöны тадзи: кык пу костö крепитöны бөдь. Бөдь шöрас кольöны кык ув да наысь вöчöны кольча, а кольчаас сиалöны пеклясö.

Быд вöралысь татшöмьяссö пукталö сёс кымын и быд лун видлалö. Чöсьяс да капканьяс костын артмö мыйкö муртса тöдчан туй кодь. Татшöм ногөн вöралысь кыйö аслас прöмыслысь 60 процентсö. Ур кыйöны сöмын лыйлёмөн. Кötь и омöликöсь ружьясыс, но урлы старайтчöны веськавны юрас, мед эз тшык кучикыс. Вурд олö ю йивьясын и кыйöны сийöс капканьясөн жö. Руч сюрлö зэв этша, сезоннас куим либö вит... Паныдасьлö и ош, кыйöны лыйёмөн жö. Во кык сайын дзикöдз быри низь, ёна этша и тулан...

Комияс сьöлаысь кындзи кыйöны тар да дозмөр, медсясö лыйлёмөн. 1926 воын Имшагальса комияс кыйисны да вузалисны заготконторалы 4.200 сьöла да 200 тар.

Коми кыйсысысьлысь олём-вылёмсö петкөдлём могысь вайöда некымын лыдпас медся озыра олысьлөн овмöс йылысь. Сус пуысь тшупöм горничаа керка, пыш да шабдi кöйдысысь вый вöчан машина, 2 вöв, 5 мöс, 17 ыж, 8 порсь, 7 десятина (7,6 гектар) кöдза, винтовка да берданка, кык поң, вöрын кык чом (керка). 1926 воын сийö кыйис 10 ур, 12 сьöдбöж, 135 кöч, 424 сьöла да 63 тар.

Вöралöмыс оз нин верд, и комияс пыр ёнджыка босьтчöны видз-му уджö. Йöзыслысь пемыдлунсö абу на венöма, грамота тöдысысь этша. Эскöны быд сөрöмыслы: то пöрысь баб аддзылас вötөн змейöс, а тайö пö вермас вайны висьöмьяс, либö нöшта мыйкö. Меным колö нин вöли мунны, а олöма коми нывбаба вайис куим пиöс. И менам вöши вит сутки. Некод эз ну менö. И ковмис мунны латышьяс хуторö, сэсянь нин сэсся нуисны Тара карöдз. Сэсянь Омскöдз Иртыш ю кузя километр 600 кымын".

“Атаман Суханов” гижöмсянь 200 восайса лоöмтор

Лыдди Г. Торлоповон М. Лебедевлысь комиодом “Атаман Суханов” преданиесö да сийöс донъяломсö. Георгий Иванович помас вöчö откымын кыв көртöд. Дженъдыка казытыштам найöс:

1. М. Н. Лебедев ассыс гижöдсö шуö преданиеон. ...преданиеыс — коркö зэв важон вöвлөм йöз да збыль олом йылысь висьталөм. ...Быд висьталөгон сийö пыр ёнджыка торъялө оломас збыль вöвлөмторсыс.

2. М. Н. Лебедевлөн преданиеыс ёна важ (өнисянь кө артавны, 600 восайса) олом йылысь. Сийö гарыштö Стефан Пермскийöс да сы бöрын лоом епископöс. Стефан Пермский кувсис 1396 воын. Вылъ епископ Исаакий воис Емдинö 1398 воын да вермис восьтны Мылдинын Троицкөй манагырсö коркö 1400 вояс бöрын. Преданиесö М. Лебедев печатайтис Петербурга “Досуг и дело” журналын 1904 вося декабрын. Вот и артмö: М. Н. Лебедев висьталö (артавны кө гижан кадсянныс) ылöсас 500 восайса “история”, либö мөд ногон кө, “лоöмтор” йылысь.

3. ...збыль-ö атаманыс коми морт? Овыс сьлөн роч — Суханов, став разбойникъясыс рочьяс жö, казнитны судитөм йöз.

4. Дзик нин медбöрын сы йылысь, мый М. Н. Лебедев явö дзугöма. Оз лöсаяв Колва ю йылын 15 лун шöйтöмыс, Печоралань туй корсьöмыс... М. Лебедев водзö гижö: Колва юсянь туйсö аддзöм бöрын разбойникъяс пö петисны Илыдз (Илыч) вылö. Тайö некыз оз вермы лоны... Илыдз вылö лунвывсянь локтигөн колö вуджны Печора юсö да мунны верст 500, а сесся бөр кывтны Илыдз кузя 500 верстсыс ёна унджык... (“Войвыв кодзув”, 8 номер, 1996 во, 74-79 л. б.).

Георгий Иванович, кызди ме гөгөрвоа, оз дзик эскы Лебедевлы. Сы серти кө, “Атаман Сухановыс” ёнджыка легенда, мойд, а абу предание. Мөд ногон кө, фантастика. Сувтö юалөм: кутшөм подув вылын Лебедев лöсьöдис “Атаман Сухановсö”?

Лебедевъяс Ляли сиктысь вуджисны овны Көрткерөсö 1872 воын нин. Батыслөн чойыс, Вера, вөлөма верös сайын көрткерөсса писар Андриан Яковлевич Попов сайын. Лебедевъяс, кызди мукöд көрткерөссаяс, лыддыссьылöмаөсь государственной крестьянаон. Андриан Яковлевич да Вера Павловна дорö мамыскöд, Апполинария Павловнакöд, ветлигъясөн том Лебедев төдмаскö зырянскöй преданиеясөн да мойдъясөн, кодъясös йöзöдö “Вологодские губернские ведомости” газет. Найö кольöны сьлөн вежöрас, и кор сийö отсасьö батыслы вöчны гижан (писар) уджсö Мордин вөлөстьса правлениеын, ачыс лыддö зырянскöй преданиеяссö губернияса газетъясысь. На пиысь и Суханов йылысь: “Можно сомневаться, что в такой стране, как печорский край, дикий и лесистый, малонаселённый и бедный по торговым и промышленным оборотам, существовали шайки разбойников, отнимавшие плоды тяжелых трудов и дальних странствий бедного зырянина. Однако ж по преданиям разбойники были и это наводило на мысль, что здесь существовала когда-то значительная торговля... Главным притоном разбойников были река Илыдз и Малая Печера, где они безбоязненно совершали свои преступные дела. И до сих пор две или три крутоберегие речки, впадающие в Илыдз и Печеру, называются разбойничьими. Зырянские сказания насчитывают довольно много разбойничьих имен.

Суханов грабил сперва в далеких местах и, говорят, доходил до Казани. Шайка его состояла из пятидесяти человек. Преследуемые правительством, они кинулись в северные леса, где и заблудились. Суханов, как непременно всякий атаман, был колдун и чернокнижник. Для спасения своей шайки и себя он дал обет в первую реку, которая им попадет, высыпать золота и в первую церковь сделать вклад и потом жить смирно. И после такого обещания первая попавшаяся река была Илыдз, в которую разбойники высыпали мешок денег и положили под сосну клад. Затем они пришли в Печерский погост, где и жили сперва несколько дней смирно: потом двое эсаулов не выдержали и нанесли какое-то оскорбление жителям. Атаман, по рассказам одних, недовольный за дурной поступок своих подчиненных, убил эсаулов, а шайка, возмущившись на это, убила своего атамана.

По рассказам других, один из эсаулов Суханова, лично недовольный им, подговорил шайку убить своего предводителя. Высмотрев на воде, что можно утомонить атамана тогда только, когда у него будет чистое белье, эсаул выбрал удобное время и напал на Суханова с возмущенными разбойниками, которые окружили его со всех сторон, но он перескочил через всю партию и кинулся к воде. Атамана не допустили до воды, схватив огромным багром. "Счастье ваше, — сказал пойманный разбойник, — что я не коснулся воды, а то затопил бы всех вас". Его долго варварски мучали, наконец, закопали живого в землю, где он был трое суток. Выкопанный и истерзанный — он попросил, чтобы его застрелили в щеку. Убитого разбойника похоронили близ Печерского погоста, в урочище Поля-му (Дедушкино поле). Ныне оно снесено водою". (Вологодский областной архив, "ВГВ" № 6, 1867 г. Зырянские предания "Разбойники иклады").

1894 воё Лебедевъяс Корткерёсысь мунісны Колва вылө, Чердынь уездö. Уджалö Михаил Николаевич гижысьöн (писарён) Покчаын да Мошевын 1900 воёдз. Унаысь кывлö Вишера, Колва, Унья, Печера, Илыдз вылө Кама вывсынь, Чердыньсынь да Покчасынь, туйяс йылысь. Тöдмасьö важ туйяскöд, кодъяс Эжва вывсынь Печора пыр вуджлісны Из гóраяс да мунлісны Сибирöдз, Китайöдз. Öти татшöм туй — Печораö усьысь Илыдзсынь Объялöн вож Сосьва вылө. Сійö каднас буретш мунö ыджыд сёрни Илыдз—Сосьва костса вөр-ва, на костын туйяс йылысь. Гижöны та йылысь газетъясын, журналъясын. Сёрнитöны Чердынь да Усть-Сысольск уездса земскöй гласнöйяслön собраниеяс вылын. Вöлöгдаса губернатор юёртö аслыс государ-император Николай Романовлы. Сёрнитöны индöм ю йывъяс костас экспедиция котыртöм йылысь, медым нуöдны корсьсыян уджъяс да ю йывъяссö йитны тележнöй туйöн, восьтны тадзи Печора вывсынь Сибирö туй. Могыс öти: вайны Сибириысь Печора вылө донтöмджык нянь. Öд чердыньса купечьяс вузалöны няньсö зэв ыджыд донысь: кульсö 20 шайтысь, кор сійö Чердыняс суалö 3-5 шайт. И лоас кө туй, Сибириысь вайöм нянь Печора вылын, Усть-Сысольск уездын кутасны вузавны ичөтджык донъясысь. И медым кыпöдны йöзсö туйсö лöсьöдöм вылө, тшöктöма вöли котыртны Илыдз ю йылö экскурсияс велöдчысыясы да велöдчысыясы. Михаил Лебедев, дерт жö, тöдö бура та йылысь. Тшöкыда видзöдывлө и карта вылө. Öд экскурсиянас Илыдз-Сосьва юяс йылас көйсöны ветлыны и Чердыньса училищеясысь велöдчысысь...

1900 во. Корткерёсö воём бöрын сійö вылысь лыддьö 1867 вося "ВГВ" газетысь Суханов йылысь зырянскöй преданиесö да сы подув вылын гижö асьыс "Атаман Суханов" преданиесö.

Тöдчöда: 1867 вося губернияса ведомствяс газетас преданиесö пасйöмаось зырянскöйöн. (Чукөртöма сійös лесопромышленник Юрий Волков, кодi волöма Печора вылө, кытшовтöма Илыдз ю, сылөн вожъяспöлöнса вөръяс да корсьöма ниа вөръяс. Сэки сійös новлöдлысь зыряна, (туй индалысьяс-сынысьяс) и висьталöмаось Суханов йылысь

преданиеясо). Со мый вöсна М. Н. Лебедев и ассыыс "Атаман Суханов" преданиеясо шуö зырянскойон. Мöд ногыс эз и вермы шунысо. Лебедев Михайло тöдис, мый Суханов — зырянин, коми морт, но абу природной зырянин. И тöдмалис сы йылысь "Вологодские губернские ведомости" газетгыясысь жö. Сэтчö вайöдöма овьяясо роч йöзлысь, кодъяс волывлöмаюсь Новгородысь на 13-14 нэмгысын ушкуйник-разбойникъяскöд и сёрöнджык, кольччöмаюсь овны Сыктыв ю вом дорö, Сыктыв пöлönö, а бöрынджык Усть-Сысольскö. Татшöм йöз пöвстсыс Новоселовъяс, Латкинъяс, Посниковъяс, Сухановъяс... И 1646 вося Яренской уездса переписной книгаысь нин ми лыддям: "...погост на устье р. Сысола... А на погосте крестьянских дворов: Во дворе Степанко Давыдов сын **Суханов** с братом Левкой да с сыном Самойликом, 4 лет". (Документы народа коми, С-р 1980 г. стр. 187).

Сидзкö, Сухановъяс комиясо пöрöм рочьяс. Рочön кө, "озырянившиеся русские". Г. Торлопов серти Сухановъяс — рочьяс, найö вермисны лоны Устюгысь быттьö пö сы вöсна, мый Лепехин серти: "Тайö коми господасö гижöма Великой устюга купечьяс лыдö, а олöны найö Устюг карсянь зэв ыл местаын" ("ВК" № 8, 96 во). Медводз пасъям, мый Устюгыс и сы гөгöрса муясыс важся комияслөн олан муяс. Перымса Степан кадö на сэнi олiсны комияс. Комияс волiсны Устюгö да вузасисны, кöни Степан сёрнитiс накöд. Предание серти, мамыс Степанлөн, Мария, вöлöма коми нывбаба. Сидзкö, Сухановъяс, сэтгысьöсь кө найö вöлины, дерт, эз нин вöвны дзык рочьяс. Наян унатор вöли комияссиянь, но унатор вöли и рочьяссиянь, кодi венiс комисö (рочön кө, в нем было более русского). Мöд-кö, устюга купечьяс лыдö гижöмыс оз на петкöдлы, мый найö устюгаыс. Сэкса кадö каръясын вöлины купеческой гильдияс (союзъяс). Босьт, ньöб индöм карсыс купечыльсь гильдейской свидетельство и тэ лоан сийö карса купечөн, көть тэ сэнi некор эн и овлы да он и ов, он кут овны. Сийö кадас (1771 во), кор волiс И. Лепехин, Усть-Сысольск эз на вöв карөн. Купечьясылөн союзыс (гильдияыс) сэнi эз на вöв, а вöлины сöмын Устюгын, и Усть-Сысольскын нэм чöжыс олысь йöз, кодъяс вузасисны да кöсийсны новлöддыны купечыльсь ним, ветлiсны Устюгö да ньöблiсны гильдейской свидетельство и кутiсны шусьыны устюга купечьясөн. Со примеръяс. Нималана промышленник, купеч В. Н. Латкин олiс Сибириын, а лыддыссис усть-сысольскса I гильдияса купечөн. К. В. Казаков нэм чöжыс олiс Помöсдинын, а лыддыссис усть-сысольскса мöдöд гильдияса купечөн. И. В. Александров олiс Усть-Сысольскын, а лыддыссис слöбодаса первой гильдияса купечөн.

Г. Торлопов серти, М. Н. Лебедев "Атаман Суханов" преданиеяс петкöдлö 500 восайса лöөмтор (гижöмсянныс, йöзöдöмсянныс арталöмөн, дерт). Сы вöсна пö, мый Лебедев казгыштö Стефан Пермскийöс да сы бöрся воём епископöс.

Но видзöдлам, кызди казгытлö Перымса Степанöс Лебедев. Сийö гижö: "Регыд найö воисны Печора вылын Троицкой погостö. Сийö вöли вöвлöм Троицкой монастыр местаын. Монастырлы подувсö пуктылiс Стефан Пермский бöрын лöөм епископ. Сэнi вöли медводдза вичко, кытчö разбойникъяс сетiсны кöсийсылöм зарнисö" (72 л. б.).

Медводдза олысяясо Вой Мывалөн Печораö усянiнысь казгытлöны 1674 воын Кузьминской пöчинокысь, а Троицкой вичкосö да погостсö 1710 воын. Атаман Суханов, сылөн разбойникъясыс воöны сэтчö кор нин Троицкой погостыс эм. Сулалö нин вичко. Сидзкö, "Атаман Суханов" преданиеясо йöзöдан восянныс (1904 во) лöөмтор-йыскöд костыс: 1904— 1710 во = 194 во. Степан Пермскийсö да сэнi вöвлöм монастырсö Лебедев казгытлö кызди нин важөн вöвлöмтор, историяысь важөн кольöм тшупöд, пас, кодi вöлöма Сухановлөн татчö локтöдз на...

Лебедев Михайло гижö: "...Суханов öтчид уськöдчис грабитны Казань, кöни начальникiс царлөн воевода. Көть и эз вермы москваса стрелецъясöс, но сотiс пöшти джын карсö и босьтiс быд сикас озыр-

лунсö. Тайö уськöдчылöмыс кыпöдiс сэтшöм лöглун казаньса воеводалысь, кодi пыр жö корис Мöскуваысь 200 мортöс — медбур стрелецъяссö, мед кутны пез разбойник Сухановöс...


— Стрелецъяс, стрелецъяс! — горзiс атаман аслас йöзлы. — Локтöны уна стругъясөн. **Ставныс пищальёсь...** Грымöбтiсны пушкаяс да пищальяс, — и ядрöяс да пуляяс лэбзисны разбойникъяслань... Строгановъяс дорöдз воём бöрын сийö сувтöдiс кок йылö став ратникъяссö... и бересянь заводитiсны лыйлыны Строгановъяслөн ратникъяс. Но Суханов тшöктiс лыйлыны воча..."

Казань вöли босьтöма Иван Грозный дырйи 1552 воын. Сiдзкö, атаман Суханов вермис локны Казаньö сöмын индöм во бöрас нин. Сэсся стрелецъяс нин эмöсь, эмöсь пушкаяс, пищальяс. Пищальясöсь и разбойникъяс. Перымса Степаныд дырйи пищальясыд да пушкаясыд эз жö на вöвны. А Иван Грозный дырйиыд вöлины нин. Сэсся казтьгывсьöны Строгановъяс. Найö Кама ю пöлöнынöсь Иван Грозный дырйи нин. Буретш Строгановъяслөн казакыс, Ермак, 1581 воын мунö Сибирö Кучумлы паныд... Со и артмö: эз вермы гижны, и абу гижöма Лебедевыд 500-600 восайса лöмторъяс йывсьыд, Георгий Иванович. Лöмторъясыс Иван Грозный бöрсяöсь нин. Петр I сар дырсяöсь. Со и артмö (казьгыштам: Троицкöй погостыс Печора вылас 1710 восянь) "Атаман Суханов" предание йöзöдöмсяньыс да збыль лöмторсяньыс костыс кыксё гөгөр во! Унджыксö некызди сетны оз позы!

А вермисны-ö веськавны разбойникъяс Илыдз вылö Печора юсö вуджтөг? Вермисны. Видзöдлы карта вылö и аддзан (Лебедев тайöс аддзылис жö): Колва ю йывнас сетчö асыв-войланьö, Изланьö. Тасянь абу ёна ылын Печора йылöдз. И мунны кө веськыдавыв, асыввыв позыö ордыны Печора ю йывсö да мытшасыны Илыдзö.

Лебедев гижö: "...Суханов воис Колва ю йылöдз, кытчö вöли колö кольны пыжъяссö, мед сэсся мунны вöрса туйöд Печораöдз". Сэсся мунöны веськыд туйöд (видзöдны кө, туйыс нуö асыв-войö). Но ывлаыс гымалö, чардалö-зэрö и найö вошöны. И "ставөн уськöдчисны веськыдывлань. Ставныс шöйöвошисны, садь быртöдзыс повзисны... Дыр найö корсисны пода туй визьсö, но эз аддзыны. Бушкөвөн пöррöдöм пуяс вöсна нинöм эз тöдчы... Недыр мысти ставөн гөгөр-воисны, мый мунöны и асьныс оз тöдны, кытчö... Дыр собалiсны найö Печора бердса пемыд вöрын. Но воис дас витöд лун сы бöрын, кор найö колисны пыжъяссö. Ставөн шöйöвошисны... И со водзын пуяс костгыс тыдовтчис югыд. Разбойникъяс веськöдчисны сэтчань — и недыр мысти найö сулалiсны джуджыд берег вылын. Тайö вöли Илыдз, кодi усьö Печораö веськыдывсяньыс".

Тадзи Суханов да разбойникъяс ордыисны веськыдывыв сетчöмөн Печора юсö. А туйсö найö сiдзи эз и аддзыны.



Гүндыр

‘Оліс-выліс царь. Царлӱн вӱлі куим пи. Медыджыдыс Педӱр, шӱркостыс Василей, а медічӱтыс Иван. Пиян быдмисны дай батылыс кутісны вӱзйысыны путешествуитны. А баты шуӱ, томӱсь на пӱ, водз на.

И во куим кымын бара олісны пиян, и бара шуӱны батылы, лӱдз пӱ, баты, путешествуитны, йӱз местаяс видлавны. Баты шуӱ, чӱвлӱ пӱ, пиян, томӱсь на, кодкӱ повзбӱдас кӱ, повзянныд на, олыштӱй пӱ на гортын.

Олісны-керисны и коймӱд раз пондісны вӱзйысыны пиян. Ӑні пӱ, баты, лӱдз нин. Ладнӱ пӱ, ӱні пӱ ті гырысысь нин, позыӱ пӱ нин лӱдзны.

Но вот, найӱ петісны туйӱ. Мунӱны, гашкӱ, лун, гашкӱ, мӱдӱс. Воис, зонмӱ, тшӱкыд рас, дзык зу кодь. некыдз оз позы прӱйдитны. Аттӱ пӱ дивӱ. А сэн рас дорас керка эм, кузнеч олӱ. Таті пӱ кыті муннысӱ? Таті пӱ ветымын верст кузя пемыд вӱр, понӱль рас сэтшӱм, мунны пӱ некыті он вермы, шуӱ кузнеч. А ми пӱ кералам вӱрсӱ, а мунам, шуӱны вокъяс, вай пӱ чер дор. Черыд пӱ ӱд эм, налӱ пӱ, колӱкӱ.

Узисны вокъяс кузнеч ордын, аскинас чеччисны да шуӱны, но пӱ. Педӱр, пет пӱ да тэ керав талун. Педӱр петіс керасыны да пырис пемыдас. Кераліс сійӱ верстӱн-джынйӱн кымын. Пырис, висьталіс, уна-ӱ лои кералӱма, вокъяс и шуӱны, тадзинад пӱ керасыныд тӱлысь тырмас.

Аскинас керкаысь петіс Василей. А рытнас, кор пырис, вокъясыс юалӱны, но пӱ, уна-ӱ кералін. Кык верст да джын кымын пӱ. О, та-дзинад дыр лӱӱ.

Аскинас керасыны петіс Иван, кык дора черӱн, нарошнӱ дорӱдіс кузнечӱн да. Ӑвтіс да ӱвтіс сійӱ, ӱвтіс да ӱвтіс да и став кольӱм вӱрсӱ кераліс. Сэсся ещӱ на кызь кымын воськов водзӱ муніс. Кӱнкӱ ылын зэв ыджыд ӱкмыль кодь тыдалӱ, да ньӱввужйӱн сійӱ brun-нитіс-луйис и локтіс кузнеч ордӱ. Но, уна-ӱ пӱ кералін, Иван, юалӱны вокъяс. А менам пӱ тай туй воссис-а, ветымын верст сайӱ пӱ ветлі дай ылӱджык на волі, кутшӱмкӱ пӱ тай ӱкмыль вӱлі тыдалӱ, да ньӱввужйӱн пӱ лыйи. Аски пӱ мунам да аддзам.

Аски чеччисны вокъяс и шуӱны, но пӱ, кузнеч, тӱд локтігӱн мынтысям.

Петісны и мӱдісны водзӱ. Мунісны, мунісны, воисны ӱкмыль дорӱ. Видзӱдӱны да, зэв ыджыд дом сулалӱ. Иванлӱн тӱрытыя ньӱвйыд стынас инмӱма. Керкаӱ пырисны, мый колӱ, мый думыштан, сійӱ и пызан вылын эм: шыдыяс, рокъяс, ясничаяс, винаяс, суръяс и быд-тор, быдтор. Пукисны сійыны, а Иван и шуӱ:

— Педӱр, Василей, ӱна эн сійӱ, тані кодкӱ олысь эм на, воас на.

Педӱр да Василей быттӱӱ Иванлысь висьталӱмсӱ эз и кывлыны, сійысны да юисны, мый вермисны, пӱттӱдзныс.

Коркӱ-й сійыс вокъяслӱн, чеччисны пызан сайысь. Вокъяс и шуӱны:

— Тӱд, Педӱр, петны талун караулитчыны.

Тулуп пасьталіс Педӱр, петіс да кытшовтіс керка гӱгӱр, сэсся пос улас водіс дай унмовсис, толькӱ шкоргӱ-узӱӱ. Недыр мысьт пин-джакасис да петіс Иван. Петіс и аддзӱ: вокыс узӱӱ пос улас. О, пӱ, караульщик, важӱн нин стынитӱ. Но, ладнӱ, олыштіс Иван ывлаын и кылӱ: кодкӱ йиркӱдӱ-локтӱ телегаӱн. Сэсся видзӱдӱ сійӱ и аддзӱ: куим вӱлӱн куим юра Гундыр воис.

— Ак, — шуас, — Иван-царевич менам овмӱсӱ воӱма, пань тыр вир, вом тыр яй вайӱма.

Эн на пö вывтi вылитi лылы, давай пö тышкасьны кутам, шуö Иван. Давай пö, шуö Гундыр, пöльышт пö куим верст пасьта, куим верст кузя көрт гумла. А первой пö тэ ачыд пöльышт, тэнад пö куим лов да пöганöй, а менам öти да чистöй. Пöльыштiс куим юра Гундыр куим верст пасьта да куим верст кузя көрт гумла. Мöдiсны тышкасьны найö. Тышкасисны, тышкасисны, Иван и керыштiс саблянас Гундырлысь куимнан юрсö, шыбитiс сарай пос улас. А куим вöлöс шобдi йöртöд дорö домалис. Сэсся пырис керкаö да водiс.

Аски асьв Педöр пырис. Вокъяс юасьöны:

— Но, мый, кыдзи караулитчин, кодöскö аддзылiн эн?

Код нö пö локтас татчö, некод эз волы, шуö Педöр. Но, ладнö. Коркö-й вокъяс бара пондiсны сёйны. Иван и шуö:

— Педöр, Василей, ёна эн сёйö, танi кодкö олысь эм на, воас на.

Педöр да Василей бара эз кывзыны Иванлысь и сёйисны пöт-тöдзны. Но, вот. Сэсся-й рыт воис. Вокъяс и шуöны:

— Талун тэд, Василей, петны караулитчыны.

Тулупасис Василей, петiс ывлаö, кытшовтiс керка гөгöр, сэсся пос улас водiс дай унмовсис. Коркö петiс и Иван. Петiс и аддзö: вокыс унмовсьöма пос улас. Но, пö-й караульщик, важөн нин пö стынитö. Но, ладнö. Керка гөгöр видзöдлiс Иван и кылö: кодкö зымöдö-локтö. И воис, другö, квайт вöлөн квайт юра Гундыр.

— Ак, — шуас, — Иван-царевич менам овмöсö воöма, менсьым вокöс виöма. Ноко пö пуксьы кыв йылö, да ньылышта ме.

Эн пö на вывтi вылитi лылы, давай пö пондам тышкасьны, шуö Иван. Давай пö. Пöльышт пö квайт верст пасьта да квайт верст кузя көрт гумла. Ачыд пö пöльышт, тэнад пö квайт лов да квайтнанныс пöганöй, а менам пö öти да чистöй. Пöльыштiс квайт юра Гундыр квайт верст пасьта да квайт верст кузя көрт гумла. Пондiсны тышкасьны. Тышкасисны, тышкасисны. Иван и саблянас сöтыштiс Гундырлы, да сылөн квайтнан юрыс тутнитiс-уси. Сэсся сiйö юръяссö шыбитiс сарай пос улö, квайт вöлöс шобдi дорö домалис. Öни нин öкмыс вöв лои Иванлөн дай öкмыс юр чукöрмис. Сэсся пырис сiйö керкаö и водiс.

Коркö-й воис асьв, и Василей пырис.

— Но, мый, — шуöны вокъяс, — кыдзи караулитчин, кодöскö аддзылiн эн?

— Некод эз волы, труч ни трач, нинöм эг кывлы.

Но, ладнö, сёян кад воис, вокъяс пуксисны сёйны. Иван шуö:

— Педöр, Василей, ёна эн сёйö, танi кодкö олысь эм на, воас на.

Вокъяс бара эз кывзыны Иванлысь, сёйисны-юисны, мый тöрис. Рытнас Иван кутiс петны караулитчыны и шуис вокъяслы, видзöдöй пö, ёна эн узьöй. Ладнö пö, шуисны вокъяс, а асьныс, Иван петöм бöрын, пыр и унмовсисны. А Иван петiс и пыр кытшлалö керка гөгöрыс, кывзысьö, оз-ö кодкö лок. Олiс, олiс сiйö, и кывны пондiс, кодкö, кылö, зэв чорыда грымöдö-локтö. Видзöдлiс Иван и аддзис: öкмыс вöв вылын воис öкмыс юра Гундыр.

— Ак, — шуас, — Иван-царевич менам овмöсö локтöма да бар-стувуйтö, менсьым кык пи виöма. Гашкö пö, менö кöсьян тшöтш вины да? Ноко пö пуксьыв кыв вылö да ньылышта ме.

Эн на пö вывтi вылитi лылы, шуö Иван, давай пö пондам тышкасьны. Давай пö. Пöльышт пö öкмыс верст пасьта да öкмыс верст кузя көрт гумла. Ачыд пö пöльышт, тэнад пö öкмыс лов да öкмыснанныс пöганöй, а менам пö öти да чистöй. Пöльыштiс öкмыс юра Гундыр öкмыс верст кузя да öкмыс верст пасьта көрт гумла и юалис, кыдзи пö кутам тышкасьны. А вот пö кыдзи, шуис Иван. Öтиным пö мунам öти помас, мöдным — мöд помас и кутам локны паныд. Кодным пö зураситён усям, сiйöс и вины.

Но, ладнö. Мунiсны найö быдөн аслас помас и петiсны паныд. Петiсны паныд, прöйдитiсны öта-мöд дiнтiгыс и эз зурасьны. Мöд раз найö сувтiсны гумла помъясö, бара локтiсны паныд, и бара эз

мытшасьны օта-модас. Кыт нө пө тэ мунін, юаліс Гундыр Иванлысь. Сой вывтыд пө. Но, ладнө. Коймод раз найө сувтісны гумла помгыасө, бара локтісны паныд и бара эз мытшасьны. Өні нө пө кыті мунін, бара юаліс Гундыр. Өні пө сой увтыд. Но, тадз пө төлк абу, вай пө морөс на морөс тышкасям. И модісны найө тышкасьны морөс на морөс. Но и тышкасисны жө — страшнө-й видзөдныс. Коркө-й Гундыр Иванөс пондіс венны. Иван шуө, энлы пө, ме пө сапөг пөв шыбита, мед пө тэныд, пөганөйлы, оз коль. Шыбитіс Иван сапөгсө керкаө, и керка юрыс ставыс муніс. А вокъяс сэтшөм чорыда унмовсьомаөсь, эз и садьмывны. Сэсся бара пондісны тышкасьны Иван да Гундыр, и бара сійө пондіс Иванөс венны.

— Энлы, — шуас, — мод сапөг пөлөс шыбита, мед тэныд, пөганөйлы, оз коль.

Шыбитіс сійө сапөг пөвтө-й, керкаыд джодж выйөныс муніс. А вокъяс век оз садьмыны. Бара пондісны найө тышкасьны. Тышкасисны, тышкасисны, Иванөс и бара пондіс Гундыр венны.

— Энлы, — шуө Иван, — сабляөс шыбита, мед тэныд, пөганөйлы, оз коль.

Вай пө вешйышт сэсь, мед пө тэныд оз инмы өвтыштігас. От пө, меным пө оз позь. Но, сідзкө пө, доровтыштлы юртө, мед пө юрад оз веськав. Гундыр доровтыштіс юрсө, көртыс вешйис, голя бокас куш яйыс тыдовтчис. Иванлы вөлі тайө и колө. Сөтыштіс сійө саблянад Гундырлы, өкмыснан юрыс гөгыльтчис-уси. Ак, пө тэ, модысь пө керышт, горөдіс Гундыр. Тырмас пө, шуө Иван. Сэсся сійө юръяссө шыблаліс сарай пос улө, өкмыс вөлөс шобді йөртөд дорө домаліс. Өні нин сылөн лои дас көкъямыс вөв, куим туша да дас көкъямыс юр.

Сэсся Иван вокъяс дорас муніс. Өтісө чужйис, модсө чужйис, вокъяс чеччисны. Чеччисны вокъяс и синныс налөн паськалі. Видзөдөны да: стен ни, пөтөлөк ни, пызан ни, нинөм абу, куш джоджыс кольөма. А Иван сэки найөс нүөдіс сарай пос дорө да петкөдіс куим войся сражениесө, со пө менам куим войөн мый керөма. Но, ладнө. Шензисны вокъяс Иван удж вылө и модісны вөвъяс доддявлыны. Педөр доддяліс куим вөв, Василей — квайтөс, а Иван — өкмысөс, и модөдчисны гортлань мунны. Пуксисны телегаө, и Иван шуис, ме пө куим вой нин узытөм, вода да узышта, а ті пө видзөдыштывлөй, мед пө менам вөвъяс оз кольчыны.

Но, ладнө. Иван водіс да регыд и унмовсис. А кык вок и кутісны сёрнитны, вай жө пө Ивантө виам. Огө кө пө виөй, сійө пө пондас ошйысьны, Гундыръяссө пө ме кералі, а вокъяс пө узисны. А вай пө коксө кералам. Сідз-й вөчисны вокъяс, Иванлысь коксө керыштісны да шыбитісны асьсө туй бокө, а сылысь вөвъяссө босытисны. А Иван, куим войтө узытөм бөрын, сэтшөм чорыда узис, весиг нинөм эз и кывлы. Коркө-й сэсся садьмис сійө. Аттө пө дивө, кокөй пө тай нө позялөма. Видзөдліс да, вокъяс абуөсь, телега ни вөвъяс оз тыдавны. Пондыліс сійө чеччыны и эз вермы. Вот пө-й менө вөчөмаөсь, казяліс да шуис Иван. Сэсся бөрдіс, бөрдіс сійө сэн, босытіс дінсыс кок пөвсө дай кыссис ю дорө. Аттө пө дивө, тат кө пө эськө кывтны мый вылын кө, нинөм пө өд оз и кывт. Муртса шуис тайөс Иван, тыдовтчис кывтысь кер. Аттө пө, матыстчас кө пө эськө тайө керйыс, ме пө эськө-й та вылө и пукси. Шуис Иван тайөс, а кер бытгыө сэн-й вөлөма, берег дорас воис.

Пуксис Иван кер вылө и модіс кывтны. Кывтіс сійө лун, модөс дай коймөдөс. Коркө-й сэсся берег дорын тыдовтчис керка. Ок, пө эськө, татчө кө керйыд сибалас. Сөмын тадз шуис Иван, а керйыд өкурат керка весьтад воис и сувтіс. Иван чеччис кер вылысь и керка дорад кутіс кайны. Сэсь, другө, чепөсийс Ёма. Тэ пө виин менсым мужикөс, кык пиөс дай менө нин вины көсьян? А тайө вөлі өкмыс юра Гундырлөн бабаыс. Сійө, другө, кватитіс Иван-царевичөс и давай нөйтны. Дөбельки таскайтіс морттө — кок пөлатө вермө. Нөйтіс да

нөйтис, ёна и мудзис. Сэсса пö шойччам, а коймодыс шойччөм бöрын пö коднымос вермам, сийос и вины.

Ёма лэччис увлань томва-ловва, ёнмодчан ва юны. Сэки вылісянь горзыны кутіс кутшөмкө ныв. Иван-царевич пö, Ёма пö лэччис томва-ловва юны, ёнмодчыны пö көсийө. А модыс шойччигад пö тэ лэччы да ю.

Локтіс Ёма, и бара найө модісны тышкасны. Ёма сідз-й нөйтө Иванос, таг колльос моз вөдитө. Но, другө, пөгибө воис Иван. Вай жө пö сэсса шойччам, шуис сийө.

Шойччигөн Иван-царевич лэччис увлань, пөттөдзыс юис томваловватө, коксө ляскис сийө ванад, кокыс зэв бура йитчис, спойитөма быттьө, важсьыс ён лои. Сэсса томваловватө сийө кисьтис и кайис. Кайис Иван-царевич, бара найө паныдасисны тышкасны. Кватитіс Иван-царевич Ёматө көсаодыс и давай нөйтны, швачөдны. Вермыны нин кутіс сийос. Сэсса, другө-й, Ёма шуө, шойччам пө ещө, час, шуас, ме ещө лэччыла юны. Ёма лэччис, а ныв вылісянь горөдіс Иван-царевичлы, то пö тай кык крук эм, сийө пö босьт да кык нёняс пö сатшкы дай увлань и лэдз, кор пондас кайны мелань, а то пö сийө виас менө.

А Ёма лэччис да ваыд абу, и зэв ёна скөрмис ныв вылө. Тэ пö висьталін талы ва йывсьыс. И уськөдчис Ёма ныв дінө, кань моз стенөд пондіс кайны. А Иван босьтис крукъястө, сатшнитіс найос Ёма нёнясө и лэдзис увлань, виис сийос и шыбитіс ваө.

Сы кадө көнкө кыліс грымөдчөм. Сийө вөлі вөв, и сийос эз лэдз нылыд, мед Иван-царевичос оз косявлы. Сэсса лэччис нылыд Иван-царевич дінө. Сэтшөм сийө мича вөлөма. И висьталіс сийө Иван-царевичлы, ме пö вөлі купеч ныв, да пышйөдісны менө Гундырьяс квайт юра Гундыр гөтыр вылө, а ме пö эг көсий мунны, да тан пö и видзисны менө.

Сэсса Иван-царевич да купеч ныв доддялісны вөвсө, Гундырьяслыс сөвтисны став деньгасө, бурджык көлуйсө и пондісны мунны гортаныс, кыс вөлі Иван-царевичыд.

Мунісны, мунісны да кузнеч дорө воисны. Но пö, кузнеч, мынтысисны эз пö менам вокьяс? Найө пö эз и пыравны, шуө кузнеч. На пö, сідзкө, шуис Иван да деньгасө сетіс содз тырнас. Сэсса петісны кузнеч ордыс и модісны водзө.

Мунісны, мунісны найө и воисны гортас. А вокьясыс, вөлөм, висьталөмаось батыслы, Иван-царевичыд пö кулі, а ми пö, аддзан, мый најөвитім, быдторсө вайим. И царь вөлі зэв ёна любитө кык вокөс, Педөрөс да Василейос.

А Иван-царевич гортас воис, пырис батыс дінө и шуис:

— Здорова, батьө!

Но, тэнө пö тай нө кулөмаөн шуисны, а тэ пö тай ловья, шуис батыс. Эг на пö, эг на пö кувлы. Сэсса Иван-царевич висьталіс ставсө, кыдзи вөлі, кыдзи ветліс, страдайтис, кыдзи вокьясыс коксө кералөмаось да эновтөмаось. Царь кывзіс Иван-царевичлыс висьталөмсө и пыр жө тшөктіс Педөрөс индыны нужник весалысьсө, Василейос өшинь ув чиститысьсө, а Иванос пуктіс царө. Сийө мича нылыдкөд венчайтчис и өні олө, царствуйтө.

Бедүн

Оліс-выліс крестьянин. Крестьянинлөн вөлі куим пи. Медыдждыс Василей, модыс Педор, коймодыс, медічөтыс, Иван. Иван — сийө седун, паччөр сэрөгыс оз и лэччыв некор, пукалө сэн да сөй пиын луасьсө. А кыкыс абу йөйяс, найө прөсужось. Но, коркө бать висьмыс, омөльтчис зэв ёна и пондіс кувны. Сийө корис пиянсө и шуө:

— Но, пиян, ме, буракө, кувны куті, ог нин справитчы. Ті менө

дзэбёй-гуалёй кулом мысти, а сэсся куим вой волёй узьны откөн-откөн менам гу выло: первой Василей, сэсся Педор, сэсся и тэ волю, Седун.

Но, бать налөн кулі, дзэбисны-меститисны. Рыт воис, кайны талун узьны бать гу вылын медыджыд пилю. Медыджыд пи, Василей, и шуё:

— Он-ө тэ кай, Седун, узьны ме пыдди батыд гу вылын, ме тэд ньоба гөрд дөрөм!

Седун согласитчис: гөрд дөрөмыд сылы кажитчис, любө весиг. Зэв зия сэсся и тимбыльтис-кайис.

Бать гу вылын узис, батыс сетис зэв мича гөрд вөв. Лэччөдис вөвтө, лэдзис шор дорө, а ачыс бөр кыссис гортас.

Мөд вой узьомысь шөркост вок кёсийс вурөдны выль сапөг гоз. Седун согласитчис. Сылы эськө нинөм и сапөгсыс, оз ветлыв не-кытчө да, колө жө вот вөччыныд. Мөд войнас батыс сетис серөй вөв. Седун лэччөдис и бара лэдзис шор дорө.

Коймөд войнас бать сетис сылы зэв мича воронөй вөв. Седун бара лэччөдис да шор дорө жө сийөс лэдзис.

Кывсис: царлөн нывъясыс — Марья, Василиса да Марпида — бөрийоны аскөд тшөтшгьясөс мужикъяс выло. Царь сетис нывъяслы шөвк чышгьянъяс. Öтилөн мича-мича, мөдлөн сыысь мича, а медичөтыслөн, Марпида-царевналөн, ещө на мича: би моз öзйө, видзөдан да. Аски пө öшөдөны балкон выло медыджыд нывлысь чышгьян. Коді сийөс судзөдас, сийө и лоө жөникпу. Быд помысь йөз локтөны-чукөртчөны. И кык вокыд Седуналөн тшөтш мөдөны, ветлам пө, гашкө, и миянлы пө сюрас.

Седун шуё:

— Менө, вокъяс, он-ө тшөтш босьтө?

Вокъяс толькө сералисны:

— Чөв, йөй, кытчө тэ мунан, пукав паччөр сэрөгад.

Сэсся доддялисны омөлик кыскасян кляча вөв, пуксисны доддө и мунисны.

Кор вокъяс мунисны, Седун кыссис бауөн шор дорө, чукөстис пер-войя вөвсө, гөрдсө, и пырис пеляс. Öтар пеляс пывсис-мыссис, мөдарас көмасис-пасьтасис и петис сэтшөм ён, мича молодец! Сэсся пуксис вөв выло, гөнитис. Регыдөн и сүөдис вокъяссө: кыскасян вөвнад вөв абу на и мунөмаөсь. Сүөдис и вөв вывсынь швач кучкис пель бокас öтилы, швач кучкис мөдлы, найө усины пидзөс выланыс. "Свят, свят, — шуөны, — Илля великөй¹ мунис".

А Седун сийө ылын нин водзын лэбө. Лэбыштис царь дом дорө, гашкө, балконсыс на вылөджык чеччышліс и толькө исыштис, эз босьт чышгьянтө. Йөзыс видзөдөны да дивуйтчөны:

— Со, видзөдлөй! Со, вермө, да оз на и босьт ещө.

Дерт, кодкө сэсся судзөдис жө бөрын чышгьянтө. Седун бергөдчис бөр, а вокъяс век на мунөны, паныдасисны. Сийө бара öтиыслы швач кучкис, мөдыслы швач кучкис. Найө бара усины пидзөс выло. "Свят, свят, — шуөны, — Илля великөй бара мунис, миянөс страститис".

Коркө-й вокъяс воисны гортө. Седун паччөрын нин куйлө. Сийө, дерт, важөн нин удитліс воны, лэдзис вөвсө шор дорө, а ачыс бөр лой Седун.

— Но, вокъяс, кыськө-мыйкө аддзылінныд эн-ө, кывлід эн-ө? — юалө вокъяслысь.

— Эг аддзылөй, — шуөны найө, — кодкө чышгьянсө босьтөма нин, эз миянлы сюр. Толькө Илля великөй гымалис, страститис мия-нөс зэв ёна.

— А ме тай нинөм эг кывлы-а, некутшөм гымалөм, ме моз кө пукалід гортын, бурджык эськө вөлі, — шуө Седун.

¹ Илля великөй — енлы веруйтысьяслөн: гым-чард вөчысь.

Мод лунё шоркост ныв лэптис чышъянсö. Вокъяс бара мододчисны, но Седунос эз жö босътны. Седун ветлис серöй вöвнас. Чеччыштлис и бара толькö исыштлис чышъянтö, эз босът. Вокъясыслы чышъян, дерт, абу сюрöма, сöмын Илля великöй пö туй вылын гымалöма-страститöма.

Коймод лунö Марпида-царевна чышъян лэптис, медичот чойныс. Йöз чукөрмöма став царствосъыс. Седун петис да медводз и тимбыльтчис доддьö, вокъяс вöтлылисны, да эз чеччы. Воисны шор дорö, да вокъясыс шорас и порöдисны Седунос. Сералисны, сералисны дай мунисны, а Седун коли.

— Но, и тайö ладнö, — шуö Седун, — коть татчöдз вайисны, эз ковмы бауөн кыссыны аслым.

Чукöстис коймод вöвсö, воронöйсö, öтар пеляс пырис, пывсисмыссис, модарас комасис-пасъгасис, сэтшöм молодец лои, ён да мича. Вöв вылö пуксис и лэбыштлис вöвнад. Вокъясöс суюдис дай ордйöдис.

Царь балкон дорö воис Седун, чеччыштлис вöвнад. Сийö, зонмö, керкасыс на вылö волис и лэчигас вöлисти босътис чышъянтö Марпида-царевналыс.

— О, кутлö, кутлö, код нö татшöмыс! — горзöны йöз. А кыз сийöс кутан: сийö йöз юр вывтыс лэбö да.

Кор вокъясыс бөр локтисны гортö, Седун паччöрын нин вöли.

— Эз, эз сюр миянлы, — шуöны, — толькö Илля великöй бара страститис. Татшöм страстьсö эг на аддзылöй ещö.

— Гортын кö олд ме моз, бурджык вöли, — шуыштлис Седун.

Водисны узны. Аस्या рöмыднас на öти вокыд и садьмас.

— Мый тайö? Öзйöма тай нö керканым!

— Вокö, вокö! — пондис чуксавны. — Седуныд öзтöма керкатö, паччöрад биасьöма да!

А тайö Седунлөн питшөгсъыс чышъян помыс мыччысьöма. Седун садьмис, öдйöджык бөр суйыштлис чышъян помтö. Вокъяс чеччылисны жö эськö да, би эз аддзыны.

Сэсся-й, коркö югдис да, вокъяс доддясисны, босътисны Седунос тшöтш и мунисны царь ордö. "Талун, — шуöны, — дзик быдөнös корисны, тэнö быть лоö босътны". — "Ладнö, инö", — шуыштлис Седун.

Быд помыс локталöны йöз, кодi вермö и оз: синтöмыс и коктöмыс сэнi, гöлыс и озырыс. Лун шөр кежлö ставныс нин чукөртчисны, некод эз коль гортö. Седун кутис пырны, кыссьö бауөн.

— Тайös нö мыйла нин вайöдöны: тайö öд абу жö нин жöникпу, — шуöны йöз. А царь шуö, ставныс пö должен локны, некод пö мед эз коль бокын.

Сэсся царь сетис медыджыд нывлы вина стöкан.

— Кытшовт, — шуас, — йöз пöвсттыс, код ордысь аддзан ассьыд чышъян, сийös и юктав. Сэсся пуксы водзас: сийö тэнад жöникыд.

Но, ыджыд ныв пондис кытшовтны, пыр и аддзис ассьыс чышъянтö: кодi öд судзöдис, сийö оз кут дзевны.

— Но, батьö, менам сюрис, — шуö нывыд, сэсся юкталис жöникös стöкан винаөн.

Бать сетис стöкан вина шоркост нывлы. Шоркост нывлы регыд жö сюрис жöникыс.

Но, сэсся бать ыстö коймод нывлос, Марпида-царевнаös:

— Вай жö кытшовт, вина стöкан босът да, код ордысь аддзан ассьыд чышъян, сийö и лоö тэнад жöник.

Марпида-царевна пондис кытшовтны. А Седуныд питшөгсъыс тыдöдыштöма жö чышъянсö, абу ёна, а муртса. Марпида-царевналыс зев яндзим лои дай быттьö эз аддзы, кытшовтлис и бөр локтис.

— Эг аддзы, — шуö батьлы.

А бать шуö: модысь кытшовт, кыськö аддзан на, сийö тани, бокын абу сэсся йöзыс.

Марпида бара кытшовтлис. Седун дортi эськö-й мунис, да бара быттьö эз аддзы, вайис вина стöкан бөр, пуктис пызан вылö.

— Эз, батьо, сюр, ог тод, коні менам чышгьянй.

А бать и скормис:

— Тэ пö ылöдлан: омоль, конкө, да яндзим, ветлы да босьт, көть коді сійö эз вöv.

Коймодыс нылыд эз нин кытшовт: мыйла нö кытшовтас, тöдö нин да, адзылис да. Вескыда муніс Седун дорö, юкталис винаөн, носövой чышгьянөн чышкалис сылысь чужөмсö и пуксис дінас. Йöзыс серавны кутісны. Марпида-царевна юрсö лэптыны оз лысьт, яндзим да.

Царь адзис жöникöс.

— Тыпу, — шуас, — сюрöма жö морт, сөкөл так и сөкөл! Мунöй син водзысь! — Пируйттөг торья кухняö и модöдіс. А кык зяткөд пируйтöны зэв ёна.

И ми сэтөнöсь жö вöлім, сёйим-юим.

Свадьба помассис, колö видзöдлыны зятгьяслысь удалун да мастертвонисö. Ме пыри царь ордö и куті висьтавны сылы:

— Конкө зэв ылын, эстөн, зарни сюра көр эм, поле ылын ветлөдлө, зэв öдйö котралö. Коді вермас сійöс кутны, вот сійö мортөн кутас лыддысьны.

А царь и шуö:

— Но, зятгяс, петкөдлөй ассыныд морттуйнытö. Ветлөй да кутöй зарни сюра көрсö и вайöй татчö.

Ветлам пö, шуöны зятгяс. Босьтісны гезгяс, сюмыс вöжжи и мөдöчисны мунны. А Седун шуö аслас гөтырлы:

— Вай петав бать ордад, ва кыскалан көбыласö көть корлы, ме тшöтш жö ветла: ме öд зять жö.

Марпида-царевна петіс и корö.

— Мун, — шуö царь, — кушөм вöv сылы ковмис, Седунлы, мед лучшö пукалас гортас, йöзыслысь көть серамсö оз петкөдлы.

А царица и шуö:

— А жаль али мый тэныд, старикö, көбылаыд, мый он сет, вай сет, мед и Седун ветлас.

Но, царь сетіс ва кыскалан көбыла, лыс да кучикыс сөмын. Седун петіс, бөрөн пуксис көбыла вылад и мунö. А йöзыс сэні зэв ёна пондісны серавны.

— Видзөдөй, видзөдөй! — горзöны. — Седун зятгыд тшöтш мөдöчөма, вöv вылас бөрөн пуксьöма. Вот тайö и удал, вот тайö и кутас зарни сюра көртö!

А Седун пыр муніс и муніс, пыдди оз пукты серамтö, и воис аслас шор дорö. Көбылаөс бөжөдыс босьтіс, тракнитіс, яйыс ылö тутіс, а кучикыс коли киас. Öшөдіс кучиктö потшöс ылö и чукөстіс ассыс вövсö. Локтіс первойыд, гөрдыд. Öти пеляс пырис, пывисис-мыссис, мөдас — көмасис-пасьтасис и сэтшөм молодеч лои! Вöv ылö пуксис, свöякгясöс¹ суис, ордйөдіс и гымөдіс-лэбзис водзö. Найö толькө усины пидзöс вылас, Иля великөй пö мянөс страститö.

А Седун ветліс поле ылö, кутіс көртö и бөр нин локтö. Свöякгяс век на мунöны. Паныдасисны. "Тэ тай, молодеч, локтан нин, ваян, а ми тай со мунам на кутны", — шуöны найö.

— А менам кутöма нин, мый дырсö нюжмасьны, — шуö молодеч.

— А тэ он-ö вузав мянлы? — юалöны сылысь.

— Вузала, — шуö сійö.

— А уна-ö коран?

— Ыдждыд кок чуньястö вуңдöй да вайöй меным, тгянлы көр сета.

Свöякгяс думайтісны, думайтісны, сэсся и вундісны ыдждыд кок чуньястö, сетісны молодечлы: мян пö мед славаыс вöлі-а, кок чуньыд оз тыдав, уджавны оз ков — олам и кок чуньтөг. Молодеч босьтіс, зарни сюра көр сетіс и муніс.

¹ Свöяк — гөтыр чойлөн верöсыс.

А найо, кык свöяк, царь ордö мунисны. Нимкодъд царлы: вот пö тi и зятъяс!

Коркö-й дыр мысти Седун локтö-кыссьö: вöвтöгыд кыссыны дыр лои. Сийö, зонмö, вöв яй вывссьд куталöма катша-ракаясöс, гашкö, дасöс вайö-кыскö.

— На, — шуö, — тесть-тьöщa, гöснеч вайи.

Серамыд сэнi!

— Тьпу, — шуас царь, — дворецö менсьым пежалан, мунöй, — шуö слугаяслы, — кытчökö шыбитöй öдйöджык йöз водзсьыс.

Седун сэсся гöтыр дiнö тiмбыльтiс-мунiс, пызан дорö весиг эз корны.

Ме бара ышöдi царöс, да сийö мöдöдiс зятъяссö ылын кывссьы зарни щöтя порсьöс кутны. Седун бара мырдөн вöзйысис ветлыны ва кыскалан мöд көбыла ылын. Сийö öдйö и кутiс порсьтö мöд вöлыс отсöгөн да сетiс свöякъясыслы мышъяссыныс кульыштöм тасма пасьта кучикъяс ылö. А катша-ракатö гöснеч ылö вайис кык сы мында, но царь весиг матö эз сибöд Седунöс.

А ме бара висьталi царыдлы, мися, көнкö эстөн эм комын сывъя көбыла и сылөн комын чань. Царь и бара шуö:

— Но, зятъяс, бур зятъяс, эстөн-эстөн, кывсьö, комын сывъя көбыла и сылөн пö эм комын чань. Верманныд кө кутны сийöс да ваынныд меным, медбур зятъяс лоанныд. Нэм кута любитны и буравны!

— Ладнö, — шуöны зятъяс, — ветлам.

Седун бара ыстö гöтырöс:

— Мун ветлы да кор батыдлысь коймöд көбыласö, ме öд зять жö.

Царь эськö оз вöлi сет, да бара царица сувтiс нылыс дор, тшöктiс сетны көбылаöс.

Кор Седун воис шор дорö, көбылаöс босьтiс бöжöд, тракнитiс, и яй тутiс, кучиксö бара öшöдiс потшöс ылö. Сэся чукöктiс коймöд вöвсö, Воронкосö. Вöв воис. Öти пеляс пывсис-мыссис, мöдас — көмасис-пасьтасис, сэтшöм молодец лои, мича да ён.

Вöлыд сылы и шуас:

— Босьт, көзяин, куим ведра сир да куим пож ем, потшöс вывссьд вöв куястö босьт, и мунам комын сывъя көбылаöс кутны.

Седун босьталiс, мый тшöктiс вöлыд, и мöдöдчис мунны.

Мунiс, мунiс, воис поле, а поле шöрын дуб. Воис дуб дорад, видзöдö: көбыла йирсьö поле ылын. Кыдзи велöдiс Воронко, сiдзи и вöчис: Воронко ылö öти көбыла кутö шлапкис, кисьтiс ведра сир да ылиас пож ем, сэсся мöдöс шлапкис, бара ведра сир да пож ем, и коймöдöс сiдз лöсьöдiс. Ачыс сэсся дуб йылас кайис да сулалö, виччысьö.

А көбылаыд аддзис сылысь воронöй вöвтö, уськöдчис, зонмö, да кыдзи тай курччас! Не кө көбыла кучикъясыд, сирыд да, емыд да, Воронколы эськö сэнi и смерть, воис эськö. Да ладнö, вöв куыд веськалi. Воронко чужъялö-жваньгö бокас, а комын сывъя көбылалөн восемь тыри сирөн-емөн да, оз вермы курччыны водзö, мынтöдчö. Кыдзкö öд и мынтöдчис сэсся. И мöдысь курччис-апыштiс, мöд ку веськалi сирнас и емнас. Мынтöдчис, мынтöдчис и бара кызкö мынi. Коймöдысь апыштiс да коймöд пож ем шедi. А Седунлөн Воронко öтарö жваньгö-чужъялö. Чужъялис, чужъялис, көбыла сэсся-й уси пидзöс ылас. А Иван чеччыштiс дуб вывсянныд дай домалис, öнi пö он пышйы меысь. А мам кө оз пышйы, и чаньяс оз пышйыны, дерт, найö вöтчасны.

Мöдöдчисны мунны, а паныд лоины свöякъяс.

— Тэ нö, молодец, бара нин кутöмыд тайöс, ми мунам кутны-а. Он-ö вузав миянлы?

— А мый ылö нö нöбанныд? Кок чуньныд абу, мыш кучикныд абу, мый ылö и вузала тiянлы? Юртö тiянлысь он босьт, буракö, юртöгыд он вой гортад, а денъя ылö ме ог вузав.

Зятъяс сэтчө колины, сулалёны, а Иван муні царь ордө.

Ылісянь и аддзисны локтөмсө: сылөн өд со дзонь табун лои, комын өти чаня-вөла да комын кыкөд аслас вөлыс. Бусыс кымөрөн кайө, локтө да. Казялісны, петісны быдлаысь йөз, восьталёны конюшняяс, мед отсавны зятъяслы йөртны: найө өд эз думайтны, мый Седун кутөма да вайөдө. Царь шуө:

— Ланьтөй, эн шумитөй: кутісны өд! Порсьтө кутісны, көртө кутісны, со и комын сывъя көбылаөс кутөмаөсь менам тэрыб зятъясөй.

А Седунөс оз казътыв, оз и зятъ туйө пукты.

— Сійө ваяс на коркө катша-ракатө, — сералёны пируйтъсыяс.

Но, петісны ставыс встречайтны, сувталісны конюшняяс дорө. Тшөтш и Марпида-царевна петіс, восьтіс ассьыс карта өдзөссө. Пу дзиръя вөлі сылөн карта өдзөсыс да, зэв ёна дзуртыштіс.

— Мый бара седуникаыс¹ сэн кимөститчө-а², — сералө царь, — виччысьө жө, тыдалө, кодөскө.

А вөвъяс локтісны-локтісны да гузь пырисны Седун картаө.

— Но, мун жө, гөтыр, пывсян ломты, дыр нин ветлі да няйтөсси. Марпида-царевна пывсян ломтіс. Седун лэччис пывсьыны.

— Мун батыө ысты пывсьыны, — шуө Марпида-царевналы.

Бать дінө муніс Марпида-царевна:

— Батьө, Седуныд тэнө корис пывсьыны, — шуө батылы.

— Седункөд пывсьыны ог жө мун, — шуө царь.

А Седун лэччис пывсянө, порг весьтө өшөдіс свөякъяслысь кок чуньяссө да мышку кучикъяссө и пырис пывсьыны. Царь пукаліс, пукаліс, а час пө лэччыла, ог-ө вермы кызкө-мыйкө ылөдны сылысь комын сывъя көбыласө, ачыс пө өд эз жө кут-а. Лэччис пывсянө, пондіс пырны — тронь инмисны плешас кок чуньясыд, шляп кучкисны мышку кучикъясыд.

— Тайө нө мыйяс өшлөмыд? — юалө царь.

— А тайө — зарни сюра көр, — индіс кок чуньяс ылө Иван, а этайө — зарни щөтя порсь, — шляп-шляпкерыштіс воча мышку кучикъясөн... Тайө ставыс тэнад зятъяслөн.

Царь крапнитіс өдзөссө, зэв өдйө кайис гортас. Зятъяс муртса на воөмаөсь:

— Ноко вай пөрччылөй көмкотнытө, петкөдлөй кок чуньяснытө.

— Мыйла нө пөрччысям?

— А вай пөрччылөй, сэн тыдалас, мыйла.

Зятъяс пөрччисны сапөгьяссө, а ыджыд кок чуньныс некодныслөн абу, вундөма.


— Вай и дөрөмястө пөрччылөй, — тшөктө царь. Дөрөм пөрччөдіс зятъяслысь.

А сэнө йөзыд, серамыд! Куснясьөмөн сералёны, видзөдөны да.

— Тянлы и кухнясө ме ог сет, — шуө царь, — убирайтчөй мөд царствөө.

Сэсся вөтліс найөс гөтыръяснас и быдсөн, мед пө налөн дукыс эз вөв менам царствоын. А ачыс бөр лэччис пывсянө да бура и пывсис корөсьөн да киськасис пу лөканын изйөн шонтөм ваөн. Но и Иванлөн пывсьыссис. Сійө, дерт, абу нин Седун, пывсьөма, мыссьөма да сэтшөм молодеч лөбма! Кайисны царкөд и сизим лун пируйтісны-столуйтісны гөстьяскөд.

Сэсся Иванөс царө пуктісны. Иван царь лои, а ачыс, важ царыс, старикө кольччис. Марпида-царевналы да Иванлы вөлисти оландыр воис, нимкодъ, лөсьыд. Вот сэсся, колөкө, и өні на олөны Иван да Марпида-царевна.



¹ Седуника — седунлөн гөтыр.

² Кимөститчыны — чудитны, йөзлысь серам петкөдлыны.

Йӱзӱдӱмӱ "Войвыв кодзув" журналын 1996 воын

Романъяс, повестьяс, висьтъяс, мойдъяс, кывбуръяс, пьесаяс


- АЛШУТОВ А. "Сьӱктаммӱмӱ енӱжыс..." Кывбур. 4.
БЕЛЫХ И. Пӱтӱлӱкын увъяс. Серпасъяс. 5. Вакрӱ шор. Висьт. 7. Лов кыпӱ-дысьӱй, вердысь-удысьӱй. Серпасъяс. 10.
ВАВИЛИН М. Ась-Парась. Кывбур. 8.
ВАЛЕРИАН Е. Кыськӱ кывлӱм шыяс. Кывбуръяс. 6.
ВАНЕЕВ А. Выль кывбуръяс. 2; 5; 9.
ВАСЮТОВ Ю. Выль кывбуръяс. 2. Буско. Висьт. 3.
ВОЛОДАРСКИЙ Н. "Ме водзын орчӱн..." Кывбур. 11.
ГИЛЕВ Г. Шойна вылын. Висьт. 3.
ГОРЧАКОВ Г. Со тӱнды и гадайтчӱм. Висьт. 8.
ДУРКИН Г. Ош йылысь висьтъяс. 4.
ЕЛЫКИН М. Зарава вийӱдан кадӱ. Кывбуръяс. 4.
ЕЛЬЦОВА А. Кывбуръяс. 5. Ӗтка кодзув. Кывбуръяс. 8. Выль кывбуръяс. 12.
ЖУРАВЛӱВ-ПЕЧОРСКИЙ В. "Увтасины быттӱ выджыд тасъти..." Кывбур. 4.
КАНЕВ А. Трешка Вань. Висьт. 1. Медбӱрря туйын. Висьт. 8.
КАРМАНОВА В. Синъяслы тӱ кажитчин. Кывбуръяс. 1.
КОЗЛОВА Е. Векныдик ордым. Повесть. 7.
КУРАТОВ В. Зарни чунькытш. Висьт. 12.
КУРАТОВА Н. Куим висьт. 4.
КУШМАНОВ В. "Лӱбач шыясӱн тыр асьядор..." Кывбур. 4. Кыдз пу да из. Кывбур. 11.
ЛЕБЕДЕВ М. Атаман Суханов. Коми предание. 8.
ЛОГИНОВА Г. "Миян костын югыд йитӱд эм..." Кывбур. 7.
ЛОДЫГИН В. Выль кывбуръяс. 6; 10.
ЛУЖИКОВ А. Мамлы, гӱтырлы, чойлы да нывлы. Кывбуръяс. 7.
ЛЫТКИН В. (Илля Вась). Ас мулы. Кывбур. 1.
МИРОШНИЧЕНКО Н. "Кыпыд руа, ловъя му выв олысь..." Кывбур. 4.
МИШАРИНА А. Ӗг и тӱдлы. Кывбуръяс. 3. Сьӱлӱм бердӱдз ставыс инмӱ. Кывбуръяс. 10. Выль кывбуръяс. 12.
НАПАЛКОВ В. Вотӱса август. Повесть. 5; 6.
НЕКРАСОВ А. (Гамса). Вежа рытӱ. Водзӱс перйисны. Катша шыд. Висьтъяс. 3.
ОБРЕЗКОВА Н. А лымйыс сылас. Кывбуръяс. 3.
ОДИНЦОВ А. Вӱр-ва йылысь висьтъяс. 2. Парма-мамлӱн пиян. Ручпи. Висьтъяс. 6. Кык висьт. 12.
ПАВЛОВА Н. Выль кывбуръяс. 7.
ПАЛКИН Л. Лола. Тувсов лунӱ. Висьтъяс. 6.
ПАРНАЧӱВ А. Наян. Повесть. 4; 5.
ПЛЕХАНОВА М. Ӗтдор и колана. Повесть. 11.
ПОПОВ А. Гӱрд кӱшель. Висьт. Вит минуттӱм час. Притча. 6. Кимӱститчысьяс. Серамбана повесть. 12.
ПОПОВА Ю. Кутасигӱн. Мыйла мӱд кокнад эн тувчы... Шмоньыд бурӱдӱ. Висьтъяс. 11.
ПЫЛАЕВА С. Сӱ во мысти. Мойд. 3.
РОЧЕВ Е. Кык висьт. 2. "Нӱбасысь" зонка. Висьт. 4. Мускын изьяс. Висьт. 12.

- САВИН В. (Нёбдинса Виттор). Садым, ловзыё Коми му. Выль Пашлы. Кывбурьяс. 2.
 СИМАКОВ И. (Сим Вань). Кывбурьяс. 3.
 СУВОРОВ А. "Войсы каньпи коды шоныд..." Кывбур. 4.
 ТЕРЕНТЬЕВА Н. "Тэ чайтан..." Кывбур. 11.
 ТОРОПОВ В. Нель висьт. 1. Яран. Висьт. 6.
 ТУРКИН А. И. Калевала. Комиодом юкон. Сточмодомьяс. Бөркыв. 7.
 ТУРУБАНОВ М. Чужйомон пистиалё. Висьт. 2.
 УЛЯНОВ А. (Паш Вась Олёксан). Выль керка. Висьт. 12.
 УЛЯШЕВ В. Войпук кора пожом. Жыннин гор. Колис гожымыс. Менам полйй номсасё. Кывбурьяс. 1. Джуджы йрас келс. "Менам вом дорьясё..." Эм и татшом муслуи. Кывбурьяс. 4. Петкодчыв, йлога. Воис толыс. Овлё и тадз. Кывбурьяс 11.
 ФРОЛОВ Д. "А пармамысы важ моз на...". "Узы тэ ёни лёня...". "Товся сиктлён унмыс...". Кывбурьяс. 6. "Ен образтё..." Кывбур. 11.
 ЧИСТАЛЁВ В. (Тима Вень). Ёния дырйи. Серпастор. 1.
 ШАХОВ Б. Овлёсны-вывлёсны. Роман. 9; 10.
 ШЕБОЛКИН П. (Выль Паш). Частушкаяс. 3.
 ШИЛИКОВА З. Выль кывбурьяс. 7.
 ШИРЯЕВ В. Мурка. Висьт. 7.
 ШЛОПОВА О. Ош Миш. Мойд. 7.
 ЮШКОВ Г. Бива. Роман. 1; 2; 3; 4. Тури козин. Ворсан мойд. 8.
 ЙОЗКОСТСА МОЙДЪЯС. Седун. Гундыр. 12.

Публицистика

- АНУФРИЕВ А. Ыркыд Изывасянь пось Аравияёдз. 5.
 АФАНАСЬЕВ А. Мортлён ним, вич, ов. 5.
 АФАНАСЬЕВ В. Мусмис войвыв. 11.
 БЕЛЫХ И. И челядылы, и верстыёлы. Выль книгаяс. 4.
 БЕЛЯЕВ Г. Быттыё ёг турунысь весалёмны. Висьталёны документьяс. 6. Юс да Спира Прокё. 10.
 БИБЛИЯ комиодан котыр. Шыодчём. 6.
 ВАНЕЕВ А. Югыд кодзув. 10.
 ВАХНИНА А. Пошта кудйысь. 6.
 ГАБОВ А. Печора ю бокин. 7.
 ГУДЫРЕВА Л. Аслысполёс тшупод. 9.
 ЖУРАВЛЕВ С. Быд лов вёсна сись талун Ен водзын ёзта. 6.
 ИВАНОВ В. Эз вунёдды комитё. 11.
 ИГНАТОВ М. Места нимьяс "Горд небёгын". 10.
 ИГНАТ орд Чуд Миш. Нёшта Крап Степан йылысь. 9.
 ИЗЬЮРОВ И. Кыдзи сийё лоё. 5.
 КАЗАРИНОВ Л. Мед эз бергодчы тшыг кад. 1.
 КИСЕЛЕВА Т. Колёны-ё ас нимьяс. 3.
 КОЗЛОВ Н. Став олёмсё войтырлы. 6.
 КУЗНЕЦОВА Т. Тодчё аслас киподтуй. 11.
 КУНГИН В. Коми ёбича. Кётйом кывтыд. 3.
 КУРАТОВА Н. Быд гажодчём — лёсялана кадё. 3.
 ЛАТЫШЕВА В. "Шудыс сьёлёмё оз тёр". 6.
 МАРТЫНОВ В. Корсысыс квайтымын во. 6. Важ сыланьяс чукёртысь. 11.
 МИКУШЕВ А. Коми мойдкыв. 11.
 МУСАНОВ А. Лэт да Луз вожса нимьяс. 2.
 ПАНЮКОВ А. Збыль олёмыс вёлі мод нога. 1. Лымваын. 4. Елесь Иван Попов да мукодьяс. 7. "Атаман Суханов" гижёмсянь кыксё воясайа лобмтор. 12.
 ПАХОРУКОВА В. Пермьк вокьяс ордын. 3.
 ПЕТРУНЕВ А. Косьмёны вужьясыным. 2. Гижыськёд восьса сёрни. 5. Юбилей да вунёдём нимьяс. 7. Сыктывкар: талун и аски. 9.
 ПЛОСКОВ И. С. Мельниковлён гижодьяс. 1. Важ мифология туялём. 4. Вежа Стефанёс нимёдём. 5. Перым. 7.
 ПОПОВА Р. Пыдди пуктылысны учёнойяс. 9.
 САМАРИНА Е. "Куломдин кар — сылан кар...". 7.
 САНИН А. Вёвлі шань да шмонлив. 7.
 СИЛИН В. Тодмалёсны коми войвыв. 1. "Государстволы колана морт". 6.
 СИМАКОВ И. (Сим Вань). Колё коми сыланкыв. 4.

- СОЛОВЬЁВ В. Эжа йывлань. 1.
СУРКОВ Н. Ёна отсавліс гольяслы. 11.
ТОРЛОПОВ Г. Сизимдас вося воськовъяс. 1; 2; 3. Пемыдтөг югыдыд оз овлы. 8.
И тайёс колё тодны. 12.
ТУРЬЕВ Г. Журналистлөн важ блокнотысь. 1.
ХОЛОПОВА Д. Биа Огыр. 6.
ЦЫПАНОВ Е. Ась быдёс вежортны — мед ставсё гөгөрвоны. 3.
ШАХОВ И. Вужвойтыр йылысь мөвпъяс. 11.
ШЕРГИНА А. А. Ларевалён гижөдъяс йылысь. 2.
ЭРНИТС В. Эстонец казтылө Жаковёс. 9.



Дона ёртъяс!

Чолөмалам тиянөс

Виль, 1997 воён!

Журналын йөзөдтөм гижөдъяс

редакция оз рецензируют и авторыслы найёс оз мөдөл

Техн. редактор **В. Напалков.**

Корректор **Е. Панюкова.**

Адрес редакции: 167610, г. Сыктывкар, Дом печати, комн. 26

Телефоны редакции: 42-47-52 (гл. редактор), 42-51-52 (отв. секретарь).

Сдано в набор 5.11.96. Подписано к печати 1.12.96. Формат 70X108^{1/16}. Печать офсетная.
Усл. печ. л. 7; усл. кр.-отт. 5,64; учетно-изд. л. 7,54. Тираж 1657. Заказ № 3448.

Регистр. № 000013.

АО «Коми республиканская типография», 167610, г. Сыктывкар, ул. Первомайская, 70.



Снимайтс Ю. Осетров.

Индекс 73069

Доныс сёрнитчѳм серти.